

LŌ·-KA HOK-IM TOĀN (42)

1 In-ūi ū choē-choē lāng chiong lán tiong-kan í-keng chiāⁿ ê sū bat kiáh pit lâi pài-liát choè toān; ²chiū-sī chiàu hiah ê choè tō-lí ê chhe-ēng ê lāng, tùi khí-thâu chhin-bák khoàⁿ-kìⁿ, lâi thoân hō· lán ê; ³goá í-keng tùi khí-thâu siōng-sè chhâ-khó lóng-chóng ê sū, chiū siūⁿ tiōh chiàu chhū-sū siá i, lâi kià hō· Thê-o-hui-lô tãi-jîn, hō· lí chai só· hák-síp ê ê khak-sit.

⁵Tng Iū-thài ông Hi-lút ê sī, ū siók A-pí-a pan ê chè-si, miâ Sat-ka-lī-a; i ê bó· sī A-lūn ê hō·-è, miâ kiò Í-lī-sa-pek. ⁶In nng lāng tī Siōng-tè ê bīn-chēng sī gī ê lāng, chiàu Chú it-chhè ê kài-bēng lé-gī lâi kiāⁿ, bó thang hiām. ⁷Chóng-sī in bó kiāⁿ, in-ūi Í-lī-sa-pek boē hoai-īn, nng lāng nî-hè iū-koh lâu.

⁸Hit sī Sat-ka-lī-a chiàu i ê pan-liát kiāⁿ chè-si ê chit tī Siōng-tè ê bīn-chēng, chiàu chè-si chit-hūn ê lē thiu-chhiam tit-tiōh jip Chú ê tiān sio hiuⁿ; ¹⁰tng sio hiuⁿ ê sī, peh-sìⁿ kui tīn tī goā-bīn kī-tó. ¹¹Chú ê thiⁿ-sài chhut-hiān hō· i khoàⁿ, khiā tī hiuⁿ-toāⁿ ê chiāⁿ-pēng. ¹²Sat-ka-lī-a khoàⁿ-kìⁿ, chiū gōng-ngiáh, kiaⁿ-hiāⁿ. ¹³Thiⁿ-sài tùi i kóng, Sat-ka-lī-a ah, bóh-tit kiaⁿ, in-ūi lí ê kī-tó í-keng thiaⁿ-kìⁿ lah; lí ê bó· Í-lī-sa-pek beh siⁿ kiāⁿ, lí tiōh ká i hō· miâ kiò Iok-hān. ¹⁴Lí beh hoaⁿ-hí koh khoài-lók; choē-choē lāng iā beh ūi-tiōh i chhut-si lâi hoaⁿ-hí. ¹⁵In-ūi i tī Chú ê bīn-chēng beh choè toā, phû-tô chiú kap it-chhè

ê chiú lóng bó lim; tùi lâu-bú ê thai chiū hō· Sēng Sīn chhiong-moá. ¹⁶I beh hō· Í-sek-liát hō·-è choē-choē lāng oát-túg lâi kui Chú, chiū-sī in ê Siōng-tè. ¹⁷I beh ēng Í-lī-a ê sim-sin kap chài-lēng kiāⁿ choē-thâu tī Chú ê bīn-chēng, hō· choè pē ê oát-túg sim òng tī kiāⁿ, hō· poē-gék ê lāng thàn gī lāng ê tì-hūi, ūi-tiōh Chú pī-pān háp-ēng ê peh-sìⁿ. ¹⁸Sat-ka-lī-a tùi thiⁿ-sài kóng, Goá tùi cháiⁿ-iūⁿ oē chai chit ê sū ah? In-ūi goá í-keng lâu, goá ê bó· nî-hè iā lâu lah. ¹⁹Thiⁿ-sài òn i kóng, Goá chiū-sī Ka-pek-liát, khiā tī Siōng-tè ê bīn-chēng ê, hōng-chhe kap lí kóng oē, pò lí chiaⁿ ê hó siau-sit. ²⁰Taⁿ lí beh chēng-chēng boē kóng oē, kàu chiaⁿ ê sū tit-tiōh chiāⁿ ê jīt, in-ūi lí m̄ sin goá ê oē, chiū-sī hiah-ê kàu kī beh èng-giām ê oē. ²¹Peh-sìⁿ theng-hāu Sat-ka-lī-a, kī-koài i kú-kú tī tiān-lāi; ²²kàu chhut-lâi boē kap in kóng oē, chiū chai i tī tiān-nih ū khoàⁿ-kìⁿ īⁿ-siōng; i chiū tùi in pí ì-sù, keng-jian sī é-káu. ²³Kàu i chiàu chit-hūn hók-sái ê jīt moá, chiū tò-khì in tau.

²⁴Chiah ê jīt liáu-āu, i ê bó· Í-lī-sa-pek ū-sin, tiām bát gō· gēh jīt, ²⁵kóng, Chú tī khoàⁿ-kò· goá ê jīt khoán-thāi goá chhin-chhiūⁿ án-ni, lâi soé goá ê kiàn-siàu tī lāng ê tiong-kan.

²⁶Kàu lāk gēh jīt thiⁿ-sài Ka-pek-liát hōng Siōng-tè só· chhe kàu Ka-lī-lī chit ê siāⁿ, miâ kiò Ná-sat-lék, ²⁷chiū-kūn chit ê chài-sek-lú,

sī í-keng phoè tiāⁿ-tiòh hō· Tāi-pít ke ê chít lâng, miâ kiò Iok-sek; chít ê chāi-sek-lú miâ kiò Má-lī-a. ²⁸Thiⁿ-sài jíp-khì tùi i kóng, Tit-tiòh toā un ê lâng ah, pêng-an; Chú kap lí tī-teh. ²⁹Má-lī-a put-chí gông-ngiáh i ê oē, siūⁿ chít ê chhéng-an sī sím-mih ì-sù. ³⁰Thiⁿ-sài kā i kóng, Má-lī-a ah, bóh-tit kiaⁿ, in-ūi lí tit-tiòh Siōng-tè ê un-tián. ³¹Taⁿ lí beh hoai-in siⁿ kiáⁿ, tiòh kā I hō miâ kiò Iā-so·. ³²I beh choè toā, chheng choè Chì-koaiⁿ-ê ê Kiáⁿ; Chú Siōng-tè beh ēng I ê chó· Tāi-pít ê ūi hō· I. ³³I beh choè ông tī Ngá-kok ê ke kàu tãi-tãi, I ê kok iā bô không-chhīn. ³⁴Má-lī-a tùi thiⁿ-sài kóng, Goá bē ū kè lâng, cháiⁿ-iūⁿ beh ū chít ê sū? ³⁵Thiⁿ-sài ìn i kóng, Sèng Sîn beh līm-kàu lí, Chì-koaiⁿ-ê ê koân-lêng beh tì-ìm lí; só·-í tùi lí siⁿ-ê beh chheng choè Sèng, choè Siōng-tè ê Kiáⁿ. ³⁶Koh lí ê chhin-chhek Í-lī-sa-pek í-keng lâu, iā hoai-in; pêng-sò· chheng choè boē hoai-in ê, taⁿ ū-sin lák géh jít lah; ³⁷in-ūi Siōng-tè só· kóng ê oē, bô chít kù bô lát. ³⁸Má-lī-a kóng, Goá sī Chú ê lú-pī; goān chiàu lí ê oē èng-giām tī goá. Thiⁿ-sài chiū lī-khui i khì.

³⁹Tī chiah ê jít ê tiong-kan Má-lī-a khí-sin, koáⁿ-kín khì soaⁿ-toē, kàu Iū-thài chít ê siāⁿ, ⁴⁰jíp Sat-ka-lī-a ê chhù, chhéng-an Í-lī-sa-pek. ⁴¹Í-lī-sa-pek chít-ē thiaⁿ-kìⁿ Má-lī-a chhéng-an, thai-in tī pak-tó· lāi chiū tiô-thiàu. Í-lī-sa-pek hō· Sèng Sîn chhiong-moá, ⁴²chiū toā siaⁿ kóng, Chèng hū-jîn-lâng ê tiong-kan lí tit-tiòh hok-khì, lí só· hoai-in ê iā tit-tiòh hok-khì. ⁴³Goá ê Chú ê lâu-bú lāi chiū-kūn goá, goá tùi tá-lòh oē tit-tiòh án-ni ah? ⁴⁴In-ūi lí chhéng-an ê siaⁿ, chít-ē jíp goá ê hī-khang, tī goá pak-tó· lāi ê thai chiū hoaⁿ-hí lāi tiô-thiàu. ⁴⁵Sin ê hū-jîn-lâng ū hok-khì ah, in-ūi Chú só· kā i kóng ê oē beh èng-giām. ⁴⁶Má-

lī-a kóng,

Goá ê sim chun-kèng Chú choè toā,

⁴⁷Goá ê sîn in-ūi kiù goá ê Siōng-tè lāi hoaⁿ-hí.

⁴⁸In-ūi I khoàⁿ-kò· lú-pī ê pi-bī;

Tùi taⁿ í-āu bân sè-tāi beh kóng goá ū hok-khì.

⁴⁹In-ūi hit ê ū koân-lêng ê ūi-tiòh goá choè toā ê tãi-chì,

I ê miâ sī sèng.

⁵⁰Kèng-ùi I ê lâng I lín-bín in,

Kàu tãi-tãi.

⁵¹I bat ēng I ê chhiú chhut khui-lát,

Sim-chì kiau-ngō· ê lâng I ū koáⁿ-soàⁿ in.

⁵²Ū koân-lêng ê lâng, I lut in ê ūi,

Pi-bī ê lâng, I seng in choè koaiⁿ.

⁵³Iau ê lâng I ēng hó mih hō· in chiah kàu pá,

Pù ê lâng, I hō· in khang-khang tò-khì.

⁵⁴I hū-chō· I ê lô·-pòk Í-sek-liát,

Lāi kì-liām lín-bín,

⁵⁵Chiàu I tùi lán ê chó· só· kóng ê oē),

Lāi si-lòh hō· A-pek-láh-hán kap i ê hō·-è kàu éng sè-tāi.

⁵⁶Má-lī-a kap i saⁿ-kap toā iok-liók ū saⁿ géh jít, chiah tò-khì in tau.

⁵⁷Í-lī-sa-pek seng-sán ê kí í-keng kàu, chiū siⁿ kiáⁿ. ⁵⁸Chhù-piⁿ chhin-chhek thiaⁿ-kìⁿ Chú toā lín-bín i, chiū kap i saⁿ-kap hoaⁿ-hí.

⁵⁹Kàu tē poeh jít in lāi beh kā eⁿ-á kiāⁿ kat-lé, ài chiàu i ê lâu-pē ê miâ hō· i choè Sat-ka-lī-a.

⁶⁰I ê lâu-bú ìn kóng, Bô lah, tiòh miâ i choè Iok-hān. ⁶¹In chiū tùi i kóng, Lí ê chhin-chhek tiong bô lâng hō· chít ê miâ.

⁶²In chiū pí ì-sù mng i ê lâu-pē, ài kā i hō· sím-mih miâ. ⁶³I ê lâu-pē thó siá-jī ê pán, siá kóng, I ê miâ sī Iok-hān. Tāi-ke kī-koài.

⁶⁴Sat-ka-lī-a ê chhù

liām-piⁿ khui, chhī iā tháu, chiū kóng oē lâi o-ló Siōng-tè. ⁶⁵Sì-ùi khiā-khí ê lâng lóng kiaⁿ. Chiah ê it-chhè ê oē piàn-piàn pò-iông tī Iū-thài ê soaⁿ-toē. ⁶⁶Thiaⁿ-kìⁿ ê lâng lóng chiong chiah ê sū khng tī sim-nih, kóng, Án-ni, chit-ê eⁿ-á chiong-lâi beh cháiⁿ-iūⁿ? In-ùi Chú ê chhiú kap i tī-teh.

⁶⁷I ê lâu-pē Sat-ka-lī-a chiū hō· Sèng Sîn chhiong-moá, choè sian-ti lâi kóng,

⁶⁸Tiòh o-ló Chú, Í-sek-liát ê Siōng-tè,

In-ùi I ū khoàⁿ-kò· I ê peh-sìⁿ lâi siók-hoē i;

⁶⁹Thoē lán heng-khí chín-kiù ê kak,

Tī I ê lô·-pòk Tāi-pit ê ke.

⁷⁰Chiàu I tui ū sè-kan í-lâi ēng I sèng ê sian-ti ê chhui só· kóng ê,

⁷¹Chiū-sī kiù lán thoat-lī tui-ték kap kìⁿ-nā oàn-hūn lán ê lâng ê chhiú,

⁷²Lâi kiāⁿ lín-bín tī lán ê liát-chó·,

Lâi kì-liām I sèng ê iok;

⁷³Chiū-sī kap lán ê chó· A-pek-lâh-hán só· chiū ê choā,

⁷⁴Hō· lán í-keng thoat-lī chiah ê tui-ték ê chhiú,

⁷⁵Chit-si-lâng tī I ê bīn-chēng ēng sèng ēng gī bó kiaⁿ lâi hók-sāi I.

⁷⁶Eⁿ-á ah, lí iā beh chheng choè Chì-koàiⁿ-ê ê sian-ti,

In-ùi lí beh kiāⁿ tī Chú ê bīn-chēng lâi pī-pān I ê lô·,

⁷⁷Hō· I ê peh-sìⁿ tui tit-tiòh sià-choē,

Chiū chai chín-kiù ê un,

⁷⁸Ūi-tiòh lán ê Siōng-tè lín-bín ê sim,

Tui án-ni hō· chá-khí sī ê jīt tui téng-bīn lâi kàu tī lán,

⁷⁹Lâi chiò hiah-ê chē tī o·-àm kap sí-ìm tióng ê lâng,

Chhoā lán ê kha jip pēng-an ê lô·.

⁸⁰Eⁿ-á chiām-chiām toā, sim-sîn jīt-jīt ióng-chòng; tiàm tī không-ia kàu hián-bēng tī Í-sek-liát ê jīt.

2 Tng hit sī Kai-sat A-kó·-sū-tok ū chhut chiàu, bēng-lēng thiⁿ-ē lóng chō ke-kah. ²Che thau chit pái ê ke-kah sī Ku-lí-liú choē Sū-lī-a chóng-tók ê sī lâi choē ê. ³Chēng lâng khi chō ke-kah, ták lâng tò-khi pún siāⁿ. ⁴Iok-sek ê sè-hē siók tī Tāi-pit ê ke, só·-í tui Ka-lī-lī ê Ná-sat-lék siāⁿ chiūⁿ-khi Iū-thài, kàu Tāi-pit ê siāⁿ, miā kiò Pek-lī-hēng ê, beh kap i só· phēng-tiāⁿ ê Má-lī-a saⁿ-kap chō ke-kah; ⁵hit sī Má-lī-a í-keng ū sin-īn. ⁶In tī hia ê sī seng-sán ê kí kàu. ⁷Chiū sīⁿ thau-chiūⁿ kiáⁿ, ēng pò· pau I, hō· I khùn tī chō-nh; in-ùi kheh-koán bó só·-chāi thang iông-ún in.

⁸Hit toē-hng ū kò·-iūⁿ ê toà tī soaⁿ-nih, mī-sī chiú-kiⁿ kò· in ê iūⁿ-kūn. ⁹Chú ê thiⁿ-sài khiā tī in ê sin-piⁿ, Chú ê ēng-kng ūi-lui chiò in; kò·-iūⁿ ê toā kiaⁿ. ¹⁰Thiⁿ-sài kā in kóng, Bòh-tit kiaⁿ; in-ùi goá pò lín toā hoaⁿ-hí ê hó siau-sit, hō· peh-sìⁿ lóng ū hūn; ¹¹in-ùi kin-á-jīt tī Tāi-pit ê siāⁿ í-keng ūi-tiòh lín siⁿ chit ê Chín-kiù-ê, chiū-sī Chú Ki-tok. ¹²Lín beh khoàⁿ-kìⁿ chit ê eⁿ-á ēng pò· pau, khùn tī chō-nh ê, chit-ê chiū-sī hō· lín choē kì-hō. ¹³Hut-jiān ū choē-choē thian-peng kap hit ê thiⁿ-sài saⁿ-kap tī-teh, o-ló Siōng-tè, kóng,

¹⁴Tī kék koàiⁿ ê ūi ēng-kng kui tī Siōng-tè, Toē-chiūⁿ hô-pēng tī I só· hoaⁿ-hí ê lâng ê tióng-kan.

¹⁵Chiah ê thiⁿ-sài lī-khui in chiūⁿ thiⁿ ê sī, kò·-iūⁿ ê saⁿ-kap kóng, Taⁿ lán lâi khi Pek-lī-hēng, khoàⁿ só· chiāⁿ ê sū, chiū-sī Chú só· pò lán chai ê. ¹⁶Chiū kín-kín khi, chhē-tiòh Má-lī-a kap Iok-sek, koh khoàⁿ-kìⁿ eⁿ-á khùn tī chō-nh. ¹⁷Khoàⁿ-liáu, chiū chiong thiⁿ-sài só· tui in kóng chit ê eⁿ-á ê sū pò lâng chai.

¹⁸Thiaⁿ-kìⁿ ê lāng lóng kî-koài kò-iūⁿ ê só· tùì in kóng ê sū. ¹⁹Tók-tók Má-lī-a chiong chiaⁿh ê oē kî tiâu-tiâu, sim-lāi siông-siông teh siūⁿ. ²⁰Kò-iūⁿ ê tò-khì, ūi-tiòh só· thiaⁿ-kìⁿ ê, só· khoàⁿ-kìⁿ ê, chiū-sī thiⁿ-sài só· tùì in kóng ê, lâi kui êng-kng o-ló Siông-tè.

²¹Kàu tē poeh jít, kâ eⁿ-á kiâⁿ kat-lé ê kî, chiū hō I ê miâ kiò Iâ-so·, chiū-sī I bē tâu-thai ê sī thiⁿ-sài só· hō ê.

²²Chiàu Mô-se ê lút-lē, in chheng-khì ê jít í-keng moá, chiū phō eⁿ-á chiūⁿ Iâ-lō-sat-léng, beh hiàn hō· Chú, ²³chiàu Chú ê lút-lē só· kî-chài kóng, Kìⁿ-nā thâu-chiūⁿ ê ta-po·-kiáⁿ beh chheng choè sèng, kui tī Chú), ²⁴iā beh hiàn-chè, chiàu Chú ê lút-lē só· kóng, Ēng chít tùì ê ka-chui, á-sī nng chiaⁿh chⁿ-á-kiáⁿ. ²⁵Tú-tng tī Iâ-lō-sat-léng ū chít lāng, miâ kiò Se-biān; chít lāng gī koh kèng-khiān, pēng-sī him-bō· hit ê an-ùi Í-sek-liát ê; Sèng Sîn tiām tī i. ²⁶I bat tit-tiòh Sèng Sîn chí-sī, chai i iáu-bē sí beh tãi-seng khoàⁿ-kìⁿ Chú ê Kì-tok. ²⁷I hō· Sèng Sîn kám-tōng chiū jíp tiān; tú-á Iâ-so· ê pē-bú phō eⁿ-á jíp-lâi, beh kâ I chiàu lút-hoat ê lē lâi kiâⁿ, ²⁸hit sī Se-biān ēng chhiú chih eⁿ-á, o-ló Siông-tè kóng,

²⁹Chú ah, taⁿ chiàu lí ê oē teh tháu-pàng lí ê lô·pók An-jiān kè-sì.

³⁰In-ūi goá ê bák-chiu í-keng khoàⁿ-kìⁿ lí ê chín-kiù,

³¹Chiū-sī lí só· pī-pān tī bān peh-sìⁿ ê bīn-chēng ê,

³²Choè kng lâi chiò goā-pang,

Koh choè lí Í-sek-liát peh-sìⁿ ê êng-kng.

³³I ê pē kap I ê bú teh kî-koài só· lūn eⁿ-á ê oē; ³⁴Se-biān kâ in chiok-hok, koh tùì I ê lāu-bú Má-lī-a kóng, Chit ê eⁿ-á siū siat-líp beh hō· Í-sek-liát tiông choē-choē lāng poáh-tó, choē-choē lāng khí-lâi, iā choè siū piān-pok

ê kî-hō; ³⁵koh lí ka-kī ê sim iā beh ū kiām chhák thàu-kè); hō· choē-choē lāng sim-lāi ê liām-thâu oē lō·chhut.

³⁶Koh ū A-siat ê chi-phài, Hoat-loē-lèk ê cha-bó·-kiáⁿ, A-ná, i sī choè sian-ti, (nî-hè í-keng lāu, tùì chāi-sek-lú ê sī kè hō· tiông-hu chhit nî kú, chiū chiú-koáⁿ poeh-cháp-sì nî), lóng bō lī-khui tiān, kìm-chiáh kî-tó, mī-jít hók-sāi. ³⁸Tú-tú hit sī i chìn-chēng, chheng-siā Siông-tè, tùì kîⁿ-nā him-bō· Iâ-lō-sat-léng tit-tiòh siók-hoē ê lāng kóng-khí chit ê eⁿ-á ê sū. ³⁹In chiàu Chú ê lút-hoat kiâⁿ ták hāng tãi-chì bēng-pék, tò-khì Ka-lī-lī, kàu pún siāⁿ Ná-sat-lèk.

⁴⁰Eⁿ-á chiām-chiām toā, jít-jít íong-chòng, tì-hūi chhiong-moá; Siông-tè ê un-tiān kap I tī-teh.

⁴¹Ták nî poāⁿ-kè-choeh ê sī I ê pē-bú khi Iâ-lō-sat-léng. ⁴²Kàu I cháp-jī hē ê sí, chiàu choeh-kî ê lē lóng chiūⁿ Iâ-lō-sat-léng. ⁴³Choeh-kî í-keng bēng-pék, in tò-khì ê sī, gín-ná Iâ-so· iáu toà tī Iâ-lō-sat-léng; I ê pē-bú m̄ chai. ⁴⁴Phah-sng I tī tâng kiâⁿ ê lāng ê tiông-kan, kiâⁿ chit jít ê lō·chām; chiaⁿh tī chhin-chhek kap saⁿ-bat ê lāng ê tiông-kan chhē I. ⁴⁵Chhē bō tiòh, chiū tò-tng khi Iâ-lō-sat-léng chhē I. ⁴⁶Saⁿ jít āu chhē-tiòh I tī tiān-nih, chē tī hiah ê sian-siⁿ ê tiông-kan, iā teh thiaⁿ, iā teh mng. ⁴⁷Thiaⁿ I ê lāng lóng kî-koài I ê chhang-miā kap I ê in-tap. ⁴⁸Pē-bú khoàⁿ-kìⁿ I chiū gông-ngiáh; I ê lāu-bú tùì I kóng, Kiáⁿ ah, lí siáⁿ-sū án-ni khoán-thāi goán? lí khoàⁿ, lí ê pē kap goá siông-sim chhē lí. ⁴⁹I kâ in kóng, Siáⁿ-sū chhē goá? Kiám m̄ chai goá eng-kai tī goá ê Pē ê chhū mah? ⁵⁰In boē hiáu-tit I só· kâ in kóng ê oē. ⁵¹Iâ-so· chiū kap in lóh-khì kàu Ná-sat-lèk, lâi sēng-sūn in. I ê lāu-bú chiong chiaⁿh ê oē lóng kî tī sim-nih.

⁵²Iâ-so· ê tì-hūi kap nî-hè ná ke-thiⁿ, Siōng-tè kap lāng ná thiàⁿ I.

3 Thê-pì-liū Kai-sat chē ūi ê chấp-gō· nî Pún-tiu Pí-liáp-to choè Iū-thài ê chóng-tok, Hi-lút choè Ka-lī-lī hun-hong ê jîn-kun, i ê hiaⁿ-tī Hui-lèk choè Í-thó·-lī-a kap Tek-liáp-khó-nî toē-hng hun-hong ê jîn-kun, Lū-sat-liap choè A-pí-lī-nî hun-hong ê jîn-kun, ²A-ná kap Kai-a-hoat choè chè-si-thâu ê sī, Sat-ka-lī-a ê kiáⁿ Iok-hān tī không-iá-nh, Siōng-tè ê oē kàu tī i. ³I chiū kàu Iok-tàn hô ê sì-hng, thoân hoán-hoé ê soé-lé, hō· lāng tit-tiòh sià-choē. ⁴Chhin-chhiūⁿ sian-ti Í-sàì-a chheh-nh só· kì ê oē kóng,

Ū teh kiò tī không-iá ê, i ê siaⁿ kóng,

Pī-pān Chú ê lō·,

Siu tít I ê sió lō·.

⁵Chiah ê soaⁿ-kok lóng beh thūn-tīⁿ,

Chiah ê toā sió ê soaⁿ-thâu lóng beh hō· i kē,

Oan-khiàu ê, beh hō· i tít,

Khâm-khiát ê, beh hō· i pīⁿ;

⁶Hoān ū jiók-thé ê beh khoàⁿ-kìⁿ Siōng-tè ê chín-kiù.

⁷Choē-choē lāng chhut-lâi beh siū Iok-hān ê soé-lé, i chiū tui in kóng, Tòk-choa ê lūi ah, chī-chui-á chí-sī lín siám-pī chiong-lâi ê siū-khi ah? ⁸Só·-í lín tiòh kiát hit hō· háp tī hoán-hoé ê ké-chí. Bòh-tit ka-kī phah-sng, Ū A-pek-láh-hán choè goán ê pē; in-ūi goá ká lín kóng, Siōng-tè oē tui chiah ê chiòh-thâu chhut kiáⁿ-sun hō· A-pek-láh-hán. ⁹Taⁿ pót-thâu í-keng hē tī chhiū-thâu; kìⁿ-nā chhiū bô kiát hó ké-chí ê, chiū chhò i, hiat-lòh hé.

¹⁰Chèng lāng mng i kóng, Án-ni, goán tiòh cháiⁿ-iūⁿ choè? ¹¹I in kóng, Ū nng niá saⁿ ê tiòh pun hō· bô ê; ū mih thang chiah ê, iā tiòh án-ni. ¹²Thiu-hiòng ê iā lâi beh siū soé-

lé, tui i kóng, Sian-siⁿ ah, goán tiòh cháiⁿ-iūⁿ choè? ¹³I tui in kóng, Tiāⁿ-tiòh ê hiòng í-goā, bóh-tit ke thèh. ¹⁴Peng-teng iā mng i kóng, Iā goán tiòh cháiⁿ-iūⁿ choè? I tui in kóng, Bòh-tit lèk-sek lāng, bóh-tit oaiⁿ lāng; tiòh liáh lín só· tit-tiòh ê niū choè kàu-giáh.

¹⁵Peh-siⁿ teh ñg-bāng ê sī, chèng lāng sim-lāi teh gī-lūn Iok-hān kiám-chhái sī Ki-tok, ¹⁶Iok-hān in chèng lāng kóng, Goá ēng chúí ká lín kiáⁿ soé-lé; tòk-tòk ū chit-ê pí goá khah ū koān-lēng ê beh lâi, chiū nā tháu I ê oē-toā goá iā boē kham-tit; I beh ēng Sèng Sîn kap hé ká lín soé. ¹⁷I ê chhiú thèh poà-ki, beh chiong I hit tiūⁿ it-chīm poà, siu béh jip I ê chng; nā-sī béh-hiūⁿ chiū ēng boē hoa ê hé sio i.

¹⁸Iok-hān lēng-goā ēng choē-choē hāng khó·-khng lâi thoân hok-im hō· peh-siⁿ.

¹⁹Tòk-tòk hun-hong ê jîn-kun Hi-lút, in-ūi i ê hiaⁿ-tī ê bó· Hi-lô-tí ê iān-kò·, koh in-ūi só· kiáⁿ lóng-chóng ê pháiⁿ tãi, hō· Iok-hān chek-pī, ²⁰taⁿ koh ke chit hāng, chiū-sī chiong Iok-hān koaiⁿ tī kaⁿ-nh.

²¹Chèng peh-siⁿ í-keng siū soé-lé, Iâ-so· iā í-keng siū soé-lé, kī-tó ê sī, thiⁿ khui, ²²Sèng Sîn kàng-lim tī I ê téng-bīn, hēng-chōng chhin-chhiūⁿ chíⁿ-á; koh tui thiⁿ ū siaⁿ kóng, Lí sī goá thiàⁿ ê Kiáⁿ, goá hoaⁿ-hí lí.

²³Iâ-so· chhut-thâu ê sī iok-liók saⁿ-cháp hē; I (chiàu lāng khoàⁿ) sī Iok-sek ê kiáⁿ, Iok-sek sī Hi-lí ê kiáⁿ, ²⁴Hi-lí sī Má-thap ê kiáⁿ, Má-thap sī Lī-bī ê kiáⁿ, Lī-bī sī Bék-ki ê kiáⁿ, Bék-ki sī Ngá-ná ê kiáⁿ, Ngá-ná sī Iok-sek ê kiáⁿ, ²⁵Iok-sek sī Má-tāi-thê-a ê kiáⁿ, Má-tāi-thê-a sī A-mô·-sū ê kiáⁿ, A-mô·-sū sī Ná-ong ê kiáⁿ, Ná-ong sī Í-sū-lí ê kiáⁿ, Í-sū-lí sī Ná-kai ê kiáⁿ, ²⁶Ná-kai sī Má-ap ê kiáⁿ, Má-ap sī Má-tāi-thê-a ê kiáⁿ, Má-tāi-thê-a sī

Se-bí ê kiáⁿ, Si-bí sī Iok-sek ê kiáⁿ, Iok-sek sī Iû-tāi ê kiáⁿ, Iû-tāi sī Iok-a-ná ê kiáⁿ, ²⁷Iok-a-ná sī Lī-sat ê kiáⁿ, Lī-sat sī Sók-lô-pa-pek ê kiáⁿ, Sók-lô-pa-pek sī Sat-liáp-thiat ê kiáⁿ, Sat-liáp-thiat sī Nî-lī ê kiáⁿ, ²⁸Nî-lī sī Bék-ki ê kiáⁿ, Bék-ki sī A-tí ê kiáⁿ, A-tí sī Ko-song ê kiáⁿ, Ko-song sī Í-mô-tông ê kiáⁿ, Í-mô-tông sī Jím ê kiáⁿ, Jím sī Iok-sè ê kiáⁿ, ²⁹Iok-sè sī Í-liát-sat ê kiáⁿ, Í-liát-sat sī Iok-lêng ê kiáⁿ, Iok-lêng sī Má-thap ê kiáⁿ, Má-thap sī Lī-bī ê kiáⁿ, ³⁰Lī-bī sī Se-biān ê kiáⁿ, Se-biān sī Iû-tāi ê kiáⁿ. Iû-tāi sī Iok-sek ê kiáⁿ, Iok-sek sī Iok-lâm ê kiáⁿ, Iok-lâm sī Í-lī-a-kim ê kiáⁿ, ³¹Í-lī-a-kim sī Bí-lī-a ê kiáⁿ, Bí-lī-a sī Má-lâm ê kiáⁿ, Má-lâm sī Má-tát-thaⁿ ê kiáⁿ, Má-tát-thaⁿ sī Ná-tan ê kiáⁿ, Ná-tan sī Tāi-pít ê kiáⁿ, ³²Tāi-pít sī Iā-se ê kiáⁿ, Iā-se sī O-pek ê kiáⁿ, O-pek sī Pho-sū ê kiáⁿ, Pho-sū sī Sat-bûn ê kiáⁿ, Sat-bûn sī Ná-sûn ê kiáⁿ, ³³Ná-sûn sī A-bí-ná-tát ê kiáⁿ, A-bí-ná-tát sī A-lân ê kiáⁿ, A-lân sī Í-sū-lûn ê kiáⁿ, Í-sū-lûn sī Hoat-lék-sū ê kiáⁿ, Hoat-lék-sū sī Iû-tāi ê kiáⁿ, ³⁴Iû-tāi sī Ngá-kok ê kiáⁿ, Ngá-kok sī Í-sat ê kiáⁿ, Í-sat sī A-pek-láh-hán ê kiáⁿ, A-pek-láh-hán sī Thaⁿ-láh ê kiáⁿ, Thaⁿ-láh sī Ná-hók ê kiáⁿ, ³⁵Ná-hók sī Sat-lók ê kiáⁿ, Sat-lók sī Liáp-kó ê kiáⁿ, Liáp-kó sī Hoat-lék ê kiáⁿ, Hoat-lék sī Hi-pek ê kiáⁿ, Hi-pek sī Sat-liáp ê kiáⁿ, ³⁶Sat-liáp sī Kai-lâm ê kiáⁿ, Kai-lâm sī A-hoat-sat ê kiáⁿ, A-hoat-sat sī Siám ê kiáⁿ, Siám sī Ná-a ê kiáⁿ, Ná-a sī Láh-bék ê kiáⁿ, ³⁷Láh-bék sī Má-thók-sat-láh ê kiáⁿ, Má-thók-sat-láh sī Í-lók ê kiáⁿ, Í-lók sī Ngá-liát ê kiáⁿ, Ngá-liát sī Má-lék-liát ê kiáⁿ, Má-lék-liát sī Kai-lâm ê kiáⁿ, Kai-lâm sī Í-ná-sū ê kiáⁿ, ³⁸Í-ná-sū sī Siat ê kiáⁿ, Siat sī A-tong ê kiáⁿ, A-tong sī Siōng-tè ê kiáⁿ.

4 Iā-so· siū Sèng Sîn chhiong-moá, tùi Iok-

tàn hô tò-lâi; hô· Sèng Sîn chhoā I tī không-iá-nh sî-cháp jít kú, hô· Mô·-kúi chhi I. ²chiah ê jít ê tióng-kan bô chiah sím-mih mih, âu-lâi chiū iau. ³Mô·-kúi kâ I kóng, Lí nā sī Siōng-tè ê Kiáⁿ, tióh kah chit ê chióh pìⁿ-choè piáⁿ. ⁴Iā-so· ìn i kóng, Ū kì-chài kóng, Lâng ê oah m̄ nā oá-khò piáⁿ. ⁵Mô·-kúi koh chhoā I peh-chiūⁿ koàiⁿ, chit-bák-nih kú ēng thiⁿ-ē bân kok hô· I khoàⁿ, chiū kâ I kóng, ⁶Chit ê it-chhè ê koân, kap ìn ê ēng-kng goá beh hô· lí; ìn-ūi chit-ê í-keng kau hô· goá, chhut-chai goá beh hô· sím-mih lâng chiū hô· i; ⁷sók-í lí nā pài tī goá ê bîn-cheng, chiū lóng-chóng sī lí ê. ⁸Iā-so· ìn i kóng, Ū kì-chài kóng, Tióh pài Chú, lí ê Siōng-tè, tók-tók hók-sai I nā-tiāⁿ. ⁹Koh chhoā I kàu Iā-lô·sat-léng, hô· I khiā tī tiān ê bé-liu, kâ I kóng, Lí nā sī Siōng-tè ê Kiáⁿ, tióh tùi chia ka-kī tiô-lòh-khì; ìn-ūi ū kì-chài kóng,

I beh ūi-tiòh lí bēng-lēng I ê thiⁿ-sài pó-hō· lí;

¹¹Koh kóng,

In beh ēng chhiú hū lí,

Bián-tit lí ê kha tak-tiòh chiòh.

¹²Iā-so· ìn i kóng, Ū kóng, Bóh-tit chhi Chú, lí ê Siōng-tè.

¹³Mô·-kúi í-keng chhin tak hāng ê chhi, chiū chiām-sī lī-khui I.

¹⁴Iā-so· tī Sèng Sîn ê koân-lēng tò-túg-khì Ka-lī-lī. I ê miā-siaⁿ piàn thoân tī sî-ūi ê toē-hng. ¹⁵I tī ìn ê hoē-tūg kà-sī, hô· cheng lâng o-ló I.

¹⁶Iā-so· kàu Ná-sat-lék, chiū-sī I tióng-sēng ê só·-chāi; tī an-hiòh-jít chiàu I pēng-siōng ê hoat-tō· jít hoē-tūg, chiū khiā-teh beh thák.

¹⁷Ū lâng chiong sian-ti Í-sai-a ê chheh hô· I; I chiū hian-khui, chhē-tiòh hit só·-chāi, kì kóng,

¹⁸Chú ê Sîn lîm-kàu goá,

In-ūi I ēng iū boah goá, hō· goá thoan hok-im hō· sòng-hiong lāng;

I ū chhe goá kā siū liáh ê lāng kóng, in oē tit tháu-pàng, Kā chhī-mī ê kóng, in oē tit-tiòh koh kng,

Lāi tháu-pàng siū ap-chè ê lāng,

¹⁹Soan-thoan Chú hoaⁿ-hí ê nī.

²⁰Iâ-so· háp chheh, hēng chip-sū, chiū chē-teh; tī hoē-tng ê chēng lāng lóng chū-bák khoàⁿ I. ²¹I chiū khui chhui tui in kóng, Chit ê sēng-keng ê ēng-giām, lín kin-á-jit ū thiaⁿ-kìⁿ lah. ²²Chēng lāng lóng kan-chēng I, kī-koài I ê chhui só· chhut un-tián ê oē; chiū kóng, Chit-ê kiám m̄ sī Iok-sek ê kiáⁿ mah? ²³I chiū tui in kóng, Lín tek-khak ín chit ê siók-gú, tui goá kóng, I-seng ah, lí tiòh ka-kī i; kìⁿ-nā goán thiaⁿ-kìⁿ lí kiáⁿ tī Ka-pek-lóng ê, iā tiòh kiáⁿ tī chia, chiū-sī lí ê pún só· chāi. ²⁴Koh kóng, Goá sít-chāi kā lín kóng, Bē ū sian-ti tī pún só·-chāi hō· lāng chiap-láp i. ²⁵Nā-sī goá chin-sít kā lín kóng, Tng Í-lī-a ê sī, thiⁿ không-hān saⁿ nī poàⁿ, piàn-toē toā ki-hng, hit sī Í-sek-liát tiòng ū choē-choē chiú-koáⁿ lāng, ²⁶Í-lī-a bē bat hōng-chhe khi chhē in chit lāng; chí ū khi Se-tùn ê Sat-lék-tāi, chhē chit ê chiú-koáⁿ lāng. ²⁷Koh sian-ti Í-lī-sa ê sī, Í-sek-liát tiòng ū choē-choē thái-ko ê; kī-tiòng bô chit lāng tit-tiòh chheng-khi, chí-ū Sū-lī-a lāng Nái-bān nā-tiāⁿ. ²⁸Tī hoē-tng ê lāng thiaⁿ-kìⁿ chia ê oē, lóng moá-sim siū-khi; ²⁹chiū khí-lái koáⁿ I chhut siāⁿ-goā, in ê siāⁿ khí tī soaⁿ-téng, chēng lāng toà I kàu soaⁿ-khām, beh kā I chhia-lóh-khi. ³⁰Nā-sī Iâ-so· tui in tiòng-kan kiáⁿ-kè, choē I khi.

³¹Lóh-khi kàu Ka-pek-lóng, chiū-sī Ka-lī-lī chit ê siāⁿ; tī an-hioh-jit kà-sī lāng. ³²Lāng kī-koài I ê kà-sī, in-ūi I ê oē ū koān. ³³Hoē-tng lāi ū chit ê hoān-tiòh kúi ê lāng, toā siaⁿ kiò

kóng, ³⁴Hàiⁿ, Ná-sat-lék ê Iâ-so·, goán kap lí sím-mih kan-siáp, lí lāi beh biát goán mah? Goá chai lí chī-chūi, chiū-sī Siōng-tè ê Sēng-ê. ³⁵Iâ-so· chek-pī i kóng, Lí tiòh chēng-chēng, tui i chhut-khi. Kúi chiū chhia-tó hit lāng tī chēng lāng ê tiòng-kan, chia chhut-khi. lóng bô siòng-tiòh i. ³⁶Chēng lāng gōng-ngiáh saⁿ-kap gī-lūn kóng, Che sī sím-mih oē ah? in-ūi I ēng koān-pēng kap lēng-lék bēng-lēng chia ê siā-sin, in chiū chhut-khi. ³⁷I ê miā-siaⁿ chiū piàn-thoan tī sī-ūi ê toē-hng.

³⁸Iâ-so· tui hoē-tng khí-lái, jip Se-būn ê ke. Se-būn ê tiūⁿ-m̄ hoān-tiòh tāng ê jiát-pīⁿ; ³⁹lāng thoē i kiū Iâ-so·. ³⁹Iâ-so· khiā-oá, àⁿ-lóh chek-pī i ê jiát-pīⁿ, jiát chiū thè; hū-jin-lāng sūi-sī khí-lái, su-hāu in.

⁴⁰Jit lóh ê sī, kìⁿ-nā ū pīⁿ ê, put-lūn hoān-tiòh sím-mih pīⁿ, lāng lóng toà in lāi chiū-kūn Iâ-so·. Iâ-so· hoāⁿ chhiú tī in ták lāng ê sin-chiūⁿ, lāi i-hó in. ⁴¹Koh ū kúi tui choē-choē lāng chhut-khi, kiò kóng, Lí chiū-sī Siōng-tè ê Kiáⁿ. Iâ-so· in-ūi kúi bat I sī Kī-tok, chiū chek-pī in, m̄ chún in kóng.

⁴²Thiⁿ-kng ê sī Iâ-so· khi tī không-iá ê só·-chāi; kui tīn lāng chhē I, chiū-kūn I, ài lâu I, hō· I bók-tit lī-khui in khi. ⁴³Nā-sī I tui in kóng, Goá iā tiòh tī pát ê siāⁿ thoan Siōng-tè kok ê hok-im, in-ūi goá hōng-chhe chiū-sī ūi-tiòh che. ⁴⁴I chiū tī Ka-lī-lī chia ê hoē-tng lāi soan-thoan.

5 Tng chēng lāng oe-khoeh I, teh thiaⁿ Siōng-tè ê tō-lí ê sī, Iâ-so· khiā tī Kek-nī-sat-lék ô·pīⁿ, ²khoàⁿ-kìⁿ nng chia chún tī ô·pīⁿ, thó-hī lāng lī-khui chún teh soé bāng. ³Kī-tiòng chit chia sī Se-būn ê, Iâ-so· chiūⁿ-khi, chhiáⁿ i chiong chún pàng khah khi. Chiū chē tī chún-nih kà-sī chēng lāng. ⁴Kóng soah chiū tui Se-būn kóng, Pàng kàu chhim

ê só·-chāi, pha bāng thó·-hî. ⁵Se-bûn ìn kóng, Sian-siⁿ, goán thong mí tióh-boā, thó lóng bô; chóng-sī ìn-ūi lí ê oē, goá chiū beh pha bāng. ⁶Ìn pha-lôh-khì, chiū ùi-tiòh hî chin choē, bāng kàu beh lîh; ⁷chiū iát pát chiah chûn ê tâng-phoāⁿ lâi tàu saⁿ-kāng; ìn chiū lâi, khiòh hî moá nng chiah chûn kàu beh tím-lôh-khì. ⁸Se-bûn Pí-tek khoàⁿ-kìⁿ án-ni, chiū phak tī Iâ-so· ê kha-ē kóng, Chú ah, lī khui goá, goá sī ũ choē ê lāng. ⁹Ìn-ūi Se-bûn kap tâng tī-teh ê lāng, ũi-tiòh ìn chít-ē pha-lôh-khì só· liá·-tiòh ê hî, bô m̄ gông-ngiá; ¹⁰Se-bûn ê tâng-phoāⁿ, Se-pí-thài ê kiáⁿ Ngá-kok Iok-hān, iā sī án-ni. Iâ-so· tùi Se-bûn kóng, Bôh-tit kiaⁿ, tùi chít tiáp liáu-āu lí beh tit-tiòh lāng. ¹¹Ìn í-keng thoa chûn oá hoāⁿ, chiū pàng-sak it-chhè lâi tè I.

¹²Iâ-so· tī chít ê siāⁿ, tú-tng ũ chít lāng piàn-sin thái-ko, khoàⁿ-kìⁿ I chiū bīn phak tī toē-nîh, kiū kóng, Chú ah, lí nā khéng, chiū oē hō· goá chheng-khì. ¹³I chhun chhiú bong i kóng, Goá khéng, lí thang chheng-khì. Thái-ko chek-sī tū-khì. ¹⁴Iâ-so· hoan-hù i bôh-tit ká lāng kóng; tók-tók tiòh khi, chiong pún-sin hō· chè·si giām, iā ũi-tiòh lí tit-tiòh chheng-khì hiàn Mô·-se só· hoan-hù ê, lâi choē cheng-kù tī lāng. ¹⁵Chóng-sī I ê miā-siaⁿ it-hoat pò-iông; kui toā tīn ê lāng chū-chíp beh thiaⁿ, iā beh tit-tiòh i-hó ìn ê pīⁿ. ¹⁶Nā-sī Iâ-so· thè-khì, tiām tī không-iá kī-tó.

¹⁷Ū chít jít Iâ-so· teh kà-sī lāng; ũ Hoat-lī-sài lāng kap kà lút-hoat ê sian-siⁿ tī hia teh chē, ìn sī tùi Ka-lī-lī ták huiⁿ-siā kap Iū-thài kap Iâ-lō·-sat-léng lâi ê; Chú ê koān-lêng kap Iâ-so· tī-teh, hō· I i-hó lāng. ¹⁸Tú-tng ũ lāng chiong pho·-á kng piàn-sui ê lâi, ài beh kng jíp-khì hē tī I ê bīn-chêng. ¹⁹Ìn-ūi lāng choē, chhē bô phāng thang kng jíp-khì; chiū

chiūⁿ chhù-téng, tùi chhù-koà tiong chiong lāng lian pho·-á tui-lôh-khì, hē tī tiong-ng, tī Iâ-so· ê bīn-chêng. ²⁰Iâ-so· khoàⁿ-kìⁿ ìn ê sìn chiū kóng, Bô· lāng ah, lí ê choē sià lah. ²¹Keng-hák-sū kap Hoat-lī-sài lāng chiū gī-lūn kóng, Chit ê kóng chhiām-koān lām-sám ê oē ê sī chī-chui ah? Siōng-tè í-goā, chī-chui oē sià-choē ah? ²²Iâ-so· chai ìn ê gī-lūn, chiū ìn kóng, Lín sim-lāi teh gī-lūn sím-mih ah? ²³Kóng, Lí ê choē sià á-sī kóng, Lí khi-lâi kiáⁿ, tá-lôh chít hāng khah khoài? ²⁴Chóng-sī beh hō· lín chai Jîn-chú tī toē-nîh ũ koān thang sià-bián choē, (chiū ká piàn-sui ê kóng), Goá ká lí kóng, Khí-lâi, giá lí ê pho·-á tò-khì lí ê chhù. ²⁵Hit lāng tī cheng lāng ê bīn-chêng chek-sī khí-lâi, giá i só· khùn ê, tò-khì i ê chhù, kui êng-kng Siōng-tè. ²⁶Cheng lāng lóng gông-ngiá, iā kui êng-kng Siōng-tè; koh moá-sim kiaⁿ-hiāⁿ kóng, Lán kin-á-jít khoàⁿ-kìⁿ ì-goā ê sū.

²⁷Chiah ê tãi-chì liáu-āu, Iâ-so· chhut-khì, khoàⁿ-kìⁿ chít ê thiū-hiòng ê, miā kiò Lī-bī, chē tī hiòng-koan; chiū ká i kóng, Tè goá. ²⁸I chiū pàng-sak it-chhè, khí-lâi tè I. ²⁹Lī-bī ũi-tiòh I pān toā iân-siáⁿ tī ìn tau; ũ thiū-hiòng ê í-kip pát lāng choē-choē kap ìn tâng chē toh. ³⁰Hoat-lī-sài lāng kap ìn ê keng-hák-sū tùi I ê hák-seng ngáu·h-ngáu·h-liām, kóng, Lín siáⁿ-sū kap thiū-hiòng ê í-kip pháiⁿ lāng lim-chiáⁿ ah? ³¹Iâ-so· ìn kóng, Ióng-chòng ê lāng bô khiām-ēng i-seng, nā-sī phoà-pīⁿ ê lāng chiū tiòh; ³²goá lâi m̄ sī beh chio gī lāng, sī beh chio pháiⁿ lāng lâi hoán-hoé. ³³Ìn tùi I kóng, Iok-hān ê hák-seng táuh-táuh kìm-chiáⁿ kī-tó; Hoat-lī-sài ê hák-seng iā sī án-ni; nā-sī lí ê hák-seng iā lim iā chiáⁿ. ³⁴Iâ-so· tùi ìn kóng, Sin-kiáⁿ-sài kap hō·chhoā ê lāng saⁿ-kap tī-teh, kiám oē hō· hō·chhoā ê lāng

kìm-chiáh mah? ³⁵Nā-sī jít-chí beh kàu, sin-kiáⁿ-sài tùi in tiong-kan bô--khì; tī hiah ê jít in chiū beh kìm-chiáh. ³⁶Koh ēng phî-jū tùi in kóng, Bô lāng thiah sin saⁿ lâi pó· kû saⁿ; nā án-ni, chiū thiah-phoà sin saⁿ, koh só· pó· hit tè sin ê bô háh tī kû ê. ³⁷Iā bô lāng ēng sin chiú toé tī kû phê-lông; nā án-ni, chiū sin chiú beh piak-lh phê-lông, chiú lâu, lông iā phah pháiⁿ. ³⁸Tòk-tòk sin chiú tiòh jíp tī sin ê phê-lông. ³⁹Koh bô lāng lim kû chiú iā ài hit ê sin ê; in-ūi kóng, Kû ê sī hó.

6 Ū chhít ê an-hioh-jít Iā-so· tùi bēh-hng keng-kè, I ê hák-seng tiah bēh-sūi, ēng chhiú jê i lâi chiáh. ²Ū hoat-lī-sài kúi-nā lāng kóng, An-hioh-jít só· m̄ eng-kai kiáⁿ ê, lín siáⁿ-sū kiáⁿ i? ³Iā-so· ìn kóng, Tāi-pit kap kun-tè ê lāng iau ê sī só· kiáⁿ ê, lín bē thák-tiòh mah? ⁴I jíp Siōng-tè ê chhiú, thêh pāi-liát ê piáⁿ lâi chiáh, koh hō· i kun-tè ê lāng; chit hō piáⁿ, nā m̄ sī chè-si, chiū lóng m̄ eng-kai chiáh. ⁵Koh ká in kóng, Jîn-chú iā sī an-hioh-jít ê Chú.

⁶Koh chit ê an-hioh-jít, Iā-so· jíp hoē-tng kà-sī; tī hia ū chit lāng i ê chiáⁿ chhiú ko·-tâ. ⁷Keng-hák-sū kap Hoat-lī-sài lāng tng khoàⁿ I tī an-hioh-jít beh i-pī^m á bô; ì-sù sī ài chhē phāng thang kò I. ⁸Iā-so· chai in ê ì-sù, chiū ká hit-ê chhiú ko·-tâ ê lāng kóng, khí-lâi, khiā tī tiong-ng; i chiū khí-lâi khiā. ⁹Iā-so· chiū tùi in kóng, Goá m̄ng lín, tī an-hioh-jít kiáⁿ hó sū kiáⁿ pháiⁿ sū, kiù sīⁿ-miā hāi sīⁿ-miā, tá-lòh chit hāng khah háp-gi ah? ¹⁰Chiū sî-koē khoàⁿ cheng lāng, ká hit lāng kóng, Chhun lí ê chhiú. I chhun-chhut-khì; chhiú chiū hó-hó. ¹¹Hiah ê lāng moá-sim siū-khì; saⁿ-kap gī-lun tiòh cháiⁿ-iūⁿ lâi pān Iā-so·.

¹²Tng hit sī Iā-so· chhut-khì soaⁿ-nh kî-tó, thong mī kî-kiú Siōng-tè. ¹³Kàu thiⁿ-kng chiū kiò I ê hák-seng lâi; tùi in tiong-kan keng

cháp-jī lāng, chheng in choè sù-tô; ¹⁴Ū Se-bûn, Iā-so· koh hō i ê miâ choè Pí-tek, kap i ê hiaⁿ-tī An-tek-liát, koh ū Ngá-kok kap Iok-hān, Hui-lèk kap Pa-to-lô-mái; ¹⁵Má-thài kap To-má, A-lèk-hui ê kiáⁿ Ngá-kok kap chheng choè Se-lô-tí ê Se-bûn. ¹⁶Ngá-kok ê kiáⁿ Iū-tāi, kap boē sian-siⁿ ê Ka-liók lāng Iū-tāi. ¹⁷Iā-so· kap in lóh-lâi khiā tī pīⁿ ê só·-chāi, ū I choē-choē ê hák-seng kap kui toā tīn ê peh-siⁿ, tùi Iū-thài choān-toē kap Iā-lō·sat-léng í-kíp Chhui-lô Se-tùn iān hái-kíⁿ ê toē lâi beh thiaⁿ I, iā beh tit-tiòh i-hó in ê pīⁿ; ¹⁸koh ū hō· siā-sin só· thiau-lân ê iā tit-tiòh i-hó. ¹⁹Cheng lāng lóng ài bong I, in-ūi ū koān-leng tùi I chhut, lâi i-hó in tãi-ke.

²⁰Iā-so· kiáh bák khoàⁿ I ê hák-seng, kóng, Lín sòng-hiong ê lāng ū hok-khì ah, in-ūi Siōng-tè ê kok sī lín ê. ²¹Lín hiān-chāi teh iau ê lāng ū hok-khì ah; in-ūi lín beh tit-tiòh pá. Lín hiān-chāi thi-khau ê lāng ū hok-khì ah, in-ūi lín teh-beh chhiò. ²²Lāng ūi-tiòh Jîn-chú lâi oàn-hūn lín, kû-choát lín, loé-mē lín, liáh lín ê miâ choè pháiⁿ lâi khi-sak i, lín chiū ū hok-khì ah. ²³Tng hit jít lín tiòh hoaⁿ-hí tiò-thiàu; in-ūi tī thiⁿ-nh lín ê pò-siúⁿ sī toā, sī in ê chó· khoán-thāi sian-ti iā sī án-ni. ²⁴Nā-sī lín hó-giáh lāng ū chāi-ē ah! in-ūi lín í-keng siū-tiòh lín ê an-ūi. ²⁵Lín hiān-chāi pá ê lāng ū chai-ē ah! in-ūi lín teh-beh iau. Lín hān-chāi chhiò ê lāng ū chai-ē ah! in-ūi lín beh ai-siong thi-khau. ²⁶Lín hō· cheng lāng o-ló ê ū chai-ē ah! in-ūi in ê chó· khoán-thāi ké ê sian-ti iā sī án-ni.

²⁷Nā-sī goá ká lín teh thiaⁿ ê lāng kóng, Tùi-ték lín ê tiòh thiàⁿ in; oàn-hūn lín ê, tiòh hó khoán-thāi in; ²⁸loé-mē lín ê, tiòh ká in chiok-hok; leng-jiók lín ê, tiòh thoè in kî-tó. ²⁹Lāng siàn lí chit pêng ê chhui-phoé, chiū

tiòh oát hit pêng ñg i. Lâng thêh lín ê goā-saⁿ, liân lâi-saⁿ iā bôh-tit tòng i. ³⁰Hoān-nā kiū lí ê tiòh hō· i; thêh lí ê mih ê, bôh-tit koh kâ i thó. ³¹Lín ài lāng cháiⁿ-iūⁿ khoán-thāi lín, iā tiòh án-ni khoán-thāi lāng. ³²Lín nā thiàⁿ hiah-ê thiàⁿ lín ê, ũ sím-mih un-hūi? in-ūi pháiⁿ lāng iā sī thiàⁿ hiah-ê thiàⁿ in ê lāng. ³³Lín nā hó khoán-thāi hiah-ê hó khoán-thāi lín ê, ũ sím-mih un-hūi? in-ūi pháiⁿ lāng iā sī án-ni kiāⁿ. ³⁴Lín nā chioh hiah-ê ũ thang ñg-bāng i hêng ê, ũ sím-mih un-hūi? in-ūi pháiⁿ lāng iā chioh pháiⁿ lāng, ài in chiàu siàu-giáh lâi hêng. ³⁵Nā-sī lín tiòh thiàⁿ lín ê tui-têk hó khoán-thāi in; chioh lāng iā bô choát-bāng; lín ê pò-siūⁿ chiū toā, koh lín beh choè Chì-koāiⁿ-ê ê kiáⁿ-jî; in-ūi I hó khoán-thāi bông-un kap pháiⁿ ê lāng. ³⁶Só-í lín tiòh ũ lín-bín, chhin-chhiūⁿ lín ê Pē ê lín-bín chit iūⁿ. ³⁷Bôh-tit phoe-phêng lāng, chiū bô tú-tiòh phoe-phêng; bôh-tit chek-choē lāng, chiū bô tú-tiòh chek-choē; lín pàng lāng soah, chiū beh pàng lín soah; ³⁸hō· lāng, chiū beh hō· lín; beh ēng chiok-giáh ê táu, jîh, iô, hō· i chát kàu poāⁿ-chhut-lâi, piàⁿ tī lín ê saⁿ-á-phê. In-ūi lín ēng sím-mih niū lâi niū, iā beh án-ni tò niū hō· lín.

³⁹Koh ēng phî-jū kâ in kóng, Chhiⁿ-mî ê oē kâ chhiⁿ-mî ê chhoā lô· mah? Nng-ê kiám boē lóng poáh-lôh hām-khiⁿ mah? ⁴⁰Hák-seng boē-oē poāⁿ-kê sian-siⁿ; chóng-sī kîⁿ-nā chiāⁿ choè chiâu-pī ê beh chhin-chhiūⁿ i ê sian-siⁿ. ⁴¹Koh lí cháiⁿ-iūⁿ khoán-kìⁿ hiaⁿ-tī bák-chiu lâi ê chháu-á-iù, iā bô siūⁿ lí bák-chiu lâi ê ìⁿ-á-chhâ ah? ⁴²Á-sī beh thái oē kâ lí ê hiaⁿ-tī kóng, Hiaⁿ-tī ah, lí bák-chiu lâi ê chháu-á-iù hō· goá kâ lí thêh-khì, iā pún-sin bô khoán-kìⁿ lí bák-chiu lâi ê ìⁿ-á-chhâ ah? Ké-hó ê lāng ah, tãi-seng thêh-khì lí bák-chiu

lâi ê ìⁿ-á-chhâ, chiaⁿ oē bêng-bêng khoán-kìⁿ thang thêh-khì hiaⁿ-tī bák-chiu lâi ê chháu-á-iù. ⁴³In-ūi bô ũ hó chhiū kiát pháiⁿ ké-chí; iā bô ũ pháiⁿ chhiū kiát hó ké-chí. ⁴⁴In-ūi ták châng chhiū tui i ka-kī ê ké-chí lâi bat i; chhi-phê lâi bô lāng bán bû-hoa-kó, chháu-chhi lâi bô lāng tiah phû-tô. ⁴⁵Hó lāng tui i ê sim só· chek-chū ê hó lâi hoat-chhut hó; pháiⁿ lāng tui i só· chek-chū ê pháiⁿ lâi hoat-chhut pháiⁿ; in-ūi tui sim só· chhiong-moá ê, chhui chiū kóng chhut.

⁴⁶Lín siáⁿ-sū chheng-hō· goá, Chú ah, Chú ah, iā bô kiāⁿ goá só· kóng ê ah? ⁴⁷Kîⁿ-nā chiū-kūn goá, thiaⁿ goá chiaⁿ ê oē lâi kiāⁿ i ê lāng, goá beh pò lín chai hit ê lāng chhin-chhiūⁿ sím-mih. ⁴⁸I sī chhin-chhiūⁿ lāng khí chhù, kút hō· i chhim, hē toē-ki tī chiòh-poāⁿ téng; toā chúi chit-ê kàu, khoe lâu chhiong-tiòh chhù, boē-oē iô-tāng i, in-ūi i khí-tit hó. ⁴⁹Nā-sī thiaⁿ-liáu bô kiāⁿ ê lāng, sī chhin-chhiūⁿ lāng khí chhù tī thô-téng, bô hē toē-ki; khoe lâu chhiong-tiòh i, chiū tó; hit keng chhù ê tó-hoai sī siong-tiòng.

7 Iá-so· kóng hō· peh-siⁿ thiaⁿ ê oē lóng bêng-pék, chiū jlp Ka-pek-lóng.

²Ū chit ê pé-chóng só· tui-tiòng ê lô·pók hoān-tiòh pīⁿ, teh-beh sí. ³Pé-chóng thiaⁿ-kìⁿ Iá-so· ê sū, chiū chhe Iú-thai ê tiúⁿ-ló kúi-nā lāng, kiū I lâi kiū i ê lô·pók. ⁴In chiū-kūn Iá-so· chhiat-chhiat kiū I kóng, Chit lāng oē kham-tit lí kâ i kiāⁿ chit ê tãi-chì; ⁵in-ūi i thiàⁿ lán ê peh-siⁿ, koh pún-sin thoē lán khí hoē-tng. ⁶Iá-so· kap in khì. Lī chhù bô joā hng, pé-chóng chhe kúi-nā ê pêng-iú chiū-kūn I, kâ I kóng, Chú ah, m̄ thang lô-hoan; lí kàu goá ê chhù goá tng boē khí; ⁷goá iā liáh choē ka-kī boē kham-tit chiū-kūn lí; lí nā kóng chit kù oē, goá ê lô·pók chiū oē hó. ⁸In-ūi goá iā

sī hō· lāng koán ê lāng, iā ũ peng hō· goá koán; kā chit-ê kóng, Khì, i chiū khì; kā hit-ê kóng, Lâi, i chiū lâi; kā goá ê lô·pók kóng, Kiâⁿ án-ni, i chiū kiâⁿ án-ni. ⁹Iâ-so· thiaⁿ-kìⁿ chia^h ê oē chiū kī-koài i, oát-túg-sin kā tè I ê cheng lāng kóng, Goá kā lín kóng, chhin-chhiūⁿ chit hō ê sin liân Í-sek-liát tiong goá iáu-bē bat tú-tiòh. ¹⁰Só· chhe ê lāng tò-khì kàu chhiū, khoàⁿ-kìⁿ lô·pók í-keng hó-hó.

¹¹Koh bô joā kú Iâ-so· khì chit ê siâⁿ miâ kiò Ná-in; I ê hák-seng kap kui tīn lāng kap I tâng kiâⁿ. ¹²Beh kùn siâⁿ-m̄ng, tú-tūg ũ lāng kng chit ê sí-lāng chhut-lâi, i ê lâu-bú ko·ko·siⁿ chit ê kiáⁿ, koh sī chiú-koáⁿ. Siâⁿ-lâi ũ choē-choē lāng teh sàng i. ¹³Chú khoàⁿ-kìⁿ chiū lín-bín i, kā i kóng, Bóh-tit háu. ¹⁴Chiū oá-khì, bong hit-ê khoà sin-si ê kè, kng ê lāng theng-kha; I chiū kóng, Siâu-liân lāng ah, goá kā lí kóng, Khí-lâi. ¹⁵Sí ê lāng chiū khí-lâi chē, soà kóng oē. ¹⁶Iâ-so· chiū chiong i hō· i ê lâu-bú. Cheng lāng lóng kiaⁿ-hiâⁿ, kui êng-kng Siōng-tè kóng, Toā sian-ti ũ heng-khí tī lán tiong-kan; koh kóng, Siōng-tè ũ khoàⁿ-kò· I ê peh-siⁿ. ¹⁷Tùi án-ni Iâ-so· chit ê miâ-siaⁿ piàn thoân tī Iū-thài kap chiu-ûi ê toē-hng.

¹⁸Iok-hān ê hák-seng chiong chia^h ê sū lóng-chóng pò in ê sian-siⁿ chai. ¹⁹I chiū kiò i ê hák-seng n̄ng lāng lâi, chhe in chiū-kūn Chú kóng, Só· beh lâi ê sī lí mah? Á-sī goán tiòh òng-bāng pát lāng ah? ²⁰Hit n̄ng lāng í-keng kàu, chiū kóng, Kiâⁿ soé-lé Iok-hān chhe goán chiū-kūn lí, kóng, Beh lâi ê sī lí mah? Á-sī goán tiòh òng-bāng pát lāng ah? ²¹Hit sī Iâ-so· i-hó choē-choē phòⁿ-pīⁿ ê, thàng-thiàⁿ ê, hoān-tiòh kúi ê, koh hō· choē-choē chhiⁿ-mī ê tit-tiòh khoàⁿ-kìⁿ. ²²Chiū ìn kóng, Lín tiòh khì, chiong lín só· khoàⁿ-kìⁿ só· thiaⁿ-kìⁿ ê pò Iok-hān chai; chiū-sī chhiⁿ-mī ê khoàⁿ-kìⁿ,

pái-kha ê kiâⁿ, thái-ko ê chheng-khì, chhàu-hī-lāng ê thiaⁿ-kìⁿ, sí ê lāng koh-oáh, sòng-hiong lāng tit-tiòh thiaⁿ hok-im; ²³kìⁿ-nā bô tī goá lâi tiòh-tak ê, ũ hok-khì.

²⁴Iok-hān só· chhe ê lāng khì-liáu, Iâ-so· chia^h thē-khí Iok-hān, tùi cheng lāng kóng, Lín cheng chhut-khì không-iá, beh khoàⁿ sím-mih? sī lô·tek hō· hong chhe tín-tāng mah? ²⁵Lín chhut-khì beh khoàⁿ sím-mih? sī lāng chheng iū-núg ê i-chiūⁿ mah? Lí khoàⁿ, chheng saⁿ hāng-ngó· hióng-siū iàn-lók ê sī tī ông-kiong. ²⁶Án-ni, lín chhut-khì beh khoàⁿ sím-mih? sian-ti lāng mah? Sī lah, goá kā lín kóng, iā sī khah iāⁿ-kè sian-ti ê. ²⁷Chit lāng chiū-sī keng-nih só· chí ê, kóng,

Lí khoàⁿ, goá chhe goá ê sù-chiá tī lí ê bīn-cheng,

I beh tī lí ê thâu-cheng pī-pān lí ê lô·.

²⁸Goá kā lín kóng, Hū-jìn-lāng só· siⁿ bē ũ khah toā Iok-hān ê; chóng-sī tī Siōng-tè kok ê bī-soē ê iáu khah toā i. ²⁹Cheng peh-siⁿ kap thiū-hiong ê lāng, í-keng siū Iok-hān ê soé-lé, chit-ê thiaⁿ-kìⁿ che, chiū chheng-ho· Siōng-tè choē gī. ³⁰Nā-sī Hoat-lī-sài lāng kap kà lùt-hoat ê sian-siⁿ bô siū i ê soé-lé, ka-kī phah-bô Siōng-tè ê chí-ì. ³¹Chú kóng, Chit sè-tāi ê lāng, goá beh ēng sím-mih lâi pí-phēng in? In sī chhin-chhiūⁿ sím-mih ah? ³²Sī chhin-chhiūⁿ gín-ná chē tī koe-chhiⁿ-nih, saⁿ kiò kóng, Goán tùi lín pún tát-á, lín bô thiàu-bú; goán bat pi-ai, lín bô thí-khau. ³³In-ūi kiâⁿ soé-lé ê Iok-hān lâi, bô chia^h piáⁿ bô lim chiú, lín chiū kóng, I hoān-tiòh kúi. ³⁴Jîn-chú lâi iā chia^h iā lim, lín chiū kóng, I sī tham-chia^h hòⁿ-chiú ê lāng, thiū-hiong ê kap pháⁿ lāng ê pēng-iú. ³⁵Nā-sī Tì-hui tùi i ê cheng kiáⁿ hián-bēng i sī tiòh.

³⁶Ū chit ê Hoat-lī-sài lāng chhiáⁿ Iâ-so· saⁿ-

kap chiáh. I chiū jíp Hoat-lī-sài lāng ê chhù chē toh. ³⁷Tú-tūng siāⁿ-lāi ū chit ê pháiⁿ hū-jîn-lāng, chai I chē toh tī Hoat-lī-sài lāng ê chhù, chiū toà toé huiⁿ-iū ê gék-koàn lái; ³⁸khiā tī Iā-so· ê āu-bīn, óa I ê kha teh thi-khau; ū bák-sái tih-tām I ê kha, chiū ēng i ê thau-m̄ng chhit i; koh chiáp-chiáp chim I ê kha, ēng huiⁿ-iū boah i. ³⁹Chhiáⁿ Iā-so· ê Hoat-lī-sài lāng khoàⁿ-kìⁿ án-ni, sim-lāi siūⁿ kóng, Chit lāng nā sī sian-ti, tek-khak oē chai bong I ê lāng sī chī-chui, koh sī sīm-mih hō ê hū-jîn-lāng, chiū-sī pháiⁿ lāng. ⁴⁰Iā-so· in i kóng, Se-būn, goá ū oē beh kā lí kóng. Se-būn kóng, Sian-siⁿ, chhiáⁿ lí kóng. ⁴¹I chiū kóng, Bó· ê chē-chú ū n̄ng lāng khiām i ê chē, chit-ê khiām i gō·pah ê gūn-á, chit-ê khiām i gō·cháp. ⁴²In kì-jiān bô thang hēng, chē-chú chiū sià-bián in n̄ng lāng. Án-ni, chiū tá-lōh chit-ê khah thiàⁿ chē-chú ah? ⁴³Se-būn in kóng, Goá phah-sūng sī hit-ê hō· i sià-bián khah choē ê. Iā-so· kā i kóng, Lí só· toàn ê sī tiōh. ⁴⁴Chiū oát thau n̄ng hū-jîn-lāng, kā Se-būn kóng, Lí khoàⁿ-kìⁿ chit ê hū-jîn-lāng bô? Goá jíp lí ê chhù, lí bô ēng chúí hō· goá soé kha; nā-sī i ēng bák-sái tih-tām goá ê kha, ēng thau-m̄ng chhit i. ⁴⁵Lí bô kā goá chim; tók-tók i tui goá jíp-lāi ê sī chim goá ê kha bô soah. ⁴⁶Lí bô ēng iū boah goá ê thau-khak; nā-sī i ēng huiⁿ-iū boah goá ê kha. ⁴⁷Só·-í goá kā lí kóng, I choē-choē ê choē-koà í-keng sià-bián, in-ūi i ê thiàⁿ sī choē; nā-sī tit-tiōh sià-bián chió ê, i ê thiàⁿ iā sī chió. ⁴⁸Chiū kā hū-jîn-lāng kóng, Lí ê choē sià lah. ⁴⁹Tāng toh ê lāng sim-lāi kóng, Chit-ê teh sià choē ê sī sīm-mih lāng? ⁵⁰Iā-so· tui hū-jîn-lāng kóng, Lí ê sìn ū kiù lí; choē lí an-sim tò-khi.

8 Kè bô kúi jít Iā-so· sì-koè kiāⁿ ták ê siāⁿ ták ê huiⁿ-siā, soan-thoan lái pò-iông Siōng-tè

kok ê hok-im; chap-jī ê hák-seng iā kap I khi; ²iā ū kúi-nā ê hū-jîn-lāng, ū-ê bat hoān-tiōh kúi, ū-ê ū phoà-pīⁿ, taⁿ í-keng tit-tiōh i-hó; kī-tiong ū Boát-tāi-liáp ê Má-lī-a, bat ū chhit ê kúi tui i chhut-khi; ³koh ū Hi-lút ê koán-ke Khó·sat ê bó· Iok-a-ná; koh ū So·sat-ná; í-goā iáu ū choē-choē hū-jîn-lāng, lóng ēng in só· ū ê lái hók-sāi in.

⁴Ū choē-choē lāng chū-chip, koh ū lāng tui ták ê siāⁿ lái chiū-kūn I; ⁵hit sī Iā-so· siat phì-jū kā in kóng, Ū iā chéng ê chhut-khi iā chéng. Teh iā ê sī, ū-ê ka-lauh tī lō·pīⁿ, hō· lāng só· táh, thiⁿ-tiong ê pe-chiáu it-chīm chiáh i. ⁶Ū-ê ka-lauh tī chiōh-poāⁿ téng, hoat-khi-lāi chiū ta-khi, in-ūi bô lūn-ték. ⁷Ū-ê ka-lauh tī chhi-á tiong, chhi-á pīⁿ-pīⁿ hoat-khi-lāi, jia-pè i. ⁸Ū-ê ka-lauh tī hó ê thó·toē, hoat-khi-lāi kiát-sít kàu chit-pah pē. Chiah ê oē kóng-liáu, chiū kiò kóng, Ū hī-khang thang thiaⁿ ê, tiōh thiaⁿ.

⁹I ê hák-seng m̄ng I chit ê phì-jū cháíⁿ-iūⁿ. ¹⁰Iā-so· kóng, Siōng-tè kok ê ò-biāu hō· lín chai; nā-sī tui pát lāng chiū ēng phì-jū, beh hō· in khoàⁿ, khoàⁿ boē kìⁿ, thiaⁿ iā boē hiáu-ngō·. ¹¹Chit ê phì-jū chiū-sī án-ni: Chéng-chí chiū-sī Siōng-tè ê tō-lí. ¹²Tī lō·pīⁿ ê, chiū-sī lāng thiaⁿ-kìⁿ tō-lí; Mô·kúi chiū lái, tui in ê sim-lāi chiong tō-lí chhiúⁿ-khi, bián-tit in sìn lái tit-tiōh kiù. ¹³Tī chiōh-poāⁿ téng ê, chiū-sī lāng thiaⁿ-liáu hoaⁿ-hí sēng-siū tō-lí; nā-sī in bô kun, sī chiām-sī sìn nā-tiāⁿ, tú-tiōh chhi-liān ê sī chiū poē-biū. ¹⁴Lōh tī chhi-á lái ê, chiah-ê chiū-sī lāng thiaⁿ-liáu chiū khi, hō· chāi-siⁿ ê khoàⁿ-lū hē-chai iàn-lók só· jia-pè, chiū kiát m̄ chiāⁿ liáp. ¹⁵Tī hó thó·toē ê, chiah-ê chiū-sī lāng ēng hó koh siān-liông ê sim thiaⁿ tō-lí lái chip-siú i, koh thun-lún lái kiát-sít.

¹⁶Bô lāng tiám teng ēng khi-kū lāi khām i, á-sī hē tī bîn-chhng ē, chiū-sī hē tī teng-tāi téng, hō· jlp-lāi ê lāng khoàⁿ-kìⁿ hit ê kng. ¹⁷In-ūi bô ū ún-bát, iā chiong-lāi bô lō·hiān ê; bô ū pì-bát, chiong-lāi bô hō· lāng chai koh lō·hiān ê. ¹⁸Só·í lín tiòh kín-sīn cháiⁿ-iūⁿ lāi thiaⁿ; in-ūi kìⁿ-nā ū ê, beh hō· i; bô ê, liān i ka-kī liāh-choè ū ê, iā beh kā i chhiúⁿ-khì.

¹⁹Iā-so· ê lāu-bú kap hiaⁿ-tī lāi chiū-kūn I; in-ūi lāng choē, boē-tit kūn-oá. ²⁰Ū lāng kā I kóng, Lí ê lāu-bú kap lí ê hiaⁿ-tī khiā tī goā-bīn, ài beh khoàⁿ lí. ²¹I in kóng, Goá ê lāu-bú kap goá ê hiaⁿ-tī chiū-sī chiaⁿ ê thiaⁿ Siōng-tè ê tō-lí lāi kiāⁿ ê lāng.

²²Ū chit jlt Iā-so· kap I ê hák-seng chiūⁿ chūn, kā in kóng, Lán lāi khi ô· ê hit pēng hoāⁿ. Chiū khui chūn. ²³Kiāⁿ ê sī Iā-so· khùn-khì. Ū pò-thâu hong phah-lòh-lāi ô·nh, chūn-lāi ê chúí chha-put-to moá, chm-chāi gūi-hiám. ²⁴Hák-seng kūn-oá, kiò I chhiⁿ, kóng, Sian-siⁿ ah, sian-siⁿ ah, beh bô miā lah. I chiū chhiⁿ, chek-pī hong kap hái-éng, hong éng chiū soah, iā pīⁿ-tiāⁿ. ²⁵I chiū kā hák-seng kóng, Lín ê sìn tī tá-lòh? In chiū kiaⁿ-hiāⁿ kí-koài, saⁿ-kap kóng, Che sī sím-mih lāng, bēng-lēng hong kap chúí, in iā sūn I?

²⁶Chūn kàu Keh-lah-sim lāng ê toē-hng, chiū-sī Ka-lī-lī ê tui-bīn. ²⁷Iā-so· lī-khui chūn, chiūⁿ hoāⁿ; ū chit lāng tui siāⁿ-nh chhut-lāi tú-tiòh I, sī hoān-tiòh kúi ê, kú-kú bô chhēng saⁿ bô tiām chhù-lāi, tók-tók tiām tī hūn-bōng tiong. ²⁸Khoàⁿ-kìⁿ Iā-so· chiū âu-kiò, phak tī I ê bīn-chēng, toā siaⁿ kóng, Chì-koàiⁿ Siōng-tè ê Kiáⁿ Iā-so·, goá kap lí ū sím-mih kan-siáp? kiū lí bôh-tit khó·-chhó· goá. ²⁹In-ūi Iā-so· ū bēng-lēng siā-sín tui hit ê lāng chhut-lāi. In-ūi siā-sín siōng-siōng liāh i; lāng

ēng thih-liān liān i, ēng kha-khau khau i, lāi kò·siú i; i chiū chhoah-tng só· pāk i ê khi-kū, i hō· kúi koáⁿ kàu khòng-iá. ³⁰Iā-so· mng i kóng, Lí kiò sím-mih miā? I kóng, Iāⁿ; in-ūi ū choē-choē kúi jlp i. ³¹Kúi kiū Iā-so· bôh-tit hoan-hù in jlp chhim-ian. ³²Tī hia ū kui tīn ti, tī soaⁿ-nh teh thó-chiāh. Kúi kiū I chún in jlp hiah ê ti. Chiū chún in. ³³Kúi chiū tui hit lāng chhut-khì, jlp hiah ê ti; kui tīn ti chiū cháu-lòh soaⁿ-phiāⁿ, chōng-lòh ô·, kek-sí. ³⁴Kò·ti ê khoàⁿ-kìⁿ chit ê tãi-chì chiū cháu-khì, pò siāⁿ-lāi kap huiⁿ-siā ê lāng chai. ³⁵In chiū chhut-lāi, ài khoàⁿ chit ê tãi-chì; chiū-kūn Iā-so·, tú-tiòh kúi só· tui i chhut-lāi hit lāng, chhēng saⁿ, hāi-chāi, chē tī Iā-so· kha-ē; in chiū kiaⁿ. ³⁶Khoàⁿ-kìⁿ ê lāng chiong hoān-tiòh kúi ê lāng cháiⁿ-iūⁿ tit-tiòh kiū pò in chai. ³⁷Keh-lah-sim sì-hng ê lāng lóng kiū Iā-so· lī-khui in; in-ūi in toā kiaⁿ ê iān-kò; I chiū chiūⁿ chūn tò-tng-khì. ³⁸Kúi só· tui i chhut-khì ê lāng kiū beh kap I khi. Nā-sī Iā-so· chhe i khi kóng, Tò-khì lín tau, chiong Siōng-tè ūi-tiòh lí kiāⁿ hiah toā ê sū pāi-liát hō· lāng chai. I chiū khi, piān siāⁿ soan-thoan Iā-so· ūi-tiòh i só· kiāⁿ hiah toā ê sū.

⁴⁰Iā-so· tò-tng-lāi ê sī chēng lāng chiap-láp I; in-ūi in lóng teh thēng-hāu I. ⁴¹Ū chit lāng, miā Gāi-ló·, chiū-sī koán hoē-tng ê, lāi phak tī Iā-so· ê kha-ē, kiū I kàu i ê ke; ⁴²in-ūi i ū ko·siⁿ ê cha-bó·-kiáⁿ iok-liók chap-jī hē, teh beh sí. Iā-so· khi ê sī, chēng lāng oe-khoeh I.

⁴³Ū chit ê hū-jin-lāng, hiat-lāu chap-jī nī, in-ūi chhiáⁿ i-seng ke-hé phoà kàu liáu, bô chit lāng oē i-hó i, lāi kàu Iā-so· ê ka-chiah-āu, bong I saⁿ-á-ku ê chhiu; hiat-lāu chek-sī chí. ⁴⁵Iā-so· kóng, Bong goá ê sī chī-chui? Tāi-ke kóng bô; Pí-tek kap tâng kiāⁿ ê lāng

kóng, Sian-siⁿ, cheng lāng pek-oá, khoeh-tiòh lí. ⁴⁶Iâ-so· kóng, Ū lāng bong goá, in-ūi goá chai ū koan-lēng tui goá chhut. ⁴⁷Hū-jîn-lāng khoàⁿ i khng boē bát, ngiāuh-ngiāuh-chhoah lāi phak tī I kha-ē; tng cheng lāng ē bīn-cheng kóng-bēng bong I ē iān-kò·, kap i cháiⁿ-iūⁿ liām-piⁿ hó. ⁴⁸Iâ-so· kā i kóng, Hū-jîn-lāng ah, lí ē sìn ū kiū lí, choē lí an-sim tò-khì.

⁴⁹I iáu teh kóng ē sī, ū lāng tui koan hoē-tng ē ē ke lāi kóng, Lí ē cha-bó·-kiáⁿ í-keng sí, bián lô-tōng sian-siⁿ. ⁵⁰Iâ-so· thiaⁿ-kìⁿ chiū ìn i kóng, M bián kiaⁿ, chí-ū tiòh sìn, i chiū tit-tiòh kiū. ⁵¹Í-keng kàu i ē ke, tī Pí-tek, Iok-hān, Ngá-kok, kap cha-bó· gín-ná ē pē-bú í-goā, m̄ chún pát lāng kap I jlp-khì. ⁵²Cheng lāng teh thī-khau, ūi-tiòh i lāi tui heng; Iâ-so· kóng, Bóh-tit thī-khau, in-ūi i m̄ sī sí, sī teh khùn nā-tiāⁿ. ⁵³In chiū thí-chhiò I, in-ūi chai i í-keng sí lah. ⁵⁴Iâ-so· khan cha-bó· gín-ná ē chhiú kiò kóng, Cha-bó· gín-ná, khí-lāi. ⁵⁵I ē sìn hók-tò, chek-sī khí-lāi; Iâ-so· hoan-hù hō· i chiah. ⁵⁶I ē pē-bú gōng-ngiāh; Iâ-so· bēng-lēng in bót-tit chiong só· kiāⁿ ē kā lāng kóng.

⁹Iâ-so· kiò chap-jī ē hák-seng lóng lāi, hō· in ū lēng-lēk koan-pēng, oē chè-ap lóng-chóng ē kúi, i-hó pīⁿ-cheng. ²Chiū chhe in khi thoan Siōng-tè ē kok, i-hó phò-pīⁿ lāng. ³Koh tui in kóng, Bóh-tit toà lō·-hùi, bóh-tit koáiⁿ-á, bóh-tit tah-liān, bóh-tit kan-niū, bóh-tit gūn, iā bóh-tit nng niá saⁿ. ⁴Kìⁿ só· jlp ē chhù, tiòh toà tī hia, iā tiòh tui hia khí-sin. ⁵Hoan-nā m̄ chiap-láp lín ē, chhut in ē siāⁿ ē sī, tiòh poāⁿ-khì lín kha-nih ē thô·-hún, lāi kan-cheng in. ⁶Hák-seng chiū chhut-khì, piàn-kiāⁿ hiah ē huiⁿ-siā thoan hok-im, ták só·-chāi i-pīⁿ.

⁷Hun-hong ē jîn-kun Hi-lút thiaⁿ-kìⁿ it-chhè ē sū, chiū put-chí tiū-tū, in-ūi ū lāng

kóng, Iok-hān tui sí-lāng tiong koh-oáh; ⁸ū-ē kóng, Í-lī-a chhut-hiān; iā ū-ē kóng, kó·-chá ē sian-ti chit lāng koh-oáh. ⁹Nā-sī Hi-lút kóng, Iok-hān goá í-keng kā i thāi-thāu; taⁿ goá thiaⁿ-kìⁿ I chit hō sū, che sī sím-mih lāng? Chiū chhē ki-hoē ài khoàⁿ-kìⁿ I.

¹⁰Sù-tô· tò-lāi, chiong in só· kiāⁿ ē pāi-liát hō· Iâ-so· thiaⁿ. Iâ-so· chiū chhoā in thē-khui kàu chit ē siāⁿ, miā Pek-sai-tai. ¹¹Nā-sī cheng lāng chai chiū tè I; I chiap-láp in, tui in káng-lūn Siōng-tè ē kok; hoan-nā khiām-ēng i-pīⁿ, chiū kā i i. ¹²Jit beh lóh, chap-jī ē hák-seng lāi kā I kóng, Chhiáⁿ sì-soàⁿ cheng lāng, hō· in khi sì-ūi ē huiⁿ-siā kap soaⁿ-tiūⁿ tâu-hioh siat-hoat chiah; in-ūi lán chia sī khòng-iá ē só·-chāi. ¹³Iâ-so· tui in kóng, Lín hō· in chiah. In kóng, Goán nā bô khi thoē chiah ē cheng lāng boē chiah, chiū put-kò ū gō· ē piáⁿ, nng bé hī nā-tiāⁿ. ¹⁴In-ūi hiah ē lāng iok-liòk ū gō·-chheng. Iâ-so· tui hák-seng kóng, Hō· cheng lāng chē kui liát, múi liát gō·-chap lāng. ¹⁵Hák-seng chiū án-ni kiāⁿ, hō· cheng lāng lóng chē. ¹⁶Iâ-so· thēh gō· ē piáⁿ nng bé hī, òng thiⁿ chiok-siā lāi peh i, hō· hák-seng pāi tī cheng lāng ē bīn-cheng. ¹⁷Lóng chiah kàu pá; khioh só· chhun ē sut-á chap-jī kheng.

¹⁸Iâ-so· ka-kī teh kī-tó, hák-seng kap I tī hia; I chiū mng in kóng, Cheng lāng kóng goá sī chī-chui? ¹⁹In kóng, sī kiāⁿ soé-lé ē Iok-hān; iā ū lāng kóng, sī Í-lī-a; koh ū lāng kóng, sī kó·-chá ē sian-ti chit lāng koh-oáh. ²⁰I kā in kóng, Nā-sī lín kóng goá sī chī-chui? Pí-tek ìn kóng, Sī Siōng-tè ē Ki-tok. ²¹I chiū kìm-kài in bóh-tit chiong che kā lāng kóng; ²²soà kóng, Jín-chú tek-khak tiòh siū choē-choē kan-khó·, hō· chiah ē tiúⁿ-ló, chè-si-thāu, keng-hák-sū só· khì-sak, koh siū hāi-sí, tē saⁿ jit koh-oáh. ²³Koh tui cheng lāng kóng, Nā ū lāng ài tè

goá, chiū tiòh khoàⁿ-bô ka-kī, jīt-jīt giā i ê sīp-jī-kè lāi tè goá. ²⁴In-ūi kìⁿ-nā ài kiū i ê sīⁿ-miā ê beh sit-lòh i; chóng-sī kìⁿ-nā ūi-tiòh goá lāi sit-lòh i ê sīⁿ-miā ê teh-beh kiū i. ²⁵In-ūi lāng nā tit-tiòh choān sè-kài lāi sit-lòh ka-kī, sún-hoāi ka-kī, ū sīm-mih lī-ek ah? ²⁶Kìⁿ-nā liāh goá kap goá ê oē choē kiàn-siāu ê, Jīn-chú ēng ka-kī kap Pē kap sèng thiⁿ-sài ê ēng-kng lāi ê sī, iā beh liāh hit lāng choē kiàn-siāu. ²⁷Goá chin-sit kā lín kóng, Khiā tī chia ê, ū lāng iáu-bē sī, beh khoàⁿ-kìⁿ Siōng-tè ê kok.

²⁸Kóng chiah ê oē liáu-āu chha-put-to poeh jīt, Iā-so· toā Pí-tek, Iok-hān, Ngá-kok saⁿ-kap chiūⁿ soaⁿ kī-tó. ²⁹Kī-tó ê sī I ê bīn-māu ū koh-iūⁿ, I ê saⁿ pēh, koh kng nà-nà. ³⁰Hut-jīn ū nng lāng kap I kóng oē, chiū-sī Mô·se Í-lī-a. ³¹In tī ēng-kng chhut-hiān, tâm-lūn I ê kè-sī, chiū-sī I tī Iā-lō·sat-léng só· beh lèk-kè ê. ³²Pí-tek kap tâng tī-teh ê lāng iā-siān bīn-khì; kàu in cheng-sīn, chiū khoàⁿ-kìⁿ Iā-so· ê ēng-kng, í-kíp kap I khiā-teh hit nng lāng. ³³Tng hit nng lāng lī-piāt I ê sī, Pí-tek tùi Iā-so· kóng, Sian-siⁿ, lán tī chia chin hó; goán lāi tah saⁿ keng liáu-á, chit keng hō· lí, chit keng hō· Mô·se, chit keng hō· Í-lī-a; sī m̄ chai i só· kóng ê. ³⁴Kóng chiah ê oē ê sī, ū hūn tà in; in jip tī hūn-lāi chiū kiaⁿ. ³⁵Ū siaⁿ tùi hūn-nih chhut, kóng, Chit-ê sī goá ê Kiáⁿ, goá só· keng ê; lín tiòh thiaⁿ I. ³⁶Hit ê siaⁿ í-keng chhut, chiū khoàⁿ-kìⁿ Iā-so· ka-kī tī-teh. Hák-seng chēng-chēng; hit sī bô chiong só· khoàⁿ-kìⁿ ê kā lāng kóng.

³⁷Keh jīt in lòh soaⁿ ê sī, ū kui tīn lāng lāi chih I. Chiōng-tiong ū chit lāng toā siaⁿ kiò kóng, Sian-siⁿ ah, kiū lí khoàⁿ goá ê kiáⁿ, i sī goá ko·siⁿ ê. ³⁹Ū sīn liāh i, chiū liām-piⁿ âu-kiò, hō· i thiū-chhoah kàu lâu noā, koh tâng-tâng siong i; lī-khui i sīt-chāi oh. ⁴⁰Goá bat

kiū lí ê hák-seng koáⁿ i, iā in boē-oē. ⁴¹Iā-so· ìn kóng, Hàiⁿ ah, m̄ sīn koh poē-gèk ê sè-tāi ah, goá kap lín toā, thun-lún lín, beh kàu joā kú ah? Tiòh chhoā lí ê kiáⁿ lāi chia. ⁴²Lāi ê sī kúi siak hō· i tó, hō· i toā thiū-chhoah. Iā-so· chiū chek-pī siā-sīn, i-hó hit ê gín-ná, kau hō· i ê lâu-pē. ⁴³Chèng lāng lóng gōng-ngiāh Siōng-tè ê toā ui-giām.

Chèng lāng kī-koài I só· choē lóng-chóng ê sū, hit sī Iā-so· tùi I ê hák-seng kóng, ⁴⁴Chiah ê oē lín tiòh thiaⁿ khi lòh-lī; in-ūi Jīn-chú beh tú-tiòh kè-sāng tī lāng ê chhiú. ⁴⁵Hák-seng boē hiáu-ngō· chit ê oē, sī tùi in ún-bát, hō· in boē bēng-pék; in iā m̄ káⁿ ēng chit ê oē mng I.

⁴⁶Hák-seng tiong siⁿ-khí piān-lūn, khoàⁿ chī-chui beh choē toā. ⁴⁷Nā-sī Iā-so· khoàⁿ-chhut in sim-lāi só· piān-lūn, chiū khan chit ê gín-ná hō· i khiā tī sin-piⁿ, chiah kā in kóng, Kìⁿ-nā ūi-tiòh goá ê miā chiap-láp chit ê gín-ná ê chiū-sī chiap-láp goá; kìⁿ-nā chiap-láp goá ê sī chiap-láp chhe goá ê; in-ūi lín chèng lāng ê tiong-kan tē it bī-soē ê, i sī choē toā ê.

⁴⁹Iok-hān ìn kóng, Sian-siⁿ, goán bat khoàⁿ-kìⁿ chit lāng ēng lí ê miā koáⁿ kúi; goán chiū kìm-chí i, in-ūi i bô kap goán tè lí. ⁵⁰Iā-so· tùi i kóng, Bôh-tit kìm-chí i, in-ūi kìⁿ-nā bô kong-kek lín ê chiū-sī ūi lín.

⁵¹Iā-so· siū chih-chiap chiūⁿ thiⁿ ê jīt-kí beh kàu, chiū koat-ì òng Iā-lō·sat-léng lāi kiāⁿ, chhe sù-chiá choē-thâu khì; ⁵²in khi jip Sat-má-lī-a lāng chit ê hiuⁿ-siā, beh kā I pī-pān. ⁵³Nā-sī in m̄ chiap-láp I, in-ūi I òng Iā-lō·sat-léng teh kiāⁿ. ⁵⁴I ê hák-seng Ngá-kok Iok-hān khoàⁿ-kìⁿ án-ni, chiū kóng, Chú ah, lí ài goán kiò hé tùi thiⁿ lòh-lāi biāt in mah? ⁵⁵Iā-so· oát-tng-sin chek-pī in. ⁵⁶Tāi-ke chiū khì pát ê hiuⁿ-siā.

⁵⁷In kiâⁿ lô· ê sî ũ lêng tùi Iâ-so· kóng, Lí bô lûn tá-lôh khi, goá beh tè lí. ⁵⁸Iâ-so· kâ i kóng, Hô·-lî ũ khang, thiⁿ-tiong ê pe-chiáu ũ siū; tók-tók Jîn-chú bô khoà thâu-khak ê só·-châi. ⁵⁹Koh tùi chit lêng kóng, Tè goá. Hit lêng kóng, Chú ah, hō· goá tò-khì, seng bài-chòng goá ê lău-pē. ⁶⁰Iâ-so· kâ i kóng, Chhut-châi sí-lêng bài-chòng in ê sí-lêng; nă-sī lí tióh khi thoân-pò Siōng-tè ê kok. ⁶¹Koh chit lêng kóng, Chú ah, goá beh tè lí; chóng-sī chún goá seng khi kap ke-lăi ê lêng saⁿ-sī. ⁶²Iâ-so· tùi i kóng, Kìⁿ-nă chhiú hoāⁿ lôe-bé lăi khoàⁿ āu-bīn ê, bô hăp tī Siōng-tè ê kok.

10 Chiah ê tăi-chi liáu-āu, Chú koh siat-lip chhit-cháp lêng, chit tùi chit tùi chhe in choè-thâu khi I só· beh kàu ták ê siâⁿ, ták ê só·-châi; ²tùi in kóng, Thang siu-sêng ê sī choē, choè-kang ê sī chió; só·-í lín tióh kiū hng Chú pek kang khi kâ I siu-sêng. ³Lín khi ah, goá chhe lín chhin-chhiūⁿ iūⁿ-á jip chhâi-lông ê tiong-kan. ⁴Bôh-tit toà chīⁿ-tê, bôh-tit tah-liân, bôh-tit oē; lô·-nih bôh-tit kâ lêng chheng-an. ⁵Bô lûn jip sím-mih chhiū, tióh tăi-seng kóng, Goān chit ke pêng-an. ⁶Siat-sú ũ hăp-gī tit-tiôh pêng-an ê lêng tī hia, chiū lín ê pêng-an oē kàu tī i; nă bô, chiū tò kui tī lín. ⁷Tiôh tiām tī hit ke, lim-chiáh in só· kiong-kip ê, in-ūi choè-kang lêng kham-tit tit-tiôh i ê kang-chiⁿ; bôh-tit tùi chit ke soá khi hit ke. ⁸Bô lûn jip sím-mih siâⁿ, lêng nă chiap-láp lín, tióh chiáh in só· pài tī lín bīn-chêng ê. ⁹Siâⁿ-lăi ũ pīⁿ ê, tióh i-hó in, soà kâ in kóng, Siōng-tè kok kûn lín lah. ¹⁰Nă-sī bô lûn jip sím-mih siâⁿ, lêng m̄ chiap-láp lín, chiū tióh chhut-khi in ê toā koe-lō· kóng, ¹¹Liân lín ê siâⁿ ê thô·-hún, tiâu tī goán ê kha ê, goán iā tùi lín chhit-khi; chóng-sī lín tióh chai Siōng-tè ê kok kûn lah. ¹²Goá kâ lín kóng, Tī hit jít

Só·-to-má pí hit ê siâⁿ iáu khah khoài tam-tng. ¹³Ko-liáp-sin ah, lí ũ chai-ē! Pek-sài-tăi ah, lí ũ chai-ē! in-ūi tī lín tiong-kan só· kiâⁿ chiah ê koân-lêng, nă ũ kiâⁿ tī Chhui-lô kap Se-tùn, chiū in chá-chá chheng môa-saⁿ sám hé-hu chē-teh lăi hoán-hoé. ¹⁴Nă-sī tng sím-phoàⁿ ê sī Chhui-lô kap Se-tùn pí lín iáu khah khoài tam-tng. ¹⁵Ka-pek-lông ah, lí kiám oē tit-tiôh kú-khi kàu thiⁿ mah? Lí beh chia lóh im-hú. ¹⁶Thiaⁿ lín ê chiū-sī thiaⁿ goá; khi-sak lín ê chiū-sī khi-sak goá; khi-sak goá ê chiū-sī khi-sak chhe goá ê.

¹⁷Hiah ê chhit-cháp lêng tò-túg-lăi teh hoaⁿ-hí kóng, Chú ah, ēng lí ê miâ kúi iā hăng-hók goán. ¹⁸Iâ-so· kâ in kóng, Goá ũ khoàⁿ-kìⁿ Sat-tàn chhin-chhiūⁿ sih-ná tùi thiⁿ poáh-lôh-lăi. ¹⁹Goá í-keng hō· lín ũ koân thang tăh choá kap giat-á-thang, koh iâⁿ-kê tùi-ték lóng-chóng ê khiū-lăt; koat-toàn bô chit hăng oē hăi-tiôh lín. ²⁰Chóng-sī bôh-tit in-ūi chiah ê sin hăng-hók lín lăi hoaⁿ-hí; tióh in-ūi lín ê miâ kī tī thiⁿ-nih lăi hoaⁿ-hí.

²¹Tng hit sī Iâ-so· tī Sêng Sîn khoài-lók, kóng, Pē ah, thiⁿ toē ê Chú, goá o-ló lí, in-ūi lí chiong chiah ê sū tùi tì-hui chhang-miâ ê ũ ún-bát i, tùi soè-kiáⁿ ũ hián-bêng i; Pē ah, sī lah, in-ūi lí khoàⁿ án-ni choè hoaⁿ-hí. Băn-hăng-ū tùi goá ê Pē lóng kau-hù goá; ²²Pē í-goā bô chit-ê bat Kiáⁿ sī chī-chui; Kiáⁿ kap Kiáⁿ só· ài beh chí-sī ê í-goā, iā bô chit-ê bat Pē sī chī-chui. ²³Chiū oát-túg-sin àm-chiⁿ tùi hăk-seng kóng, Khoàⁿ-kìⁿ lín só· khoàⁿ-kìⁿ ê, hiah ê bák-chiu ũ hok-khi. ²⁴In-ūi goá kâ lín kóng, Chêng ũ choē-choē sian-ti kap kun-ông ài khoàⁿ lín só· khoàⁿ-kìⁿ ê, iā bô khoàⁿ-kìⁿ, ài thiaⁿ lín só· thiaⁿ-kìⁿ ê, iā bô thiaⁿ-kìⁿ.

²⁵Ū chit ê kà lút-hoat ê sian-siⁿ khí-lăi chhi I kóng, Sian-siⁿ ah, goá tióh cháiⁿ-iūⁿ choè

chiah oē tit-tiòh éng-oáh? ²⁶Iâ-so· tùi i kóng, Tī lút-hoat ū kì sím-mih? Lí thák-liáu cháiⁿ-iūⁿ? ²⁷I ìn kóng, Lí tiòh chīm-sim, chīm-sèng, chīm-lát, chīm-ì thiàⁿ Chú lí ê Siōng-tè; iā tiòh thiàⁿ chhù-piⁿ chhin-chhiūⁿ ka-kī. ²⁸Iâ-so· kâ i kóng, Lí só· ìn ê sī tiòh; kiâⁿ chit-ê, chiū oē oáh. ²⁹Nā-sī i ài hián-bêng ka-kī choè tiòh, chiū tùi Iâ-so· kóng, Chī-chui sī goá ê chhù-piⁿ? ³⁰Iâ-so· ìn i kóng, Ū chit lāng tùi Iâ-lō· sat-léng lóh-khì Iâ-lī-ko, tú-tiòh chhát pak i ê i-chiūⁿ, phah i kàu poàⁿ-sí, pàng hē-teh, choè in khì. ³¹Chhàu-khám ū chit ê chè-si tùi hit tiâu lō· lóh-khì, khoàⁿ-kìⁿ i, chiū siám tùi hit pêng kè-khì. ³²Koh ū chit ê Lī-bī lāng kàu hit só·chāi, khoàⁿ-liáu iū-goân tùi hit pêng kè-khì. ³³Tók-tók ū chit ê Sat-má-lī-a lāng kiâⁿ lō· tùi hia kè, khoàⁿ-kìⁿ chiū lín-bín i; ³⁴kūn-oá, ēng chiú thìn tī i tiòh-siong ê só·chāi, kâ i pau-teh, chiong ka-kī ê cheng-siⁿ hō· i khiá, chhoā i kàu kkeh-tiām, lâi chiàu-kò· i. ³⁵Keh jlt thèh gūn-á nng-ê hō· tiām-chú, kóng, Tiòh chiàu-kò· chit lāng; só·hùi nā khah ke, goá tò-túg-lâi chiah hêng lí. ³⁶Chit saⁿ lāng tiong lí phah-sng tá-lòh chit-ê choè tú-tiòh chhát hit lāng ê chhù-piⁿ? ³⁷I kóng, Lín-bín i ê, chiū-sī. Iâ-so· kâ i kóng, Lí khì, chiàu án-ni lâi kiâⁿ.

³⁸In kiâⁿ ê sī, Iâ-so· jlp chit ê hiuⁿ-siā; ū chit ê hū-jîn-lāng, miā Má-tāi, chiap-láp I tī i ê chhù. ³⁹I ū chit ê chí-bē, kiò choè Má-lī-a, chē tī Chú ê kha-ē, lâi thiaⁿ I ê oē. ⁴⁰Má-tāi in-ūi chiap-thāi in, tãi-chì choē, sim bāng; chiū-kūn Iâ-so· kóng, Chú ah, goá ê chí-bē pàng goá ka-kī teh bong, lí bô iàu-kín mah? Tiòh kah i lâi chān goá. ⁴¹Nā-sī Chú ìn kóng, Má-tāi ah, Má-tāi ah, lí ūi-tiòh choē-choē tãi-chì khoàⁿ-lū hun-cháp; nā-sī só· khiām-ēng ê sī chit hāng nā-tiāⁿ; in-ūi Má-lī-a í-keng keng-

tiòh hó ê hūn-giáh, chiū-sī boē kâ i chhiūⁿ-tit ê.

11 Iâ-so· tī chit só·chāi kī-tó, í-keng soah, I ê hák-seng chit lāng tùi I kóng, Chú ah, kâ-sī goán kī-tó, chhin-chhiūⁿ Iok-hān iā bat kâ-sī i ê hák-seng. ²I chiū kâ in kóng, Lín kī-tó ê sī tiòh kóng, Pē ah, goān lí ê miā sèng; lí ê kok līm-kàu; goán ê jlt-sit jlt-jlt hō· goán; ⁴sià-bián goán ê choē, in-ūi goán iā sià-bián ko·hū goán ê lāng; bóh-tit chhoā goán jlp tī chhi.

⁵Koh tùi in kóng, Lín sím-mih lāng ū pêng-iú, lí poàⁿ-mī khì chhē i, kâ i kóng, Pêng-iú ah, thèh saⁿ ê piáⁿ chioh goá: ⁶in-ūi goá ū pêng-iú tùi lō·nīh lâi chhē goá, goá bô mih thang chhiáⁿ i. ⁷I tùi lâi-bīn ìn kóng, Bóh-tit chō-chak goá; mng í-keng koaiⁿ, gín-ná kap goá tī chhng-nih; goá boē tit thang khí-lâi thèh hō· lí. ⁸Goá kâ lí kóng, sui-jiân bô ūi-tiòh i choè pêng-iú khí-lâi thèh hō· i, iáu-kú ūi-tiòh i ê pek-chhiat beh khí-lâi, chiàu i só· khiām-ēng ê hō· i. ⁹Goá koh kâ lín kóng, Kiū chiū hō· lín; chhē chiū tú-tiòh; phah mng chiū kâ lín khui. ¹⁰In-ūi kìⁿ-nā kiū ê tit-tiòh, chhē ê tú-tiòh; phah mng ê kâ in khui. ¹¹Lín tá-lòh chit-ê choè pē ê, ū kiáⁿ lâi thó piáⁿ, kiám beh chiong chiòh-thâu hō· i mah? Á-sī beh hī, kiám beh chiong choā chún-choè hī hō· i mah? ¹²Á-sī thó nng, kiám beh chiong giat-á-thang hō· i mah? ¹³Lín chiah-ê sui-jiân pháⁿ, iáu-kú oē hiáu-tit ēng hó mih hō· lín ê kiáⁿ-jī, hô-hòng lín tī thiⁿ-nīh ê Pē kiám bô ēng Sèng Sīn lâi hō· kiū I ê lāng mah?

¹⁴Iâ-so· koáⁿ chit ê é-káu kúi; í-keng chhut, é-káu ê chiū kóng oē; cheng lāng kī-koài. ¹⁵Lâi-tiong ū kúi-nā lāng kóng, I koáⁿ kúi sī khò kúi-ōng Piát-se-pok. ¹⁶Koh ū lāng chhi I, tùi I kiū tùi thiⁿ lâi ê sīn-jiah. ¹⁷Iâ-so· chai

in ê ì-sù chiū kā in kóng, Hoān-nā kok ka-kī cheng-piàⁿ, oē tì-kàu pha-hng, chhù chit keng chit keng tó-hoāi; ¹⁸nā Sat-tàn ka-kī cheng-piàⁿ, i ê kok thái-thó khiā oē tiâu? in-ūi lín kóng goá khò Piát-se-pok koáⁿ kúi. ¹⁹Siat-sú goá khò Piat-se-pok koáⁿ kúi, chiū lín ê chú-tē koáⁿ kúi, oá-khò chī-chui ah? Án-ni in beh gí-toàn lín. ²⁰Tók-tók goá nā khò Siōng-tè ê chhiú koáⁿ kúi, chiū Siōng-tè ê kok í-keng kàu tī lín. ²¹Béng lāng chhēng khoe-kah kiáh ke-si kò-siú i ê chhù, i só· ũ ê chiū an-ún. ²²Chóng-sī pí i khah béng ê kàu lāi iāⁿ i, chiū chhiúⁿ i só· oá-khò choân-hù ê chiàn-khì, lāi pun i ê mih-kiāⁿ. ²³Bô tâng goá ê chiū-sī tui-ték goá; bô kap goá siu-khiòh ê chiū-sī teh phah-soàⁿ. ²⁴Siā-sin í-keng lī-khui lāng, keng-kè bô chúi ê toē, kiū an-hioh; bô tit-tiòh, chiū kóng, Goá beh tò-khì só· chhut-lāi ê chhù. ²⁵Kàu tè, chiū khoàⁿ-kìⁿ piàⁿ-sàu choē-chéng; ²⁶chiū khì koh toà chhit ê sin pí ka-kī khah pháiⁿ, jlp-khì khiā-khí. Hit lāng lō·bé ê keng-hóng pí khí-thâu khah chhám.

²⁷I kóng chiaⁿ ê oē ê sī, cheng lāng tiong ũ chit ê hū-jîn-lāng toā siaⁿ kā I kóng, Siⁿ lí ê pak-tó, hō· lí suh ê lín-thâu ũ hok-khì ah. ²⁸Nā-sī Iā-so· kóng, M̄ tát-tiòh thiaⁿ Siōng-tè ê tō-lí lāi siú ê khah ũ hok-khì.

²⁹Lāng chū-chip ná choē, Iā-so· chiū kóng, Chit sè-tāi sī pháiⁿ ê sè-tāi, in kiū sin-jiah, nā-sī tū Iok-ná ê sin-jiah í-goā, bô beh sin-jiah hō· i. ³⁰In-ūi Iok-ná chiāⁿ-choē sin-jiah lāi hō· Nī-nī-bi lāng, chhin-chhiūⁿ án-ni Jín-chú iā beh chiāⁿ-choē sin-jiah lāi hō· chit sè-tāi. ³¹Lām-hng ê lú-ông tng sím-phoàⁿ ê sī, beh kap chit sè-tāi ê lāng saⁿ-kap khi-lāi, soà gí-tiāⁿ chit sè-tāi ê choē; in-ūi i tui toē ê kék-thâu lāi thiaⁿ Sô·lô-bun tì-sek ê oē, hô-hòng tī chia ũ pí Sô·lô-bun khah toā ê. ³²Nī-nī-bi

lāng tng sím-phoàⁿ ê sī beh kap chit sè-tāi ê lāng saⁿ-kap khiā-khí-lāi, soà gí-tiāⁿ chit sè-tāi ê choē; in-ūi in tui Iok-ná só· thoân ê lāi hoán-hoé, hô-hòng tī chia ũ pí Iok-ná khah toā ê.

³³Bô lāng tiám teng hē tī ún-bát ê só·-chāi, á-sī tī táu ē; chiū-sī hē tī teng-tai téng, hō· jlp-lāi ê lāng khoàⁿ-kìⁿ hit ê kng. ³⁴Seng-khu ê teng chiū-sī lí ê bák-chiu; lí ê bák-chiu nā kim, chiū thong seng-khu iā kng; lí ê bák-chiu nā hoe, chiū seng-khu iā àm. ³⁵Só·-í tiòh kín-sin kiaⁿ-liáu lí lāi-bīn ê kng sī àm. ³⁶Siat-sú lí thong seng-khu lóng kng, bô chit jiah àm, chiū beh oân-choân kng, chhin-chhiūⁿ teng ê kng nà-nà teh chiò lí.

³⁷Kóng oē ê sī ũ Hoat-lī-sài lāng chhiáⁿ i saⁿ-kap chiaⁿ. Iā-so· chiū jlp-khì chē. ³⁸Hit ê Hoat-lī-sài lāng khoàⁿ-kìⁿ I bē soé lāi chiaⁿ, chiū kí-koài. ³⁹Chú chiū tui i kóng, Taⁿ lín Hoat-lī-sài lāng chheng-khì poe kap poāⁿ ê goā-bīn; nā-sī lín lāi-bīn chiū ũ chhiúⁿ-kiap kap ok-tók moá-moá. ⁴⁰Lín gōng lāng ah, chhòng-chō goā-bīn ê kiám bô iā chhòng-chō lāi-bīn mah? ⁴¹Chóng-sī tiòh chiong chiaⁿ ê lāi-bīn ê mih chín-chè lāng, chiū ták hāng mih chāi lín lóng chheng-khì.

⁴²Lín Hoat-lī-sài lāng ũ chai-ē ah! in-ūi lín chiong pók-hô, ún-hiong, kap ták iūⁿ ê chhài-soe chap hūn thiū chit hūn, nā-sī kong-gī kap thiāⁿ Siōng-tè ê sū chiū pàng bô iàu kín; chóng-sī chiaⁿ-ê sī eng-kai tiòh kiāⁿ ê, hiah-ê iā m̄ thang pàng-sak. ⁴³Lín Hoat-lī-sài lāng ũ chai-ē ah! in-ūi lín ài hoē-tng lāi chē koāiⁿ ũi, koe-chhi-nh hō· lāng chhéng-an. ⁴⁴Lín ũ chai-ē ah! in-ūi lín chhin-chhiūⁿ ún-bát ê bōng, lāng kiāⁿ tī hit téng-bīn m̄ chai.

⁴⁵Ū chit ê kà lút-hoat ê sian-siⁿ in I kóng, Sian-siⁿ, lí kóng chiaⁿ ê oē iā pō·-jiòk-tiòh

goán. ⁴⁶Nā-sī I kóng, Lín kà lút-hoat ê sian-siⁿ iā ū chai-ē ah! in-ūi lín chiong oh-tit taⁿ ê tàⁿ hō· lāng taⁿ; nā-sī lín pún-sin bô ēng chit ki chng-thâu-á lāi bong hiah ê tàⁿ. ⁴⁷Lín ū chai-ē ah! in-ūi lín chhòng sian-ti lāng ê bōng, iā lín ê chó· bat hāi-sí in. ⁴⁸Án-ni, lín ê chó· só· choē ê, lín choē kan-chèng, koh hoaⁿ-hí i; in-ūi in hāi-sí in, iā lín chhòng in ê bōng. ⁴⁹Só·-í Siōng-tè ê Tì-hui ū kóng, Goá beh chhe sian-ti kap sù-tô· chiū-kūn in, kî-tiong ū-ê in beh hāi-sí i, ū-ê in beh khun-tiok i; tì-kàu tui chhòng-chō sè-kan í-lāi só· lâu cheng sian-ti ê huìh lóng beh kā chit sè-tāi thó; ⁵¹chiū-sī tui A-pek ê huìh kàu Sat-ka-lī-a sí tī tiān kap toāⁿ ê tióng-kan ê huìh, sít-chāi ah, goá kā lín kóng, lóng beh tui chit sè-tāi thó. ⁵²Lín kà lút-hoat ê sian-siⁿ ū chai-ē ah! in-ūi lín chiong chai-bat ê só·sī kiáh-khì; lín ka-kī m̄ jlp, teh-beh jlp ê lāng lín chiū chó·-tòng i.

⁵³Iā-so· tui hia chhut-lāi ê sī, keng-hák-sū kap Hoat-lī-sài lāng chhut-lát pek I, kek I kóng khah choē oē; ⁵⁴tng-tán I, ài liáh I ê oē-phāng.

12 Hit sī lāng chū-chlp kúi-nā bān, tì-kàu saⁿ thún-táh, Iā-so· khui chhui tãi-seng tui I ê hák-seng kóng, Lín tióh tì-hōng Hoat-lī-sài lāng ê kàⁿ, chiū-sī ké-hó. ²Bô ū khàm-bát iā bô lō·hiām ê, ún-bát bô hō· lāng chai ê. ³Só·-í lín tī o·-àm ê tióng-kan só· kóng ê, beh tī kng-bēng hō· lāng thiaⁿ-kìⁿ; lín tī bát-pāng àⁿ hī-khang-piⁿ só· kóng ê, beh pò-iōng tī chhù-téng. ⁴Goá ê pēng-iú ah, goá kā lín kóng, Hāi-sí lín seng-khu liáu-āu boē-oē choē pát hāng ê, bôh-tit kiaⁿ in. ⁵Goá beh chí-sī lín só· tióh kiaⁿ ê; tióh kiaⁿ hit-ê hāi-sí liáu-āu koh ū koān hiat tī tē-gék ê; sít-chāi ah, goá kā lín kóng, Só· tióh kiaⁿ ê sī chit-ê. ⁶Gō· ê chhek-chiáu-á kiám m̄ sī boē nng hun

gūn mah? tī Siōng-tè ê bīn-chēng liān chit chiah iā bô boē kì-tit. ⁷Chiū lín ê thâu-mng iā lóng kè-sng. Bôh-tit kiaⁿ; lín pí choē-choē chhek-chiáu-á khah kúi-khì. ⁸Goá iā kā lín kóng, Kìⁿ-nā tī lāng ê bīn-chēng jīm goá ê, Jīn-chú tī Siōng-tè ê thiⁿ-sài ê bīn-chēng iā beh jīm i. ⁹Nā-sī tī lāng ê bīn-chēng bô jīm goá ê, tī Siōng-tè ê thiⁿ-sài ê bīn-chēng, iā beh m̄ jīm i. ¹⁰Hoān-nā kóng oē lāi kong-kek Jīn-chú ê, beh siā-bián i; nā-sī siat-tók Seng Sín ê, bô beh siā-bián i. ¹¹Lāng toā lín kàu hoē-tng kap pān cheng-sū í-kíp ū koān ê bīn-chēng, bôh-tit khoà-lū beh cháiⁿ-iūⁿ hun-sò·, beh hun-sò· sīm-mih, beh kóng sīm-mih; ¹²in-ūi hit sī Seng Sín beh kà-sī lín só· tióh kóng ê.

¹³Cheng lāng tióng ū chit lāng kā I kóng, Sian-siⁿ ah, chhiáⁿ lí kah goá ê hiaⁿ-tī kap goá pun chó·-giáp. ¹⁴Nā-sī Iā-so· kā i kóng, Lí chit ê lāng ah, chī-chui siat-líp goá choē lín ê sīm-phoàⁿ koaⁿ, á-sī choē pun ke-giáp ê mah? ¹⁵Chiū tui cheng lāng kóng, Tióh kín-sīm, iok-sok ka-kī, lóng bô tham-sim; in-ūi lāng ê oáh-miā put-chāi i só· chek-chū ê hong-seng. ¹⁶Chiū ēng phì-jū tui in kóng, Ū chit ê pù lāng i ê chhân-hng chin hó siu. ¹⁷I siūⁿ-lāi siūⁿ-khì kóng, Goá bô só·-chāi thang tún goá ê thó·sán, taⁿ beh cháiⁿ-iūⁿ? ¹⁸Koh kóng, Goá beh án-ni choē, beh thiah goá ê chhek-chng, khí khah toā ê; chiū goá ê gō·kak kap chái-bút lóng beh tún tī hia; ¹⁹iā beh kā goá ê lēng-hūn kóng, Lēng-hūn ah, lí ū choē-choē chái-bút chek-chū choē choē-choē nī ê lō·ēng, thang chheng-ēng, lim-chiáh, khoài-lók. ²⁰Nā-sī Siōng-tè kā i kóng, Gōng lāng ah, Kim mī beh tui lí thó lí ê lēng-hūn; chiū lí só· pī-pān ê beh kui sīm-mih lāng ah? ²¹Kìⁿ-nā ūi-tióh ka-kī chek-chū chái-pó, tī Siōng-tè ê

bīn-chēng bô hó-giáh ê, iā sī án-ni.

²²Koh tui I ê hák-seng kóng, Só-í goá ká lín kóng, Bóh-tit ūi-tiòh sīⁿ-miā khoà-lū beh chiáh sím-mih, á-sī ūi-tiòh lín ê seng-khu khoà-lū beh chhēng sím-mih; ²³in-ūi sīⁿ-miā pí bí-niū khah tui-tiōng, seng-khu pí i-chiūⁿ khah tui-tiōng. ²⁴Tiòh chhi-siūⁿ o·a, in bô cheng-choh bô siu-sēng, iā bô khò-pāng bô chhek-chhng, Siōng-tè iáu-kú iúⁿ-chhi in; lín pí chiáu-á hit ê kùì-khì kàu cháiⁿ-iūⁿ? ²⁵Lín sím-mih lāng oē ēng khoà-lū hō· sīⁿ-miā khah tng chit kek kú ah? ²⁶Án-ni chì sió-khoá ê lín iáu-kú bô hoat-tit, siáⁿ-sū khoà-lū kī-ū ê ah? ²⁷Chhi-siūⁿ pek-háp-hoe cháiⁿ-iūⁿ ná toā chāng, i bô tiòh-boā bô phāng-cheh; nā-sī goá ká lín kóng, Tng Sô·lô-būn kék hāng-ngó· ê sī, i sô· chhēng m̄ tát-tiòh chit hō hoe ê chit lúi. ²⁸Taⁿ soaⁿ-nih ê chháu, kin-á-jit tī-teh, bin-á-jit hiat tī hé-lô·, Siōng-tè siōng-chhiáⁿ hō· i chhēng kàu án-ni, hô-hòng lín sió-sin ê lāng ah? ²⁹Lín bóh-tit kiū beh chiáh sím-mih beh lim sím-mih, iā bóh-tit hoān-sim; ³⁰in-ūi chiah-ê lóng sī sè-kan ê liat-pang lāng só· kiū ê, lín ê Pē iā chai chiah-ê sī lín khiām-ēng ê. ³¹Tók-tók lín tiòh kiū I ê kok, chiū chiah ê mih beh soà hō· lín. ³²Lín soē ê iūⁿ-kūn ah, bóh-tit kiaⁿ, in-ūi lín ê Pē hoaⁿ-hí ēng kok hō· lín. ³³Tiòh boē lín só· ū ê lâi chín-chè lāng; ūi-tiòh lín pún-sin pī-pān boē-oē kū ê chiⁿ-tē, tī thiⁿ-nih ēng boē liáu ê chái-pó, chiū-sī chhát boē kàu, thāng boē chiū ê só·-chāi. ³⁴In-ūi lín ê chái-pó tī hia, lín ê sim iā beh tī hia.

³⁵Lín ê io tiòh hā-teh, lín ê teng tiòh tiám-teh; ³⁶Lín tiòh chhin-chhiūⁿ lāng teh theng-hāu in ê chú-lāng tui hun-in ê iān-toh tò-lâi; kàu tè phah m̄ng thang liām-piⁿ ká i khui. ³⁷Chú-lāng kàu, khoàⁿ-kìⁿ in keng-séng, hiah ê lô·pók ū hok-khì. Goá sít-chāi ká lín kóng,

Chú-lāng beh hō· in chē toh, ka-kī hā toà, chìn-chēng lâi su-hāu in. ³⁸Kiám-chhái jī kīⁿ á-sī saⁿ kīⁿ kàu, khoàⁿ-kìⁿ in án-ni, hiah ê lô·pók ū hok-khì. ³⁹Ke-chú nā chai chhát sím-mih sī beh kàu, i chiū tuiⁿ-tī, put-tì i ê chhù siū iah kang, che sī lín só· chai. ⁴⁰Lín iā tiòh pī-pān piān, in-ūi lín bô phah-sng ê sī Jīn-chú lâi lah.

⁴¹Pí-tek kóng, Chú ah, lí siat chit ê ph-jū sī tui goán kóng, á-sī iā tui cheng lāng ah? ⁴²Chú kóng, Sím-mih lāng sī chīn-tiong tì-sek ê koán-ke, chú-lāng só· beh siat-líp lâi koán-lí i ke-lâi ê lāng, chiáu sī hoat bí-niū hō· in ah? ⁴³I ê chú-lāng lâi khoàⁿ-kìⁿ i án-ni kiāⁿ, hit ê lô·pók ū hok-khì. ⁴⁴Goá sít-chāi ká lín kóng, chú-lāng beh siat-líp i lâi koán-lí i it-chhè só· ū ê. ⁴⁵Siat-sú hit ê lô·pók sim-lâi phah-sng, Goá ê chú-lāng iān-chhiān chiah beh lâi, chiū phah hiah ê lô·pók lú-pī, lim-chiáh koh chiū-chui, ⁴⁶chiū tī bô phài-phe ê jít m̄ chai ê sī, hit ê lô·pók ê chū-lāng beh kàu, tāng-tāng hēng-hoat i, pān i kap m̄ sin ê lāng tāng-téng. ⁴⁷Lô·pók chai i ê chú-lāng ê ì-sù, iā bô pī-pān, iā bô sūn i ê ì-sù lâi kiāⁿ, beh siū phah choē ē. ⁴⁸Nā-sī m̄ chai lâi kiāⁿ eng-kai siū phah ê sū i beh siū phah chió ē. Kìⁿ-nā hō· i choē ê, beh ká i thēh choē; thok-tiōng i choē ê, beh ká i thó khah choē.

⁴⁹Goá lâi sī beh ēng hé hiat tī toē-nih; hé nā í-keng tòh, goá iáu-kú ài sím-mih? ⁵⁰Goá ū eng-kai siū ê soé; hit ê soé iáu-bē chiāⁿ, goá pek-chhiat kàu cháiⁿ-iūⁿ? ⁵¹Lín phah-sng goá lâi sī beh hō· toē-chiūⁿ hô-pēng mah? goá ká lín kóng, M̄ sī, hoán-tng sī oan-ke. ⁵²Taⁿ liáu-āu chit ke gō· lāng beh oan-ke, saⁿ-ê kap nng-ê oan-ke, nng-ê kap saⁿ-ê oan-ke. ⁵³Pē kap kiáⁿ, kiáⁿ kap pē, lâu-bú kap cha-bó·-kiáⁿ, cha-bó·-kiáⁿ kap lâu-bú, ta-ke kap i ê sim-pū, sim-pū

kap ta-ke, in lóng beh oan-ke.

⁵⁴I chiū koh tui cheng lāng kóng, Lín khoàⁿ-kìⁿ hūn tui sai-sì khí, lín chiū kóng, Beh lóh hō; kó-jian ū án-ni; ⁵⁵khoàⁿ-kìⁿ hong tui lām-sì chhe lāi, lín chiū kóng, Beh sio-joah; iā ū án-ni. ⁵⁶Ké-hó ê lāng ah, thiⁿ kap toē ê hēng-sek lín to khoàⁿ oē chhut, cháiⁿ-iūⁿ boē-oē khoàⁿ-chhut chit ê sī ah? ⁵⁷Lín ka-kī cháiⁿ-iūⁿ bô séng-chhat hit-ê háp tī gī ê ah? ⁵⁸In-ūi lí kap kò lí ê khi kìⁿ koaⁿ-hú, iáu tī lō-nih tióh êng-ūi hō i pàng lí soah; kiaⁿ-liáu i thoa lí kàu tī sím-phoàⁿ koaⁿ, sím-phoàⁿ koaⁿ chiong lí kau chhe-iáh, chhe-iáh soà chiong lí koaiⁿ lóh kaⁿ. ⁵⁹Goá kā lí kóng, Chit si chit hô bē hēng, lí koat-toàn boē-oē chhut hia.

13 Tng hit sī ū kúi-nā lāng tī-teh, chiong Ka-lī-lī lāng ê sū kā Iā-so[·] kóng, chiū-sī Pí-liáp-to chiong in ê huìh chham tī in ê seng-lé ê. ²Iā-so[·] in kóng, In-ūi chiaⁿ ê Ka-lī-lī lāng siū chit hō ê hāi lín phah-sng in pí cheng Ka-lī-lī lāng khah ū choē mah? ³Goá kā lín kóng, M̄ sī; lín nā bô hoán-hoé, lóng beh chhin-chhiūⁿ án-ni biát-bô. ⁴Á-sī hit chap-poeⁿ lāng, hō[·] Se-lô-a ê thah tó-lóh-lāi teh-sí ê, lín phah-sng in pí lóng-chóng khiā-khiⁿ tī Iā-lō[·]-sat-léng ê lāng hoán-choē khah tâng mah? ⁵Goá kā lín kóng, M̄ sī; lín nā bô hoán-hoé, lóng beh chiàu án-ni biát-bô.

⁶I chiū siat chit ê ph-jū kóng, Bó[·] lāng ū chit chāng bū-hoa-kó chhiū chai tī i ê phū-tô hng-nh; chiū lāi hit chāng chhē ké-chí, chhē bô. ⁷Chiah tui koán-hng ê kóng, Lí khoàⁿ, goá lian-lian saⁿ nī lāi tui chit chāng bū-hoa-kó chhiū chhē ké-chí, chhē bô. Tióh kā i chhò-khiⁿ-lāi; siáⁿ-sū hō i iā tìn só[·]-chāi? ⁸In i kóng, Chú ah, kin-nī chhiáⁿ koh iōng-ún i; theng-hāu goá sī-ūi kút-sang èng-pui; āu-lāi nā kiat ké-chí, chiū hó; nā bô, lí chiaⁿ kā i chhò-khiⁿ-

lāi.

¹⁰An-hioh-jit Iā-so[·] tī chit ê hoē-tng teh kà-sī lāng; ¹¹tú-tng ū chit ê hū-jin-lāng, hoán-tiòh siā-sin tī pīⁿ chap-poeⁿ nī kú, ún-ku lóng boē chhun tit. ¹²Iā-so[·] khoàⁿ-kìⁿ chiū kiò i kóng, Hū-jin-lāng ah, taⁿ lí thoat-lī lí ê pīⁿ lah. ¹³Chiū ēng siang-chhiú kā i hoāⁿ; i chek-sī chhun tit, chiū kui ēng-kng Siōng-tè. ¹⁴Koán hoē-tng ê, in-ūi Iā-so[·] tī an-hioh-jit i-pīⁿ, chiū siū-khiⁿ, tui cheng lāng in kóng, Ū lāk jit eng-kai tióh choē kang, hit lāk jit kan thang lāi siū i; an-hioh-jit m̄ thang. ¹⁵Nā-sī Chú in i kóng, Ké-hó ê lāng ah, tī an-hioh-jit lín kiám bô ták lāng tui chō-nih tháu i ê gū á-sī lū, khan-khiⁿ chiaⁿ chú mah? ¹⁶Chit ê hū-jin-lāng sī A-pek-lāh-hán ê hō[·]-è, hō[·] Sat-tàn pāk i í-keng chap-poeⁿ nī kú, kiám m̄ eng-kai tī an-hioh ê jit tháu i ê kat mah? ¹⁷Iā-so[·] kóng án-ni, chiaⁿ ê tui-tèk lóng kián-siāu; cheng lāng in-ūi I só[·] kiāⁿ it-chhē ēng-kng ê sū, lóng-chóng hoaⁿ-hí.

¹⁸Iā-so[·] chiū kóng, Siōng-tè ê kok chhin-chhiūⁿ sím-mih? Goá beh ēng sím-mih lâi pí-phēng i? ¹⁹Sī chhin-chhiūⁿ chit liáp koà-chhai chí, lāng thēh khi cheng tī i ka-kī ê hng, chiū toā chāng chiaⁿ choē chhiū, khong-tiong ê chiaú lâi hioh tī i ê ki. ²⁰Koh kóng, Goá beh ēng sím-mih lâi pí-phēng Siōng-tè ê kok? ²¹Sī chhin-chhiūⁿ kàⁿ, hū-jin-lāng thēh khi hē tī saⁿ táu ê mī-hún lâi, kàu lóng-chóng hoat-kàⁿ.

²²Iā-so[·] keng-kè chiaⁿ ê siāⁿ chiaⁿ ê hiuⁿ-siā kà-sī lāng, iā nēng Iā-lō[·]-sat-léng teh kiāⁿ. ²³Ū chit lāng kā I kóng, Chú ah, tit-tiòh kiū ê lāng sī chió mah? ²⁴Iā-so[·] tui in kóng, Tióh chīn-lāt tui oēh mng jip-khiⁿ; in-ūi goá kā lín kóng, beh ū choē-choē lāng kiū jip iā boē tit-tiòh. ²⁵Kàu ke-chú khiⁿ-lāi koaiⁿ mng, lín chiaⁿ khiā

tī goā-bīn, phah m̄ng, kóng, Chú ah, kā goán khui leh, I chiū beh ìn lín kóng, Lín tui tó-ūi lāi, goá m̄ bat lín. ²⁶Lín chiū beh kóng, Goán bat tī lí ê bīn-chēng lim-chiá; lí iā bat tī goán ê koe-lō· kà-sī. ²⁷I beh kóng, goá kā lín kóng, goá m̄ chai lín tui tó-ūi lāi; ²⁸lín kiāⁿ put-gī ê lāng lóng tiōh lī-khui goá. Lín teh-beh khoàⁿ-kìⁿ A-pek-láh-hán, Í-sat, Ngá-kok kap chēng sian-ti tī Siōng-tè ê kok, iā lín ka-kī siū koáⁿ-chhut tī goā-bīn; tng hit sī hia beh ū thī-khau kā-gē chhiat-chhi. ²⁹Tui tang tui sai tui lām tui pak, beh ū lāng lāi chē toh tī Siōng-tè ê kok. ³⁰Ū lō·bé ê beh choè tãi-seng, iā ū tãi-seng ê beh choè lō·bé.

³¹Hit sī ū Hoat-lī-sài kúi-nā lāng lāi kā I kóng, Lí tiōh lī-khui chia khi pát ūi, in-ūi Hī-lút ài beh thāi lí. ³²I kā in kóng, Lín khi kā hit chia hō·lī kóng, Lí khoàⁿ, kin-á-jit, bīn-á-jit goá koáⁿ kúi i-pīⁿ, kàu tē saⁿ jit goá chiū oân-choân. ³³Sui-jiân án-ni, kin-á-jit, bīn-á-jit kap āu-jit goá eng-kai tiōh kiāⁿ; in-ūi put-kai ū sian-ti siū hāi-sí tī Iā-lō·sat-léng ê goā-bīn. ³⁴Iā-lō·sat-léng ah, Iā-lō·sat-léng ah, chiū-sī thāi-sí sian-ti lāng, ēng chiōh-thâu tìm hōng-chhe kàu tī i ê, goá joā choè pái ài chū-chíp lí ê kiáⁿ-jī, chhin-chhiūⁿ koe-bú chū-chíp i ê koe-á tī sīt-ē; nā-sī lín m̄ ài. ³⁵Lí khoàⁿ, lín ê chhū pàng teh hō· lín; koh goá kā lín kóng, Lín koat-toàn boē khoàⁿ-kìⁿ goá, thēng-hāu lín kóng, Tī Chú ê miā lāi ê tit-tiōh hok-khi.

14 An-hioh-jit Iā-so· jip chit ê Hoat-lī-sài thâu-lāng ê chhū, beh chiá; in teh tng-tán I. ²Tú-tng tī I ê bīn-chēng ū chit ê kó·tiōng ê lāng. ³Iā-so· tui kà lút-hoat ê sian-siⁿ kap Hoat-lī-sài lāng kóng, An-hioh-jit i-pīⁿ thang á m̄ thang? ⁴In chēng-chēng. Iā-so· khan hit ê lāng, i-hó i, hō· i khi. ⁵Soà tui in kóng, Lín tiong-kan sīm-mih lāng ū lū á-sī gū tī an-hioh-

jit poáh-lōh kau-khut, iā bô liām-piⁿ khan i khi-lāi mah? ⁶Chiah ê oē in boē-oē in.

⁷Iā-so· khoàⁿ hiah ê lāng-kheh kóng toā ūi, chiū siat phī-jū tui in kóng, ⁸Lín hō· lāng chhiáⁿ khi hū hun-in ê iân-toh, bōh-tit chē toā ūi, kiaⁿ-liáu pí lí khah chun-kui ê iā hō· i chhiáⁿ, chiū chhiáⁿ lí kap chhiáⁿ i ê lāi kā lí kóng, Niū ūi hō· chit lāng; ⁹lí chiū kiàn-siáu, thē-khi chē tī bé ūi. ¹⁰Tók-tók hō· lāng chhiáⁿ ê sī tiōh khi chē bé ūi, chiū chhiáⁿ lí ê lāi kā lí kóng, Pēng-iú ah, chē khi-lāi; hit sī lí tī tang toh ê lāng ê bīn-chēng chiū ū thē-biān. ¹¹In-ūi kìⁿ-nā chū-ko ê beh hō· i pi-bī; ka-kī pi-bī ê beh ko-seng i.

¹²Iā-so· iā kā chhiáⁿ I ê lāng kóng, Lí pān jit-tàu tng á-sī ê-hng tng, m̄ thang chhiáⁿ lí ê pēng-iú, á-sī hiaⁿ-tī, á-sī chhin-chhek, á-sī hó-giáⁿ ê chhū-piⁿ, kiaⁿ-liáu in tò chhiáⁿ lí, lí chiū siū pò-tap. ¹³Nā-sī lí pān iân-toh ê sī, tiōh chhiáⁿ sòng-hiong ê, phoà-siūⁿ ê, pái-kha ê, chhiⁿ-mī ê; lí chiū ū hok-khi; ¹⁴in-ūi in bô thang pò-tap lí; chiū tī gī lāng koh-oáh ê sī lí beh tit-tiōh pò-tap.

¹⁵Tang toh ê chit lāng thiaⁿ-kìⁿ chiah ê oē, chiū kā I kóng, Beh tī Siōng-tè ê kok chiaⁿ ê, ū hok-khi ah. ¹⁶Nā-sī Iā-so· kā i kóng, Ū chit lāng pān toā iân-siáⁿ, só· chhiáⁿ ê choē-choē. ¹⁷Kàu beh chiaⁿ ê sī, chhe i ê lô·pók kā só· chhiáⁿ ê lāng kóng, Tiōh lāi, pah hāng mih piān lah. ¹⁸Chēng lāng chiū tang chit iūⁿ sim the-sī. Thâu-chit-ê kā i kóng, Goá ū boé hng, ko·put-chiong tiōh khi khoàⁿ i; chhiáⁿ hō· goá sī. Koh chit lāng kóng, Goá ū boé gū gō· tui, beh khi giām-khoàⁿ, chhiáⁿ hō· goá sī. ²⁰Koh chit ê kóng, Goá ū choā bó·, chiah boē tit lāi. ²¹Lô·pók tò-khi chiong chiaⁿ ê sū kā i ê chú-lāng kóng. Ke-chú siū-khi, kā i ê lô·pók kóng, Kín-kín chhut-khi

kàu siâⁿ-lâi ê toā koe sió hāng, chhoā hiah ê sòng-hiong ê, phoà-siùⁿ ê, chhiⁿ-mî ê, pái-kha ê lâi chia. ²²Lôⁿ-pók kóng, chú ah, lí sóⁿ bēng-lēng ê í-keng kiâⁿ i; nā-sī iáu-kú ū chhun ūi. ²³Chú-lâng tui i ê lôⁿ-pók kóng, Chhut-khi lôⁿ-nhih kap lî-pa piⁿ bián-kióng lâng jîp-lâi, hōⁿ goá ê chhù moá-moá. ²⁴In-ūi goá ká lín kóng, Chêng sóⁿ chhiáⁿ ê bô chit lâng oē tit chiáh goá ê iân-siáh.

²⁵Choē-choē lâng kap I tâng kiâⁿ, I chiū oát-kè-lâi, tui in kóng, ²⁶Nā ū lâng chiū-kūn goá, iā bô oàn-hūn i ê pē-bú, bóⁿ-kiáⁿ, hiaⁿ-tī, chí-bē, í-kíp ka-kī ê sîⁿ-miā, chiū boē-oē choē goá ê hák-seng. ²⁷Bô giā ka-kī ê sip-jī-kè lâi tè goá ê, iā boē-oē choē goá ê hák-seng. ²⁸Lín tiong-kan sím-mih lâng beh khí thah, kiám bô tãi-seng chē-teh, lâi sng hit ê sóⁿ-hùi, khoàⁿ oē khí kàu chiáⁿ boē? ²⁹Kiaⁿ-liáu kiám-chhái hē toē-ki, iā boē-oē khí kàu hó; chiū khoàⁿ-kìⁿ ê lâng lóng thí-chhiò i, kóng, Chit ê lâng ū tâng kang, iā boē khí kàu hó. ³¹Á-sī sím-mih ông chhut-lâi beh kap pát ê ông kau-chiàn, kiám bô tãi-seng chē-teh chham-bô; khoàⁿ oē ēng chit-bān peng tí-ték hit-ê chhoā nng-bān peng lâi kong-kek i ê, á boē? ³²Nā boē, chiū thàn i iáu hng, chhe sù-chiá khi kap i káng hô. ³³Án-ni, lín tiong-kan kìⁿ-nā bô pàng-sak it-chhè sóⁿ ū ê, boē-oē choē goá ê hák-seng. ³⁴Taⁿ iâm sī hó, iâm nā soà sit-bī, beh ēng sím-mih hók-tò i ê bī? ³⁵Iā boē lóh hng tit, iā boē choē pui tit; chí ū hiat tī goā-bīn. Ū hī-khang thang thiaⁿ ê, tióh thiaⁿ.

15 Chèng thiu-hiong ê kap pháiⁿ lâng teh chiū-kūn Iā-soⁿ lâi thiaⁿ I. ²Hoat-lī sài lâng kap keng-hák-sū ngauh-ngauh-liām kóng, Chit ê lâng chiap-láp pháiⁿ lâng, soà kap in chiáh.

³Iā-soⁿ siat chit ê phì-jū tui in kóng, ⁴Lín

tiong-kan sím-mih lâng ū chit-pat chiaⁿ iūⁿ, sit-lóh chit chiaⁿ, kiám bô chhiáⁿ pàng káu-cháp-káu chiaⁿ tī soaⁿ-nhih, khi chhē sóⁿ sit-lóh ê kàu tit-tiòh mah? ⁵Í-keng chhē-tiòh chiū hoaⁿ-hí, pē i tī keng-thâu téng. ⁶Kàu chhù chiū chū-chíp i ê pēng-iú chhù-piⁿ, ká in kóng, Tiòh kap goá hoaⁿ-hí, in-ūi sóⁿ sit-lóh ê iūⁿ goá í-keng chhē-tiòh. ⁷Goá ká lín kóng, Pháiⁿ lâng tiong ū chit lâng hoán-hoé, chiū tī thiⁿ-nhih iā beh án-ni ūi-tiòh i hoaⁿ-hí, pí ūi-tiòh káu-cháp-káu ê gī lâng m̄ bián hoán-hoé ê koh kahⁿ hoaⁿ-hí.

⁸Á-sī sím-mih hū-jîn-lâng ū cháp ê gūn-á, nā sit-lóh chit ê, kiám bô tiám teng, sàu chhù, khùn-khùn chhē kàu tiòh mah? ⁹Í-keng chhē-tiòh, chiū chū-chíp i ê pēng-iú chhù-piⁿ kóng, Tiòh kap goá hoaⁿ-hí, in-ūi sóⁿ sit-lóh ê gūn-á goá í-keng chhē-tiòh. ¹⁰Goá ká lín kóng, Pháiⁿ lâng tiong ū chit lâng hoán-hoé, chiū tī Siōng-tè thiⁿ-sài ê bīn-chêng ūi-tiòh i hoaⁿ-hí iā sī án-ni.

¹¹Koh kóng, Bóⁿ lâng ū nng ê kiáⁿ; hit-ê tē jī ê ká lâu-pē kóng, A-pà ah, chiong goá èng tit ê giáp, pun hōⁿ goá. I ê lâu-pē chiū ká in pun ke-hé. ¹³Koh bô kúi jít, hit ê tē jī kiáⁿ it-chīn siu-síp i ê mih, chhut-goā khi hng-hng ê sóⁿ-chāi; tī hia hòng-tōng húi-hoāi i ê giáp. ¹⁴Í-keng sng liáu-liáu, tú-tiòh hit sóⁿ-chāi toā ki-hng, i chiaⁿ chai khiàm-kheh ê kan-khóⁿ. ¹⁵Chiū khi óá hit sóⁿ-chāi chit ê peh-siⁿ; hit lâng chhe i khi soaⁿ-nhih chhiⁿ ti; ¹⁶ài chiong ti sóⁿ chiáh ê tâu-koeⁿ lâi chí-ki, iā bô lâng hōⁿ i. ¹⁷I chhiⁿ-gōⁿ chiū kóng, Goá ê lâu-pē ū joā choē tng-kang, bí-niū chiáh ū chhun; nā-sī goá tī chia teh-beh gōⁿ-sí ah. ¹⁸Goá beh khí-lâi khi chhē goá ê lâu-pē, ká i kóng, A-pà ah, goá ū tek-choē thiⁿ kap tī lí ê bīn-chêng; taⁿ liáu-āu goá boē kham-tit kiò choē lí ê kiáⁿ,

tiòh hō· goá chhin-chhiūⁿ lí ê tng-kang ê chit ê. ²⁰Chiū khí-lâi khi chhē i ê lâu-pē. Saⁿ-lī iáu-kú hng, i ê lâu-pē khoàⁿ-kìⁿ i, chiū lân-bín i, cháu-khi phō i ê âm-kún, tit-tit ká i chim. ²¹Kiáⁿ chiū ká i kóng, A-pà ah, goá ū tek-choē thiⁿ kap tī lí ê bīn-chēng; taⁿ liáu-āu boē kham-tit kiò choē lí ê kiáⁿ. ²²Nā-sī lâu-pē tui i hiah ê lô-pók kóng, Kín-kín hiahⁿ siōng-hó ê saⁿ lâi ká i chhēng, koh ká i koà chhiū-chí, soá ká i chhēng oē; ²³iā khan hit chiah pui ê gū-á lâi thâi, lán chiáh lâi hoaⁿ-hí. ²⁴In-ūi goá chit ê kiáⁿ sí ū koh-oáh, sit-lòh ū koh tit-tiòh. In chiū saⁿ-kap hoaⁿ-hí. ²⁵Hit sí i ê toā-kiáⁿ tī hng-nh; tò-lâi beh kàu chhū, thiaⁿ-kìⁿ chok-gák kap thiàu-bú ê siaⁿ. ²⁶Chiū kiò chit ê lô-pók lâi mng i teh siáⁿ tãi. ²⁷I ká i kóng, Lín sió-tī lâi lah; lín lâu-pē in-ūi tit-tiòh i hó-hó tò-lâi, só-í thâi hit chiah pui ê gū-á. ²⁸Toā-kiáⁿ siū-khi, m̄ jlp-khi; i ê lâu-pē chhut-lâi khng i. ²⁹I in i ê lâu-pē kóng, Lí khoàⁿ, goá hók-sāi lí hiah choē nī, lóng bē bat ùi-kék lí ê bēng-lēng; lí iā bē bat hō· goá chit chiah iūⁿ-á-kiáⁿ, thang kap goá ê pēng-iú saⁿ-kap hoaⁿ-hí. ³⁰Chóng-sī lí chit ê kiáⁿ, kau-poē chhiong-ki, it-chīn phoà-hui lí ê giáp, chit-ē tò-lâi, lí chiū ūi-tiòh i thâi pui ê gū-á. ³¹Lâu-pē chiū ká i kóng, Kiáⁿ ah, lí siōng-siōng kap goá tī-teh, hoān goá só· ū ê lóng sī lí ê; nā-sī lí chit ê sió-tī sí ū koh-oáh, sit-lòh ū koh tit-tiòh, lán eng-kai tiòh hoaⁿ-hí khoài-lók.

16 Iā-so· koh tui hák-seng kóng, Bó· ê hó-giáh lāng ū chit ê koán-ke ê; ū lāng chiong i phoà-hui chú-lāng ê giáp tui i ê chú-lāng kò i. ²Chú-lāng kiò i lâi ká i kóng, Goá só· thiaⁿ-kìⁿ lí chit ê tãi-chi sī cháiⁿ-iūⁿ? Taⁿ lí koán-ke ê sū tiòh kap goá chheng-chhó, in-ūi lí boē-oē iū-goān choē koán-ke. ³Koán-ke ê sim-lāi siūⁿ

kóng, Chú-lāng lut goá koán-ke ê chit, goá beh cháiⁿ-iūⁿ ah? kiáh tī-thâu bô khui-lát, choē khít-chiáh mī kiàn-siàu. ⁴Taⁿ goá chai só· tiòh choē lah, kàu lut koán-ke ê chit, hit sī lāng chiah beh chiap-láp goá jlp in ê ke. ⁵I chiū kiò khiàm i chú-lāng ê chē ê, chit-ê chit-ê lâi; ká thâu-chit-ê kóng, Lí khiàm goá ê chú-lāng joā choē? ⁶Īn kóng, Iū, chit-pah thàng. Chiū ká i kóng, Thêh lí ê siàu, kín-kín chē, siá gō·cháp. ⁷Koh ká pát-ê kóng, Lí khiàm joā choē? I kóng, Bêh, chit-pah chiòh. Ká i kóng, Thêh lí ê siàu, siá poeh-cháp. ⁸Chú-lāng chiū o-ló chit ê put-gī ê koán-ke, ūi-tiòh i só· choē ū tì-sek; in-ūi chit sè-kan ê lāng ūi-tiòh sè-chēng lâi tô·bô·, pí kng-bēng ê lāng khah ū tì-sek. ⁹Goá iā ká lín kóng, Tiòh ēng put-gī ê chíⁿ-châi kiát-kau pēng-iú, kàu chíⁿ-châi liáu-khi ê sí, in chiah beh chiap-láp lín jlp éng-oán ê tiūⁿ-pāng. ¹⁰Tī chì sió-khoá ê sū chīn-tiong ê, tī toā ê iā chīn-tiong; tī chì sió-khoá ê sū put-gī ê, tī toā ê iā put-gī. ¹¹Tī put-gī ê chíⁿ-châi lín nā bô chīn-tiong, chí-chui beh ēng chin-ê thok-tiōng lín? ¹²Koh tī siók pát lāng ê, lín nā bô chīn-tiong, chí-chui beh ēng siók lín ê hō· lín ah? ¹³Chit ê lô-pók boē-oē hók-sāi nng ê chú-lāng; in-ūi i oē oàn-hūn chit-ê, thiàⁿ hit-ê; á-sī oē tui-tiōng chit-ê, khoàⁿ-khin hit-ê; lín boē-oē hók-sāi Siōng-tè soà hók-sāi chíⁿ-châi.

¹⁴Hoat-lī-sài lāng sī tham châi ê, thiaⁿ-kìⁿ chiah ê lóng-chóng ê oē, chiū léng-chhiò I. ¹⁵Iā-so· ká in kóng, Lín sī tī lāng ê bīn-chēng ka-kī chheng-choē-gī ê, nā-sī Siōng-tè chai lín ê sim; in-ūi tī lāng ê tiōng-kan só· chhui-chun ê tī Siōng-tè ê bīn-chēng sī khó-ò·ⁿ. ¹⁶Lút-hoat kap sian-ti kàu Iok-hān; tui hit sī Siōng-tè kok ê hok-im thoān-pò, lāng chīn lát lâi jlp. ¹⁷Thiⁿ toē ê hoē-bô pí lút-hoat chit ùih

ê sit-lôh sī khah khoài. ¹⁸Kìⁿ-nā lī i ê bó· lâi chhoā pát lāng sī kiāⁿ kan-îm; chhoā pát lāng só· lī ê, iā sī kiāⁿ kan-îm.

¹⁹Ū chit ê pù lāng chhēng chí-sek kap iù-toē pò· ê i-chiūⁿ, ták jlt chhia-hoā iàn-lók; ²⁰koh ū chit ê khít-chiāh miā Liáp-sat-lō·, piàn-sin siⁿ-thiàⁿ; ²¹lāng hē i tī pù lāng ê toā-mŋg-kháu, ài chiong pù lāng toh-kha só· ka-lāuh ê lâi tō·-pá; káu iā lâi chī i siⁿ-thiàⁿ ê ūi. ²²Sòng-hiong lāng sí, hō· thiⁿ-sài hū i kàu A-pek-lāh-hán ê heng-chēng; pù lāng iā sí, soā bāi-chòng. ²³Tī im-kan, thòng-khó· ê tiòng-kan, kiāh bák hŋg-hŋg khoàⁿ-kìⁿ A-pek-lāh-hán, koh Liáp-sat-lō· tī i ê heng-chēng. ²⁴Chiū kiò kóng, Goá ê chó· A-pek-lāh-hán ah, khó·lín goá, chhe Liáp-sat-lō· ēng chng-thâu-á bé ùn chúi lâi liāng goá ê chíh, in-ūi goá tī chí hé-iām tiòng chin chhiⁿ-chhám. ²⁵Nā-sī A-pek-lāh-hán kóng, Kiáⁿ ah, tiòh kì-tit lí chāi-siⁿ hióng-siū lí ê hok-khì, Liáp-sat-lō· siū-tiòh kan-khó·; taⁿ i tī chia tit-tiòh an-ùi, iā lí siū chhiⁿ-chhám. ²⁶M̄-nā án-ni, tī goán kap lín ê tiòng-kan ū toā chhim-ian keh-teh, tì-kàu beh tùi chia kè-khì lín hia boē-oē, tùi hia kè-lâi goán chia iā boē-oē. ²⁷I chiū kóng, Kì-jīn án-ni, kiū chó· lí chhe Liáp-sat-lō· khi goán pē ê chhù; in-ūi goá ū gō· ê hiaⁿ-tī, hō· i tùi in choē kan-chèng, bián-tit in iā kàu chit ê thòng-khó· ê só·-chāi. ²⁹A-pek-lāh-hán kóng, In ū Mô·-se kap hiah ê sian-ti, thang thiaⁿ in. ³⁰Ìn kóng, Goá ê chó· A-pek-lāh-hán ah, boē lah; nā ū lāng tùi sí-lāng tiòng khi chhē in, in chiū beh hoán-hoé. ³¹A-pek-lāh-hán ká i kóng, In nā m̄ thiaⁿ Mô·-se kap sian-ti, chiū ū lāng tùi sí-lāng tiòng koh-oáh, in iā m̄ siū khó·-khng.

17 Iā-so· koh tùi I ê hák-seng kóng, That-gāi lāng ê sū boē bián-tit ū; chóng-sī khoàⁿ

tùi chī-chui lâi, hit lāng ū chai-ē! ²Siat-sú hō· chiah ê bī-soē ê chit-ê siū that-gāi, khah hó hō· lāng ēng toā chiòh-bō tiàu i ê ām-kún, ká i hiát-lôh hái. ³Lín tiòh ka-kī kín-sin; nā lín ê hiaⁿ-tī hoán-choē, tiòh chek-pī i; i nā hoán-hoé, tiòh sià-bián i. ⁴Nā-sī i chit jlt tek-choē lí chhit pái, iā chhit pái oát-tng ká lí kóng, Goá hoán-hoé lah, lí chiū tiòh sià-bián i.

⁵Sù-tô· ká Chú kóng, Ke-thiⁿ goá ê sìn. ⁶Chú kóng, Lín nā ū sìn chhin-chhiūⁿ chit liáp ê koà-chhài chí, chiū bēng-lēng chit chāng sng-chāi chhiū kóng, Pùih lí ê kun khi chai tī hái-nh, i iā beh sūn-thàn lí. ⁷Lín tiòng-kan sīm-mih lāng ū lô·-pók teh choh-hŋg á-sī kò·-iūⁿ, tùi hŋg-nh tò-lâi, kiám beh ká i kóng, Chek-sī chē lâi chiāh mah? ⁸Kiám bô beh ká i kóng, Pī-pān hó· goá chiāh, hā toā lâi hók-sāi goá; thèng-hāu goá lim-chiāh soah, lí chiah thang lim-chiāh mah? ⁹Lô·-pók kiāⁿ só· bēng-lēng ê, kiám ū ká i seh-siā mah? ¹⁰Án-ni, lín í-keng it-chīn kiāⁿ só· bēng-lēng lín ê, chiū tiòh kóng, Goán sī bô lī-ek ê lô·-pók, kiāⁿ só· eng-kai kiāⁿ ê nā-tiāⁿ.

¹¹Iā-so· khi Iā-lō·-sat-léng ê sí, tùi Sat-má-lī-a kap Ka-lī-lī kau-kài keng-kè. ¹²Jlp chit ê huiⁿ-siā ê sí, ū chap ê thái-ko ê tú-tiòh I, hŋg-hŋg teh khiā, chhut siaⁿ kóng, Iā-so· sian-siⁿ, lín-bín goán. ¹⁴Iā-so· khoàⁿ-kìⁿ, ká in kóng, Lín khi chiong pún-sin hō· chè-si giām. In khi ê sí chiū tit-tiòh chheng-khì. ¹⁵Kì-tiòng chit lāng khoàⁿ-kìⁿ ka-kī í-keng hó, chiū tò-tng-lâi toā siaⁿ o-ló Siōng-tè, phak-lôh tī Iā-so· ê kha-chēng, lâi kám-siā I; chit lāng sī Sat-má-lī-a lāng. ¹⁷Iā-so· ìn kóng, Chap lāng kiám bô lóng tit-tiòh chheng-khì mah? hit káu-ê tī tá-lôh? ¹⁸Chit-ê pát chók ê lāng í-goā iáu bô pát lāng tò-tng-lâi kui ēng-kng Siōng-tè mah?

¹⁹Chiū ká hit lāng kóng, Khí-lâi choē lí khi,

lí ê sìn ũ kiù lí.

²⁰Hoat-lī-sài lāng m̄ng Siōng-tè ê kok tī-sī oē līm-kàu. Iā-so· ìn kóng, Siōng-tè ê kok līm-kàu m̄ sī hián-jiân; ²¹iā boē kóng-tit, Tī chia, á-sī, Tī hia, in-ūi Siōng-tè ê kok sī tī lín lāi-tiong.

²²Koh tui hāk-seng kóng, Sī-jit beh kàu, lín chin ài khoàⁿ-kìⁿ Jîn-chú ê chit jít, iā bô thang khoàⁿ-kìⁿ. Beh ũ lāng ká lín kóng, Lí khoàⁿ, tī hia! Lí khoàⁿ, tī chia! lín bôh-tit khi, bôh-tit tè in. ²⁴In-ūi chhin-chhiūⁿ sih-nà tui thiⁿ chit piⁿ teh sih, kng chiò kàu thiⁿ hit piⁿ, Jîn-chú tī I ê jít iā beh án-ni. ²⁵Chóng-sī I tek-khak tiòh tãi-seng siū choē-choē kan-khó[·], iā hō· chit sè-tāi khi-sak. ²⁶Chhin-chhiūⁿ tī Ná-a ê jít cháiⁿ-iūⁿ, tī Jîn-chú ê jít iā beh án-ni. ²⁷In teh līm-chiáh, teh kè-chhoā, kàu Ná-a jlp toā chūn ê jít, toā chú kàu, biát in cheng lāng. ²⁸Koh chhin-chhiūⁿ tī Lô-tek ê jít, in teh līm-chiáh, boē-boē, cheng-choh, khi-chhù; ²⁹nā-sī Lô-tek chhut Sók-to-má ê jít, tui thiⁿ lóh hé kap jiū-âng, biát cheng lāng; ³⁰tī Jîn-chú hián-hián ê jít iā beh án-ni. ³¹Tng hit jít tī chhù-téng ê, i ê mih tī chhú-lāi, bôh-tit lóh-lāi thêh i; tī hng-nih ê iā bôh-tit tò-túg-lāi. ³²Tiòh kì-tit Lô-tek ê bó[·]. ³³Kìⁿ-nā tì-ì kò[·] i ê sìn-miā ê, beh sit-lóh i; kìⁿ-nā sit-lóh i ê, beh pó-choân i. ³⁴Goá ká lín kóng, Hit m̄ n̄ng lāng siāng chhng, chit-ê chhú-khi, chit-ê pàng-khi. ³⁵N̄ng ê hū-jîn-lāng tâng oe bō, chit-ê chhú-khi, chit-ê pàng-khi. ³⁷In ìn I kóng, Chú ah, tī sím-mih só[·]-chāi ah? I ká in kóng, Sin-si nā tī hia, eng-chiáu iā beh chū-chlp tī hia.

18 Iā-so· siat chit ê phì-jū, kà-sī in tiòh siōng-siōng kī-tó, m̄ thang iā, kóng, ²Bók siāⁿ ũ chit ê sím-phoàⁿ koaⁿ, bô kiaⁿ Siōng-tè iā bô tui-tiōng lāng. ³Tī hit ê siāⁿ-lāi ũ chit ê

chiú-koáⁿ lāng táuh-táuh khi kìⁿ i kóng, Ū lāng kap goá choè tui-ték, kiú lí thoè goá sin-oah. ⁴I kú-kú bô beh; āu-lāi siūⁿ kóng, Goá sui-jiân bô kiaⁿ Siōng-tè, bô tui-tiōng lāng; ⁵nā-sī in-ūi chit ê chiú-koáⁿ lāng táuh-táuh lāi kiáu-jiáu, goá beh thoè i sin-oan, bián-tit i éng-éng lāi khó[·]-chhó[·] goá. ⁶Chú koh kóng, Lín tiòh thiaⁿ chit ê put-gī ê koaⁿ só[·] kóng ê. ⁷Hô-hòng Siōng-tè kéng ê peh-siⁿ m̄-jit āu-kiò I, I iā ūi-tiòh in khoan-iōng, kiám bô beh thoè in sin-oan mah? ⁸Goá ká lín kóng, I beh kín-kín thoè in sin-oan. Sui-jiân án-ni, Jîn-chú kàu ê sī, kiám beh tú-tiòh sè-kan ũ sìn mah?

⁹Ū oá-khò ka-kī choè gī lāi khoàⁿ-khin pát lāng ê, Iā-so· siat chit ê phì-jū ká in kóng, ¹⁰Ū n̄ng lāng chiūⁿ tiān beh kī-tó, chit-ê sī Hoat-lī-sài lāng, chit-ê sī thiū-hiòng ê. ¹¹Hoat-lī-sài lāng khiā-teh, ka-kī kī-tó kóng, Siōng-tè ah, goá kám-siā lí, in-ūi goá bô chhin-chhiūⁿ pát lāng, lèk-sek, put-gī, kan-îm, iā bô chhin-chhiūⁿ chit ê thiū-hiòng ê. ¹²Goá chit lé-pài kìm-chiáh n̄ng pái; koh chiong hoân só[·] tit-tiòh ê, cháp hūn thiū chit hūn. ¹³Nā-sī hit ê thiū-hiòng ê hng-hng khiā-teh, lián kiáh bák òng thiⁿ iā m̄ káⁿ; kan-ta tui heng kóng, Siōng-tè ah, lín-bín goá chit-ê ũ choē ê lāng. ¹⁴Goá ká lín kóng, Chit ê lāng tò-khi i ê chhù tit-tiòh chheng-choè-gī iāⁿ-kè hit ê lāng. In-ūi kìⁿ-nā chū-ko ê beh hō· i pi-bi; ka-kī pi-bi ê beh ko-seng i.

¹⁵Ū lāng toà eⁿ-á chiū-kūn Iā-so·, beh hō· I bong in; Hāk-seng khoàⁿ-kìⁿ chiū chek-pī in. ¹⁶Nā-sī Iā-so· kiò hiah ê eⁿ-á lāi kóng, Iōng-ún soè-kiáⁿ chiū-kūn goá, bôh-tit kìm i; in-ūi Siōng-tè ê kok sī chit hō lāng ê. ¹⁷Goá sit-chāi ká lín kóng, Hoân-nā sêng-chiap Siōng-tè ê kok bô chhin-chhiūⁿ soè-kiáⁿ ê, koat-toàn

boē tit thang jip-khì.

¹⁸Ū chít ê choè-koan ê m̄ng I kóng, Hó ê sian-siⁿ ah, goá tiòh cháiⁿ-iūⁿ choè, chiah thang sêng-chiap éng-oáh? ¹⁹Iâ-so[·] kâ i kóng, Lí siáⁿ-sū chheng-ho[·] goá sī hó ah? Bô chít-ê hó, tók-tók Siōng-tè nā-tiāⁿ. ²⁰Chiah ê kài lí í-keng chai, Bôh-tit kan-îm, Bôh-tit thâi-sí lāng, Bôh-tit thau-théh, Bôh-tit lām-sám choè kan-chèng, Tiòh kèng lí ê pē-bú. ²¹I chiū kóng, Chiah-ê goá tùi soè-hàn lóng siú i lah. ²²Iâ-so[·] thiaⁿ-kìⁿ chiū kâ i kóng, Lí iáu khiàm chít hāng, tiòh boē lí it-chhè só[·] ū ê lâi hō·sòng-hiong lāng, chiū beh ū chài-pó tī thiⁿ-nih; koh lâi tè goá. ²³Hit lāng thiaⁿ-kìⁿ chiah ê oē chin iu-būn, in-ūi i chin hó-giáh. ²⁴Iâ-so[·] khoàⁿ-kìⁿ i chiū kóng, Pù lāng jip Siōng-tè ê kok oh--ah. ²⁵In-ūi lók-tô chheng-kè chiam-phīⁿ, pí pù lāng jip Siōng-tè ê kok, iáu khah khoài. ²⁶Thiaⁿ-kìⁿ ê lāng kóng, Ân-ni, chī-chūi oē tit-tiòh kiù ah? ²⁷Iâ-so[·] kóng, Chāi lāng só[·] boē-oē ê, chāi Siōng-tè sī oē. ²⁸Pí-tek kóng, Goán í-keng pàng-sak ka-kī só[·] ū ê lâi tè lí. ²⁹Iâ-so[·] kâ in kóng, Goá sít-chāi kâ lín kóng, Bô ū lāng ūi-tiòh Siōng-tè ê kok lâi pàng-sak chhù-théh, á-sī bó[·], á-sī hiaⁿ-tī, á-sī pē-bú, á-sī kiáⁿ-jī, iā bô tī chit-sì tit-tiòh kúi-nā pē khah choè, lâi-sè tit-tiòh éng-oáh.

³¹Iâ-so[·] toà chấp-jī ê hák-seng, tùi in kóng, Lí khoàⁿ, lán chiah-ê chiūⁿ Iâ-lō[·]-sat-léng, kìⁿ-nā tùi sian-ti só[·] kì ê lóng beh èng-giām tī Jîn-chú. ³²In-ūi I beh siū kè-sàng hō[·] īⁿ-pang lāng, koh siū hì-lāng lēng-jiók phui-noā; ³³in beh piⁿ-phah lâi hāi-sí I; tē saⁿ jīt I beh koh-oáh. ³⁴Hiah ê tãi-chì hák-seng bô chít hāng oē hiáu-tit; koh chít ê oē tùi tī in sī ún-bát, in iā m̄ chai I só[·] kóng ê.

³⁵Kūn Iâ-lō[·]-sat-léng ê sī, ū chít ê chhiⁿ-mī ê chē tī lō[·]-piⁿ teh khít-chiáh; ³⁶thiaⁿ-kìⁿ

choē-choē lāng keng-kè, chiū m̄ng sī sím-mih tãi-chì. ³⁷Lāng kâ i kóng, Ná-sat-lék Iâ-so[·] tùi chia kè. ³⁸I chiū âu-kiò kóng, Tãi-pít ê hō[·]-è, Iâ-so[·], khó-lín goá. ³⁹Thâu-chèng kiāⁿ ê lāng chek-pī i, kah i tiòh chēng-chēng; nā-sī i it-hoat toā siaⁿ âu-kiò kóng, Tãi-pít ê hō[·]-è ah, khó-lín goá. ⁴⁰Iâ-so[·] thēng-kha, kah lāng khan i lâi; í-keng kūn-oá, chiū m̄ng i kóng, ⁴¹Ài goá kâ lí choè sím-mih? I chiū kóng, Chú ah, goá ài tit-tiòh khoàⁿ-kìⁿ. ⁴²Iâ-so[·] kâ i kóng, Lí thang tit-tiòh khoàⁿ-kìⁿ, lí ê sìn ū kiù lí lah. ⁴³I liām-piⁿ tit-tiòh khoàⁿ-kìⁿ, chiū tè Iâ-so[·] kui êng-kng Siōng-tè; chēng lāng khoàⁿ-kìⁿ iā lóng kui êng-kng Siōng-tè.

19 Iâ-so[·] jip Iâ-lī-ko, teh kè-khì ê sī, ū chít lāng miâ kiò Sat-kai, sī choè thiū-hiòng ê thâu-lāng, iā sī hó-giáh. ³I ài beh khoàⁿ Iâ-so[·] sī sím-mih lāng, nā-sī lāng choè, khoàⁿ boē tiòh, in-ūi i seng-khu oé-soè. ⁴Chiū cháu choè chēng, peh-chiūⁿ sng-chāi chhiū, beh khoàⁿ I; in-ūi Iâ-so[·] beh tùi hia kè. ⁵Iâ-so[·] kàu hit ūi, kiáh thâu khoàⁿ i kóng, Sat-kai kín-kín lól-lâi, in-ūi kin-á-jīt goá tek-khak tiòh tiām lí ê ke. ⁶Chiū kín-kín lól-lâi, hoaⁿ-hí chiap-láp I. ⁷Chēng lāng khoàⁿ-kìⁿ, ngáuh-ngáuh-liām kóng, I jip khi hioh tī pháiⁿ lāng ê chhù. ⁸Sat-kai khiā-teh, tùi Chú kóng, Chú ah, goá chiong só[·] ū ê chít poàⁿ hō[·] sòng-hiong lāng; nā sī bat oaiⁿ sím-mih lāng, chiū chiong sì-pē pē i. ⁹Iâ-so[·] tùi i kóng, Kin-á-jīt chín-kiù kàu tī chít ê ke; ūi-tiòh i iā sī A-peh-láh-hán ê kiáⁿ-sun. ¹⁰In-ūi Jîn-chú kàu, sī beh chhē sít-lól ê, lâi kiù i.

¹¹In thiaⁿ-kìⁿ chiah ê oē ê sī, Iâ-so[·] koh siat chít ê phì-jū, sī in-ūi I í-keng kūn Iâ-lō[·]-sat-léng, in iā phah-sòng Siōng-tè ê kok beh liām-piⁿ hián-bēng. ¹²I chiū kóng, Ū chít ê chun-kui ê lāng khi hng-hng ê só[·]-chāi beh siū

hong lâi tit-tiòh kok, chiaah tò-túg lâi. ¹³Chiū kiò i chấp ê lô·pók. ēng gūn chấp kun hō· in, tui in kóng, Khi choè seng-lí kàu goá tò-lâi. ¹⁴Chóng-sī i pún-kok ê peh-sìⁿ oàn-hūn i, chhe sù-chiá tè-āu khi kóng, Goán m̄ ài chit lāng choè goán ê ông. ¹⁵I tit-tiòh kok tò-túg lâi, chiū hoan-hù kiò hiah ê tui i niá gūn ê lô·pók lâi, ài beh chai in choè seng-lí só· thàn ê. ¹⁶Thâu-chit-ê lâi i ê bīn-chēng kóng, Chú ah, lí chit kun ê gūn í-keng thàn chấp kun lah. ¹⁷I k̄a i kóng, Hó ah, hó ê lô·pók, in-ūi lí tī chī sió-khoá ê sū í-keng chīn-tiong, taⁿ hō· lí koán chấp ê siáⁿ. ¹⁸Hit ê tē jī ê lâi kóng, Chú ah, lí chit kun ê gūn í-keng tit-tiòh gō· kun lah. ¹⁹I iā k̄a i kóng, Hō· lí iā koán gō· ê siáⁿ. ²⁰Koh chit ê lâi kóng, Chú ah, lí khoàⁿ, lí chit kun ê gūn tī chia, goá ēng chhiū-kun pau khng-teh; in-ūi goá kiaⁿ lí, lí sī giām-hát ê lāng, thèh só· bô hē ê, koah só· bô iā ê. ²¹I k̄a i kóng, Pháiⁿ ê lô·pók ah, chiū lí só· kóng ê goá beh gí-toàn lí. Lí kì-jiân chai goá sī giām-hát ê lāng, thèh só· bô hē ê, koah só· bô iā ê; ²³siáⁿ-sū m̄ chiong goá ê gūn khi lok tī chīn-tiām, kàu goá lâi ê sí, thang lian hit ê lī-sek soà thèh? ²⁴Chiū k̄a piⁿ-á khiā ê lāng kóng, Chiong i chit kun ê gūn k̄a i thèh-lâi, hō· hit ê ū chấp kun ê. ²⁵In k̄a i kóng, Chú ah, i ū chấp kun lah. ²⁶Goá k̄a lín kóng, Kìⁿ-nā ū-ê beh hō· i; bô-ê, lian i só· ū ê iā beh k̄a i thèh-khi. ²⁷Nā-sī goá hiah ê tui-ték, m̄ ài goá choè in ê ông ê, tiòh thoa in lâi, tī goá ê bīn-chēng thài-sí in.

²⁸Iā-so· kóng soah, chìn-chēng kiāⁿ, chiūⁿ Iā-lō·sat-léng. ²⁹Kiāⁿ kūn Pek-hoat-kī kap Pek-tāi-nī, tī hit-ê miā kiò Kaⁿ-ná ê soaⁿ, chiū chhe nng ê hák-seng, kóng, ³⁰Lín khi tui-bīn ê hiuⁿ-siā, jip-khi ê sí beh tú-tiòh chit chiaah lū-á pák tī hia, iáu-bē bat ū lāng khiā ê, tháu-

khui k̄a i khan lâi. ³¹Nā ū lāng mng lín, Tháu lū beh siáⁿ-sū? lín tiòh kóng, Chú khiām-ēng i. ³²Só· chhe ê lāng khi, kó-jiân tú-tiòh chiàu I só· k̄a in kóng ê. ³³Tháu lū-á ê sí, chú-lāng tui in kóng, Tháu lū-á beh siáⁿ-sū? ³⁴In kóng, Chú khiām-ēng i. ³⁵Chiū khan i chiū-kūn Iā-so·; chiong in ê saⁿ phoah tī lū-á téng, hū Iā-so· khiā i. ³⁶I kiāⁿ ê sí, lāng ēng in ê saⁿ pho· tī lô·nih. ³⁷Í-keng kūn, beh lōh Kaⁿ-ná soaⁿ, kui tīn ê hák-seng chiū hoaⁿ-hí, toā siaⁿ o-ló Siōng-tè, ūi-tiòh só· khoàⁿ-kìⁿ lóng-chóng ê koān-lēng; ³⁸kóng, Tī Chú ê miā lâi ê ông, eng-kai tit-tiòh o-ló, tī thiⁿ-nih hô-pēng, tī chī-koāiⁿ ê ūi ēng-kng. ³⁹Chēng lāng tiong ū kúi-nā ê Hoat-lī-sài lāng tui I kóng, Sian-siⁿ ah, tiòh chek-pī lí ê hák-seng. ⁴⁰I in kóng, Goá k̄a lín kóng, in nā chēng-chēng, hiah ê chiòh-thau beh âu-kiò.

⁴¹Í-keng kūn, khoàⁿ-kìⁿ siāⁿ chiū ūi-tiòh i thi-khau, kóng, ⁴²Siat-sú lí tī chit jīt nā chai koan-hē pēng-an ê sū! chóng-sī taⁿ tui lí ê bák-chiu ún-bát. ⁴³In-ūi sī-jīt beh kàu, lí ê tui-ték beh chiu-ūi khi thō-siāⁿ lâi ūi lí, sī-bīn khùn-khó· lí; ⁴⁴koh beh hō· lí kap lí lāi-tiong ê kiáⁿ-jī lóng tó toē; bô lâu nng tè chiòh saⁿ-tháh; in-ūi lí m̄ chai koān-kò· lí ê jīt.

⁴⁵Í-keng jip tiān-tng, chiū koáⁿ-chhut hiah ê boē mih ê; ⁴⁶k̄a in kóng, Ū kì-chài kóng, Goá ê chhū beh choè kí-tó ê chhū, nā-sī lín hō· i choè chhát-siū.

⁴⁷Iā-so· jīt-jīt tī tiān-nih kà-sī lāng. Chiaah ê chè-si-thau keng-hák-sū í-kíp peh-siⁿ ê sī-toā kè-bô· beh biát I; chóng-sī chhē bô pō·, in-ūi peh-siⁿ lóng tì-ì thiaⁿ I.

20 Ū chit jīt Iā-so· tī tiān-nih kà-sī peh-siⁿ, thoan hok-im ê sí, hiah ê chè-si-thau keng-hák-sū kap tiúⁿ-ló pek-oá lâi tui I kóng, ²Tiòh k̄a goán kóng, Lí ēng sím-mih koān kiāⁿ

chiah ê sū? koh ēng chit ê koân hō· lí ê sī chī-chūi? ³I in kóng, Goá iā m̄ng lín chit kù oē, lín kā goá kóng, Iok-hān ê soé-lé sī tùi thiⁿ á-sī tùi lāng ah? ⁵In saⁿ-kap gī-lūn kóng, Nā kóng, Tùi thiⁿ; I beh kóng, Án-ni, lín siáⁿ-sū m̄ sìn i? ⁶Nā kóng, Tùi lāng, peh-siⁿ lóng beh ēng chiōh-thâu tìm lán; in-ūi peh-siⁿ lóng chhim-sìn Iok-hān choè sian-ti. ⁷In chiū in kóng, M̄ chai i sī tùi tá-lóh. ⁸Iā-so· chiū kā in kóng, Goá iā bô beh kā lín kóng goá sī ēng sím-mih koân kiáⁿ chiah ê tãi-chì.

⁹Iā-so· chiū siat chit ê phì-jū tùi peh-siⁿ kóng, Ū chit lāng chai phû-tô hng, cho· hō· tiān-hō·, chiū khì pát ũi kú-kú. ¹⁰Kàu kī chhe chit ê lô·pók chiū-kūn tiān-hō·, kah in chiong hng-lāi ê ké-chí lāp i; chóng-sī tiān-hō· phah i, hō· i khang-khang khì. ¹¹Koh chhe pát ê lô·pók; in iā phah i, iā lēng-jiók i, hō· i khang-khang khì. ¹²Koh chhe tē saⁿ ê; in iā siong i, koh chhia i chhut-khì. ¹³Hng-chú chiū kóng, Goá beh cháiⁿ-iūⁿ choè ah? Goá beh chhe goá só· thiáⁿ ê kiáⁿ, in káⁿ oē keng i. ¹⁴Nā-sī tiān-hō· khoàⁿ-kìⁿ i, chiū saⁿ-kap gī-lūn kóng, Chit-ê sī i sēng-chiap giáp ê kiáⁿ, lán lāi hāi-sí i, hō· hit ê giáp kui tī lán. ¹⁵Chiū chhia i chhut hng goā, lāi hāi-sí i. Hng-chú beh cháiⁿ-iūⁿ lāi pān in ah? ¹⁶I beh lāi biát hiah ê tiān-hō·, chiong i ê hng kau-tāi pát lāng. In thiaⁿ-kìⁿ chiū kóng, Bôh-tit ũ án-ni. ¹⁷Iā-so· khoàⁿ in chiū kóng, Só· kì-chài kóng,

Sai-hū só· khì-sak ê chiōh,

Chiáⁿ-choè chhù-kak-thâu ê chiōh,

¹⁸chit kù cháiⁿ-iūⁿ ah? Kìⁿ-nā poah-tó tī chit tè chiōh téng ê teh-beh phoà kô·kô·; hō· chit tè chiōh teh i ê téng-bīn ê beh iū boah-boah.

¹⁹Hit sí hiah ê keng-hák-sū kap chè-si-thâu chai I chit ê phì-jū sī chí in lāi kóng, chiū

ài beh hē chhiú liáh I, nā-sī kiaⁿ peh-siⁿ.

²⁰Chiū tng I, iā chhe soè-choh ké-choè gī lāng, beh liáh i ê oē-phāng, thang chiong I kau-hù chóng-tok ê cheng-tī kap koân-pèng. ²¹Chiū m̄ng I kóng, Sian-siⁿ ah, goán chai lí só· kóng só· kà-sī ê sī cheng-tít, lí iā bô ēng goā-māu chhú lāng, chiū-sī chin-sit ēng Siōng-tè ê lô· kà-sī lāng. ²²Goán lāp-sè hō· Kai-sat, háp-gī á bô? ²³Nā-sī Iā-so· chai in ê kan-chà, chiū tùi in kóng, ²⁴Chiong chit ê gūn-á hō· goá khoàⁿ. Chit ê siōng kap hō· sī chī-chūi ah? In kóng, Kai-sat. ²⁵I chiū kā in kóng, Án-ni, lín tiōh chiong Kai-sat ê mih lāp hō· Kai-sat, chiong Siōng-tè ê mih lāp hō· Siōng-tè. ²⁶In tng peh-siⁿ ê bīn-cheng boē-oē liáh I ê oē-phāng; koh kī-koài I ê in-tap, chiū cheng-cheng.

²⁷Ū Sat-thó·-kai lāng, chiū-sī kóng lāng bô koh-oáh ê, kúi-nā ê chiū-kūn lāi m̄ng Iā-so· kóng, ²⁸Sian-siⁿ ah, Mô·-se ũ kì lāi chí-sī goán kóng, Nā ũ lāng, i ê hiaⁿ sí ũ bó· iā bô kiáⁿ, i ê sió-tī tiōh chhoā i ê bó·, sīⁿ kiáⁿ lāi soà-chiap i ê hiaⁿ. ²⁹Án-ni, ũ hiaⁿ-tī chhit lāng, toā-ê chhoā bó·, bô kiáⁿ chiū sí; ³⁰tē jī ê tē saⁿ ê iā chhoā i; ³¹chhit ê lóng án-ni, bô lāu kiáⁿ chiū sí-khì. ³²Āu-lāi hū-jīn-lāng iā sí. ³³Án-ni, tī koh-oáh ê sí, chit ê hū-jīn-lāng beh choè in tiong-kan tá-lóh chit-ê ê bó·? in-ūi chí chhit lāng lóng ũ chhoā i choè bó·. ³⁴Iā-so· kā in kóng, Chit sè-kài ê lāng ũ kè ũ chhoā; ³⁵nā-sī sng choè oē kham-tit tit-tiōh hit ê sè-kài, iā tùi sí-lāng tiong koh-oáh ê, chiū bô kè bô chhoā; ³⁶in-ūi iā boē-oē koh sí; sī chhin-chhiūⁿ thiⁿ-sai chit iūⁿ; í-keng choè koh-oáh ê lāng, chiū choè Siōng-tè ê kiáⁿ. ³⁷Lūn sí-lāng koh-oáh, Mô·-se tī Chhì-phè hit phiⁿ ũ chí-bēng, chheng-hō· Chú choè A-pek-láh-hán ê Siōng-tè, Í-sat ê Siōng-tè, Ngá-kok ê Siōng-tè. ³⁸I m̄ sī sí-lāng ê Siōng-tè, sī oáh-lāng ê Siōng-tè;

in-ūi cheng lāng ūi-tiōh I lâi oáh. ³⁹Ū keng-hák-sū kúi-nā lāng in kóng, Sian-siⁿ ah, lí só kóng ê sī hó. ⁴⁰In-ūi in m̄ káⁿ koh m̄ng I sím-mih.

⁴¹Iâ-so[·] chiū tui in kóng, Lāng cháiⁿ-iūⁿ kóng Ki-tok choē Tāi-pit ê hō[·]-è ah? ⁴²In-ūi tī Si-phian tiong Tāi-pit ka-kī kóng,

Chú kā goá ê Chú kóng,

Chē goá ê toā pêng,

⁴³Theng-hāu goá chiong lí ê tui-ték choē lí ê kha-táh-í.

⁴⁴Tāi-pit kì-jian chheng I choē Chú, chiū Ki-tok cháiⁿ-iūⁿ choē i ê hō[·]-è ah?

⁴⁵Tng cheng peh-siⁿ teh thiaⁿ ê sí, I chiū kā I ê hák-seng kóng, ⁴⁶Tiōh tī-hong hiah ê keng-hák-sū, in ài chheng tng saⁿ sì-koē kiāⁿ, chin ài tī koe-chhiⁿ-nih hō[·] lāng chheng-an, hoē-tng lâi chē koāiⁿ ūi, iân-toh-nih chē toā ūi; ⁴⁷in hiau-thun chiú-koáⁿ lāng ê ke-hé, ké-ì tng-tng kī-tó; in beh siū-choē koh khah tâng.

21 Iâ-so[·] kiáh bák khoàⁿ-kìⁿ chiah ê hó-giáh lāng chiong in só[·] hiàn ê hiat-lóh khò-pāng. ²Koh khoàⁿ-kìⁿ chit ê sòng-hiong ê chiú-koáⁿ lāng chiong n̄ng ê poàⁿ-lī hiat-lóh-khì. ³Chiū kóng, Goá chin-sit kā lín kóng, Chit ê sòng-hiong ê chiú-koáⁿ lāng só[·] hiat ê pí cheng lāng só[·] hiat ê khah choē. ⁴In-ūi cheng lāng sī tui in ū chhun ê hiat-lóh-khì hiàn; nā-si chit ê hū-jin-lāng sī tui i ê bô kàu ê it-chim hiat i só[·] óa-khò lâi oáh ê.

⁵Ū lāng kóng-khí tiān-tng sī ēng hó chiōh kap só[·] hiàn ê mih lâi chng-thāⁿ, ⁶hit sí Iâ-so[·] kóng, Lín só[·] khoàⁿ-kìⁿ hiah ê mih, jít-chí beh kàu, tī chia beh bô chit tè chiōh lâu tī chiōh ê téng-bīn, iā bô chhia-lóh-khì. ⁷In chiū m̄ng I kóng, Sian-siⁿ ah, án-ni sím-mih sī beh ū hiah ê sū? Koh chiah ê sū beh chiāⁿ ê sí, ū sím-mih tiāu-thau ah? ⁸Iâ-so[·] kóng, Tiōh

kín-sin bián-tit siū bê-hék. In-ūi beh ū choē-choē lāng thok goá ê miā lâi kóng, Goá chiū-sī Ki-tok; koh kóng, Sī kún lah; lín m̄ thang khi tè in. ⁹Lín beh thiaⁿ-kìⁿ kau-chiàn kap jiáu-loān ê sū, hit sí m̄-bián kiaⁿ-hiāⁿ. In-ūi chiah ê tui-chi tek-khak tui-seng ū; chóng-sī boát-kī bô liām-piⁿ kàu.

¹⁰Chiū kā in kóng, Peh-siⁿ beh khí-lai kong-kek peh-siⁿ, kok iā beh khí-lai kong-kek kok.

¹¹Toē beh toā tín-tāng, iā choē-choē só[·]-chāi ū ki-hng un-ék; tui thiⁿ-nih iā beh ū thang kiaⁿ ê siōng kap toā ê sin-jiah. ¹²Chiah ê sū ê tui-seng lāng beh hē chiū liáh lín, khún-tiok lín, chiong lín sàng-kau tī hoē-tng kap kaⁿ-lô, iā ūi-tiōh goá ê miā toā lín kàu tī kun-ōng koaⁿ-hú ê bīn-cheng. ¹³Chiah ê sū beh chiāⁿ-choē lín ê kan-cheng. ¹⁴Só[·]-í lín ê sim-chi tiōh koat-toàn bô tui-seng khoàⁿ-lū beh cháiⁿ-iūⁿ hun-sò[·]. ¹⁵In-ūi goá beh siúⁿ-sù lín káu-chai tī-hūi, chiū-sī lín ê cheng tui-ték só[·] boē-oē tí-tng piān-pok ê. ¹⁶Lín iā beh hō[·] pē-bú, hiaⁿ-tī, chhin-chhek, pêng-iú kè-sàng; ¹⁷lín tiong-kan ū ê beh hō[·] in hāi-sí; lín in-ūi goá ê miā beh hō[·] cheng lāng oàn-hūn; ¹⁸chóng-sī lín chit kī thau-m̄ng iā boē sit-lóh. ¹⁹Lín ēng thun-lún tit-tiōh lín ê oáh-miā.

²⁰Lín khoàⁿ-kìⁿ Iâ-lō[·]-sat-léng hō[·] kun-peng só[·] ūi, chiū chai i ê pha-hng kún lah.

²¹Hit sí tī Iū-thai ê tiōh cháu-khì soaⁿ-nih; tī siāⁿ-lāi ê tiōh chhut-lāi; tī hng-nih ê m̄ thang jip siāⁿ. ²²In-ūi chiah ê jít sī sin-oan ê jít, hō[·] só[·] ū kì-chai ê lóng èng-giām. ²³Tng hiah ê jít ū sin-m̄ kap hō[·] eⁿ-á chiah lín ê hū-jin-lāng ū chai-ē; in-ūi beh ū toā ê khùn-khó[·] kàu tī hit ê toē-hng, iā siū-khì kàu tī chit ê peh-siⁿ; in beh hō[·] to thāi-sí, siū liáh kàu bān pang; Iâ-lō[·]-sat-léng beh hō[·] liat-pang lāng thún-táh, kàu liat-pang ê kī moá. ²⁵Tī jít, gēh, chhiⁿ-

sîn teh-beh ū tiâu-thâu, tī toē-chiūⁿ liat-pang khùn-khó; ūi-tiòh hái kap éng ê hoā-hoā-háu chiū hun-loān; ²⁶lâng tùi kiaⁿ-hiāⁿ í-kíp thèng-hāu só· beh kàu tī thiⁿ-ē ê sū chiū hūn-khì; in-ūi thiⁿ-siōng beh tín-tāng. ²⁷Tī hit sī beh khoàⁿ-kìⁿ Jîn-chú ēng koān-lêng kap toā ēng-kng chē hūn lái. ²⁸Tú-tú ū chiaⁿ ê sū, lín tiòh theng-sin khí-lái kiáh thâu; in-ūi lín ê siók-hoē kūn lah.

²⁹Koh ēng phí-jū kā in kóng, Chhì-khoàⁿ bû-hoa-kó kap lóng-chóng ê chhiū, in puh-ĩⁿ ê sī lín khoàⁿ-kìⁿ, chiū ka-kī chai hē-thiⁿ kūn lah. ³¹Án-ni, lín khoàⁿ-kìⁿ chiaⁿ ê sū chiū tiòh chai Siōng-tè ê kok kūn lah. ³²Goá sít-chāi kā lín kóng, Chit sè-tāi iáu-bē kè-khì, chiaⁿ ê tāi-chì lóng beh chiāⁿ. ³³Thiⁿ kap toē beh bô-khì, goá ê oē boē bô-khì.

³⁴Nā-sī lín tiòh ka-kī kín-sīn, kiaⁿ-liáu lín ê sim hō· tham-chiáh, chiú-chui, kap chit sè-kan ê khoàⁿ-lū phah-loān, chiū hit jít chhin-chhiūⁿ oah-tauⁿ hut-jiân kàu tī lín; ³⁵in-ūi hit jít beh chhin-chhiūⁿ án-ni kàu tī kìⁿ-nā khiā-khí choān toē-bīn ê cheng lâng. ³⁶Nā-sī lín tiòh ták sī keng-séng kí-tó, hō· lín oē tit siám-pī chiong-lái lóng-chóng ê sū, lái khiā tī Jîn-chú ê bīn-cheng.

³⁷Iâ-so· jít-sī tī tiān-nih kà-sī lâng; mī-sī chhut-khì, hioh tī hit-ê miâ choē Kaⁿ-ná ê soaⁿ. ³⁸Cheng peh-siⁿ thau-chá khi tiān-nih chhē I, ài beh thiaⁿ I.

22 Tū-kàⁿ-choeh, iā miâ poāⁿ-kè-choeh, kūn lah. ²chiaⁿ ê chè-si-thâu kap keng-hák-sū chhē-khoàⁿ ū sím-mih hoat thang hāi-si Iâ-so·; in-ūi sī kiaⁿ peh-siⁿ.

³Sat-tàn jip tī hit-ê kiò choē Ka-liók ê Iū-tāi, i sī chấp-jī ê hák-seng ê chit ê; ⁴chiū khi kap chiaⁿ ê chè-si-thâu iú-si-koaⁿ saⁿ-kap chham-siōng, beh ēng sím-mih hoat chiong

Iâ-so· kau in. ⁵In hoaⁿ-hí, iok beh gūn hō· i. ⁶Iū-tāi ín i; chiū chhē ki-hoē, tng peh-siⁿ bô tī-teh ê sī, chiong Iâ-so· kau in.

⁷Tū-kàⁿ-choeh, eng-kai thau poāⁿ-kè-choeh ê iūⁿ-ko, hit ê jít í-keng kàu, ⁸Iâ-so· chhe Pí-tek Iok-hān kóng, Lín khi thoē lán pī-pān poāⁿ-kè-choeh ê iān-siáh, hō· lán thang lái chiaⁿ. ⁹In kā I kóng, Ài goán tī sím-mih só·-chāi pī-pān? ¹⁰I kā in kóng, Lín khi jip siāⁿ, chiū ū chit lâng toā chúi-pān beh tú-tiòh lín, tiòh tè i jip i só· jip ê chhiū. ¹¹Kā hit keng chhiū ê chú-lâng kóng, Sian-siⁿ mng kóng, Kheh-thiaⁿ tī tá-lòh? goá beh tī hia kap goá ê hák-seng chiaⁿ poāⁿ-kè-choeh. ¹²I beh ēng lâu-téng pāi-siat ê toā thiaⁿ hō· lín khoàⁿ; lín tiòh tī hia pī-pān. ¹³In khi, kó-jiân tú-tiòh chiàu I só· kā in kóng ê, chiū tī hia pī-pān poāⁿ-kè-choeh.

¹⁴Sī kàu Iâ-so· chē toh, sù-tô· iā kap I chē. ¹⁵I tui in kóng, Tī siū hāi ê tāi-seng goá put-chí ì-ài kap lín chiaⁿ chit ê poāⁿ-kè-choeh; ¹⁶in-ūi goá kā lín kóng, goá bô beh koh chiaⁿ i, kàu i èng-giām tī Siōng-tè ê kok. ¹⁷Chiū chih poe, chiok-siā liáu kóng, Lín chiong chit-ê pun hō· lín ták lâng; ¹⁸in-ūi goá kā lín kóng, taⁿ liáu-āu goá bô beh lim phû-tô chiap, kàu Siōng-tè ê kok lái. ¹⁹Koh thêh piāⁿ chiok-siā lái peh hō· in, kóng, Chit-ê sī goá ê seng-khu, ūi-tiòh lín lái hiàn ê; lín kiāⁿ chit-ê lái kì-liām goá. ²⁰Chiaⁿ liáu-āu phang poe iā sī án-ni, kóng, Chit ê poe sī sin-iok, tī goá ê huìh lái siat-lip ê, chiū-sī ūi-tiòh lín lâu-chhut ê. ²¹Nā-sī boē goá ê lâng, i ê chhiú kap goá tī toh-nih. ²²In-ūi Jîn-chú chin-chiāⁿ khi, chiàu só· tiāⁿ-tiòh ê; nā-sī I hō· sím-mih lâng boē, hit lâng ū chai-ē! ²³In chiū saⁿ tui-mng kí-tiong sím-mih lâng beh choē chit ê tāi-chì.

²⁴In ū teh saⁿ-chiⁿ, khoàⁿ chiōng-tiong sím-

mih lāng sng choè toā. ²⁵Iā-so· chiū kā in kóng, Liāt-pang ê kun-ông choè chú lâi tī-lí in; koán-hat in ê chheng choè Un-chú. ²⁶Nā-sī lín chiū m̄ sī án-ni; lín tiong-kan choè toā ê tiòh chhin-chhiūⁿ sī-soè, choè thâu ê tiòh chhin-chhiūⁿ chhe-ēng. ²⁷Sím-mih hō lāng choè toā? sī chē toh ê, á-sī choè chhe-ēng ê ah? kiám m̄ sī chē toh ê mah? Nā-sī goá tī lín tiong-kan chhin-chhiūⁿ choè chhe-ēng ê. ²⁸Lín chiū-sī siông-siông kap goá tī chhi-līn tiong ê, ²⁹goá ēng kok hong lín, chhin-chhiūⁿ goá ê Pē bat ēng kok hong goá chit iūⁿ; ³⁰hō lín tī goá ê kok lim-chiáh tī goá ê toh; lín iā beh chē tī chō-ūi sím-phoàⁿ Í-sek-liát chấp-jī ê chi-phài. ³¹Koh kóng, Se-būn, Se-būn ah, lí khoàⁿ, Sat-tàn bat ài tit-tiòh lín, ài poà lín chhin-chhiūⁿ poà bēh; ³²nā-sī goá ū thoè lí kī-tó, hō lí ê sìn bô sit-lòh; lí kui-chèng liáu-āu, tiòh kian-kò· lí ê hiaⁿ-tī. ³³Pí-tek kā I kóng, Chú ah, goá piān-piān kap lí koaiⁿ lòh kaⁿ, iā kap lí sí. ³⁴I chiū kóng, Pí-tek ah, goá kā lí kóng, kin-á-jit koe iáu-bē thī, lí beh saⁿ pái m̄ jīn goá.

³⁵Koh kā hák-seng kóng, Goá cheng chhe lín bô toà chiⁿ-tē, kap tah-liân, kap oē, lín ū khiàm sím-mih bô? In kóng, Bô. ³⁶I chiū kā in kóng, Nā-sī taⁿ ū chiⁿ-tē ê tiòh toà i, ū tah-liân ê iā tiòh án-ni; bô to ê, tiòh boē i ê saⁿ, lâi boē to. ³⁷In-ūi goá kā lín kóng, só· kī-chài ê kóng, Sng I kap put-hoat ê lāng tâng liát, chit kù oē tek-khak èng-giām tī goá; in-ūi kan-siáp goá ê taⁿ beh chiáⁿ lah. ³⁸In kóng, Chú ah, lí khoàⁿ, tī chia ū nng ki to. I kā in kóng, Kàu-giáh lah.

³⁹Iā-so· chhut-khì, chiàu-siông khì Kaⁿ-ná soaⁿ; hák-seng iā tè I. ⁴⁰Kàu hit só·-chài chiū kā in kóng, Lín tiòh kī-tó, bián-tit jip bē-hék.

⁴¹Chiū lī-khui in iok-liók ū hiat chiòh-thâu

ê hng, kúi-lòh-khì kī-tó kóng, ⁴²Pē ah, lí nā khéng, tiòh chiong chit ê poe lī-khui goá; tòk-tók m̄ sī goá ê ì-sù, sī lí ê ì-sù tiòh chiáⁿ. ⁴³Ū chit ê thiⁿ-sài tui thiⁿ chhut-hiân, lâi chong I ê lát. ⁴⁴Iā-so· khó·-thàng kàu kék, kī-tó ná pek-chhiat; I ê koāⁿ sī chhin-chhiūⁿ toā tiám huìh tih lòh toē. ⁴⁵Kī-tó soah khí-lâi, khì chiū-kūn hák-seng, khoàⁿ-kìⁿ in ūi-tiòh iu-būn teh khùn; ⁴⁶chiū kā in kóng, Siáⁿ-sū khùn? khí-lâi kī-tó, bián-tit jip bē-hék.

⁴⁷Iáu teh kóng ê sī ū kui tīn lāng kàu; chấp-jī hák-seng ê chit ê, hit ê kiò choè Iū-tāi ê, kiáⁿ tī in ê thâu-cheng, kūn-oá Iā-so· beh kā I chim. ⁴⁸Nā-sī Iā-so· kā i kóng, Iū-tāi, lí ēng chim-chhiū boē Jīn-chú mah? ⁴⁹Chó-iū ê lāng khoàⁿ-kìⁿ só· beh kàu ê sū chiū kóng, Chú ah, goán tiòh ēng to lâi thài in mah? ⁵⁰Kī-tiong chit lāng thài chē-si-thâu ê lô·pók, siah-khì i chiáⁿ pēng ê hī-á. ⁵¹Iā-so· in kóng, Tāi-chì kàu án-ni, chhiáⁿ iông-ún che; chiū bong i ê hī-á, lâi i-hó i. ⁵²Iā-so· tui hiah ê lâi kong-kek I ê chē-si-thâu, tiān-si, tiúⁿ-ló kóng, Lín kiáh to kap thui chhut-lâi chhin-chhiūⁿ kong-kek chhát mah? ⁵³Goá jít-jít kap lín tī tiān-nih, lín bô chhun chhiú kong-kek goá; nā-sī chit tiáp sī lín ê sī, kap o·-àm ê koan-sè.

⁵⁴In chiū liáh I, toà I khì, toà I jip chē-si-thâu ê chhiū. Pí-tek hng-hng tè I. ⁵⁵Lāng tī tiāⁿ-nih khí hé, saⁿ-kap teh chē, Pí-tek iā chē tī in tiong-kan. ⁵⁶Ū chit ê lú-pī khoàⁿ-kìⁿ i nng hé-kng teh chē, chù-bák khoàⁿ i, kóng, Chit lāng iā sī kap I choè tīn. ⁵⁷I m̄ jīn kóng, Hū-jīn-lāng ah, goá m̄ bat I. ⁵⁸Tiáp-á-kú koh chit lāng khoàⁿ-kìⁿ kóng, Lí iā sī in ê lāng. Pí-tek kóng, Lāng ah, goá m̄ sī. ⁵⁹Kè poàⁿ-sī kú, koh chit lāng chhut-lát kóng, Chit lāng chin-chiáⁿ kap I choè tīn, in-ūi i iā sī Ka-lī-lī lāng.

⁶⁰Nā-sī Pí-tek kóng, Lāng ah, lí só· kóng ê,

goá m̄ chai. Iáu teh kóng ê sî, koe liâm-piⁿ thî. ⁶¹Chú oát thâu khoàⁿ Pí-tek. Pí-tek chiū kì-tit Chú ê oē, ū cháiⁿ-iūⁿ kâ i kóng, Kín-á-jit koe thî ê tãi-seng, lí beh saⁿ pái m̄ jîn goá. ⁶²I chiū chhut-khì goā-bīn, toā thî-khàu.

⁶³Kò-siú Iâ-so· ê lāng hì-lāng I, phah I; ⁶⁴ng I ê bīn, m̄ng I kóng, Lí tiòh choē sian-ti lâi kóng, phah lí ê sī chī-chūi ah. ⁶⁵Koh kóng choē-choē hāng lâi siat-tók I.

⁶⁶Kàu thiⁿ kng, peh-siⁿ ê tiúⁿ-lô-hoē chū-chíp, kī-tiong ū chiaⁿ ê chè-si-thâu kap keng-hák-sū; in chiū toà Iâ-so· kàu in ê kong-hoē kóng, ⁶⁷Lí nā sī Ki-tok tiòh kâ goán kóng. ⁶⁸Iâ-so· kâ in kóng, Goá nā kâ lín kóng, lín m̄ sìn; nā m̄ng lín, lín iā m̄ in. ⁶⁹Chóng-sī taⁿ iáu-āu Jîn-chú beh chē tī Siōng-tè koan-lêng ê toā pêng. ⁷⁰Tāi-ke kóng, Án-ni, chiū lí sī Siōng-tè ê Kiáⁿ mah? I tui in kóng, Lín kóng goá chiū-sī. ⁷¹In kóng, Mih-sái ēng pát hāng ê kan-chèng? lán pún-sin ū thiaⁿ-kìⁿ I chhin-chhūi só· kóng ê.

23 In choân-hoē ê lāng lóng khí-lâi, toà I kàu Pí-liáp-to ê bīn-chêng; ²kò I kóng, Goán khoàⁿ chit lāng bê-hék goán ê peh-siⁿ, kìm lāng láp sè hō· Kai-sat, ka-kī chheng choē Ki-tok, choē ông. ³Pí-liáp-to m̄ng I kóng, Lí sī Iū-thài lāng ê ông mah? In i kóng, Lí kóng, chiū-sī. ⁴Pí-liáp-to tui hiah ê chè-si-thâu kap kui tīn ê lāng kóng, Goá khoàⁿ chit lāng bô choē. ⁵Chóng-sī in ná chhut-lát kóng, I iô-tāng peh-siⁿ, piàn Iū-thài thoân kàu, tui Ka-lī-lī khí kàu chia. ⁶Pí-liáp-to chit-ê thiaⁿ-kìⁿ, chiū m̄ng khoàⁿ chit lāng sī Ka-lī-lī lāng á m̄ sī. ⁷Í-keng chai I siók tī Hi-lút só· koán-hat, chiū sàng I hō· Hi-lút; hit sī Hi-lút iā tī Iâ-lō-sat-léng.

⁸Hi-lút khoàⁿ-kìⁿ Iâ-so· chiū chin hoaⁿ-hí, sī kú-kú ài khoàⁿ-kìⁿ I, in-ūi bat thiaⁿ-kìⁿ I

ê sū, koh òng-bāng khoàⁿ-kìⁿ I kiâⁿ sîn-jiah. ⁹Chiū ēng choē-choē oē m̄ng I; nā-sī Iâ-so· bô in i chit kù. ¹⁰Hiah ê chè-si-thâu kap keng-hák-sū khiā-teh, chhut-lát kò I. ¹¹Hi-lút kap i ê pêng bák-tē-bô I, hì-lāng I; ēng súi ê saⁿ kâ I chhēng, koh sàng hēng Pí-liáp-to. ¹²Hi-lút kap Pí-liáp-to pêng-sī kiát-oàn, hit jit chiū choē pêng-iú.

¹³Pí-liáp-to tiâu hiah ê chè-si-thâu kap iú-si chham peh-siⁿ lâi, ¹⁴tui in kóng, Lín toà chit ê lāng kàu goá chia, kóng I sī bê-hék peh-siⁿ ê; lí khoàⁿ, goá tī lín ê bīn-chêng í-keng sīm-m̄ng I; chóng-sī lūn-kàu lín só· kò I ê sū, goá chhā-chhut I lóng bô choē. ¹⁵Hi-lút iā sī án-ni; in-ūi ū chiong I sàng hēng lán; iā lí khoàⁿ, I só· kiâⁿ bô chit hāng eng-kai sí ê sū. ¹⁶Só·-í goá beh phah lâi tháu-pàng I. ¹⁸In chit choē âu-kiò kóng, Tiòh tui-khì chit ê lāng, pàng Pa-liáp-pa hō· goán. ¹⁹Chit ê Pa-liáp-pa, in-ūi tī siáⁿ-lâi chok-loān koh thài-sí lāng, chiaⁿ koaiⁿ lóh kaⁿ. ²⁰Pí-liáp-to ài pàng Iâ-so·, chiū koh kap in kóng. ²¹Nā-sī in kiò, Tèng I síp-jī-kè, tèng I síp-jī-kè. ²²Pí-liáp-to tē saⁿ pái tui in kóng, Sī cháiⁿ-iūⁿ? I ū kiâⁿ sīm-m̄nh pháiⁿ? Goá khoàⁿ I bô chit hāng eng-kai sí ê choē; só·-í beh phah lâi tháu-pàng I. ²³In toā siaⁿ pek-chhiat kiū tèng I tī síp-jī-kè. ²⁴In ê siaⁿ khah-iāⁿ. ²⁴Pí-liáp-to gí-toàn chiàu in só· kiū ê lâi kiâⁿ: ²⁵chiū tháu-pàng in só· kiū hit ê ūi-tiòh chok-loān soà thài-sí lāng koaiⁿ lóh kaⁿ ê; chiong Iâ-so· kau in, lâi sūn in ê ì-sù.

²⁶Toà Iâ-so· khì ê sī, ū chit ê Kó·lī-nāi ê lāng, Se-būn, tui hiuⁿ-ē lâi, in chiū khiú i lâi, chiong síp-jī-kè khoàⁿ tī i ê keng-thâu, hō· i giâ lâi tē Iâ-so·.

²⁷Tē I ê lāng ū peh-siⁿ kap hū-jîn-lāng choē-choē, hū-jîn-lāng ūi-tiòh I tui heng ai-siong.

²⁸Iâ-so· oát thâu tui in kóng, Iâ-lō-sat-léng ê

hū-jîn-lâng ah, bóh-tit ū-tiòh goá thî-khàu, tiòh ū-tiòh lín ka-kī kap ka-kī ê kiáⁿ-jî lâi thî-khàu: ²⁹In-ūi sî beh kàu, lâng beh kóng, Boē-oē hoài-în ê hū-jîn-lâng, bē bat seng-sán ê thai, bē bat hō· gín-ná suh ê lín-thâu, ū hok-khì. ³⁰Hit sî lâng chiū beh tui soaⁿ kóng, Teh goán; iā tui soaⁿ-á kóng, Khàm goán. ³¹In-ūi tī chhiⁿ ê chhiū-bák nā kiáⁿ án-ni, chiū tī ta ê chhiū-bák beh cháiⁿ-iūⁿ ah?

³²Koh ū nng̃ ê hoân-lâng hō· lâng toà-khì, kap Iâ-so· tâng siū sí.

³³Kàu chit só·-chāi miâ kiò Thâu-khak-oáⁿ, chiū tī hia têng I tī sîp-jī-kè; koh têng hiah ê hoân-lâng, chit-ê tī chiàⁿ pêng, chit-ê tī tò pêng. ³⁴Iâ-so· kóng, Pē ah, sià-bián in, in-ūi in só· choē ê, in m̄ chai. Lâng chiū liam-khau pun I ê saⁿ. ³⁵Hiah ê iú-si ki-chhi⁹ I kóng, I bat kiù pát lâng; nā sī choē Siōng-tè ê Ki-tok, siū keng-soán ê, tiòh kiù ka-kī. ³⁶Peng-teng iā hì-lâng I, kún-oá ēng chhò· hō· I, ³⁷kóng, Lí nā sī Iú-thài lâng ê ông, tiòh kiù ka-kī. ³⁸Tī I ê téng-bīn ū chám-tiâu siá kóng, Chit-ê sī Iú-thài lâng ê ông.

³⁹Siū tiâu-teh ê hoân-lâng chit-ê siat-tók I, kóng, Lí kiám m̄ sī Ki-tok mah? Tiòh kiù ka-kī kap goán. ⁴⁰Tē jī ê in lâi chek-pī i, kóng, Lí kī-jian tâng siū choē, lian Siōng-tè iā m̄ kiaⁿ mah? ⁴¹Lán siū choē sī kong-tō; in-ūi lán só· siū ê háp tī lán só· kiáⁿ; nā-sī chit lâng só· kiáⁿ ê, bô chit hāng m̄ tiòh. ⁴²Chiū kóng, Iâ-so· ah, lí tī lí ê kok lâi ê sī, tiòh kī-tit goá. ⁴³Iâ-so· chiū ká i kóng, Goá sít-chāi ká lí kóng, Kin-á-jit lí beh kap goá tī Lók-hng.

⁴⁴Jit tiong-tàu, choân toē o·-àm; kàu saⁿ tiám cheng ê sī, jit ê kng bô-khì; ⁴⁵tiān-lāi ê tiūⁿ tui tiong līh-khui. ⁴⁶Iâ-so· toā siaⁿ kiò, chiū kóng, Pē ah, goá ê sîn kau-tāi lí ê chhiú. Chiah ê oē kóng soah, khui chiū tng̃.

⁴⁷Pé-chóng khoàⁿ-kìⁿ chit ê tãi-chì, kui êng-kng Siōng-tè, kóng, Chit-ê chin-chiàⁿ sī gī ê lâng. ⁴⁸Chū-chíp teh khoàⁿ ê cheng lâng khoàⁿ-kìⁿ chia⁹ ê tãi-chì, lóng tui heng tò-khì. ⁴⁹Hiah-ê kap Iâ-so· saⁿ-bat ê, í-kíp hiah-ê tui Ka-lī-lī tē I lâi ê hū-jîn-lâng, lóng hng̃-hng̃ teh khiā, lâi khoàⁿ chia⁹ ê sū.

⁵⁰Ū chit lâng miâ Iok-sek, i sī gī-oân, choē lâng hó koh gī; ⁵¹i bô tâng hiah ê lâng só· kè-bô· só· choē ê, i sī siók Iú-thài lâng ê A-lī-má-thài siáⁿ, pêng-sò· him-bô· Siōng-tè kok ê. ⁵²Chit lâng khi kìn Pí-liáp-to, lâi kiù Iâ-so· ê sin-si. ⁵³Chiū siu I lóh-lâi, ēng iù-toē pò· pau I, hē tī chiòh chhak ê bōng, lóng bē bat bái-chòng lâng ê. ⁵⁴Hit jit chiū-sī pī-pān choeh ê jit, an-hioh-jit kún lah. ⁵⁵Tui Ka-lī-lī kap Iâ-so· saⁿ-kap lâi hiah ê hū-jîn-lâng tē tī āu-bīn, khoàⁿ I ê bōng, kap cháiⁿ-iūⁿ hē I ê sin-si. ⁵⁶Chiū tò-khì pī-pān huiⁿ-liáu huiⁿ-iú; tng̃ an-hioh-jit chiàu kài-bēng lâi hioh.

24 Chhit-jit ê thâu chit jit, thiⁿ phú-kng, hiah ê hū-jîn-lâng toà só· pī-pān hiah ê huiⁿ-liáu kàu bōng; ²khoàⁿ-kìⁿ chiòh í-keng tui bōng-mng̃ kō khui. ³Chiū jlp-khì, bô khoàⁿ-kìⁿ Chú ê sin-si. ⁴Ūi-tiòh án-ni teh tiu-tu ê sī, hut-jian ū nng̃ lâng khiā tī in sin-piⁿ, i-chiūⁿ kng nà-nà. ⁵Hū-jîn-lâng kiaⁿ-hiáⁿ, bīn àⁿ-lóh toē; hit nng̃ lâng ká in kóng, Siáⁿ-sū tī sí-lâng tiong chhē oáh-lâng ah? ⁶I bô tī chia, í-keng koh-oáh. Lín tiòh kī-tit I iáu tī Ka-lī-lī ê sī ū cháiⁿ-iūⁿ ká lín kóng, ⁷Jin-chú tek-khak tiòh kau tī choē-jin ê chhiú, hō· in têng tī sîp-jī-kè, tē saⁿ jit koh-oáh. ⁸In chiū kī-tit I ê oē. ⁹tui bōng-nh̄h tò-khì, chiong chia⁹ ê sū lóng pò hō· chap-it ê hák-seng kap kī-ū ê cheng lâng chai. ¹⁰Khì tui sù-tô· kóng chia⁹ ê tãi-chì ê, chiū-sī Boát-tāi-liáp ê Má-lī-a, kap Iok-á-ná, kap Ngá-kok ê lāu-bú Má-lī-a, í-kíp kī-ū kap

in choè-phoāⁿ ê hū-jîn-lâng. ¹¹Sù-tô· khoàⁿ hiah ê oē choè bô iáⁿ, iā m̄ sìn i. ¹²Nā-sī Pí-tek khí-lâi cháu kàu bōng-nih, àⁿ-lôh-khì khoàⁿ, chí-ū khoàⁿ-kìⁿ iù-toē pò· nā-tiāⁿ; chiū tò-khì in chhù, teh kî-koài só· keng-kè ê sū.

¹³Siāng hit jît hák-seng tiong ū nng lāng khì chit ê huiⁿ-siā, miā Í-má-ngó·, lī Iā-lō·-sat-léng jī-cháp-gō· lí. ¹⁴In saⁿ-kap tâm-lūn só· keng-kè lóng-chóng ê sū. ¹⁵In teh tâm-lūn saⁿ-mng ê sí, Iā-so· pún-sin kūn-oá, kap in saⁿ-kap kiāⁿ. ¹⁶In nng lāng bê-bák, tì-kàu boē jīn-tit I. ¹⁷I tui in kóng, Lín kiāⁿ ê sí, saⁿ-kap piān-lūn ê sī sím-mih oē? In chiū khiā-teh, bīn tài-iu-iông. ¹⁸Kî-tiong chit-ê, miā Kek-liū-pa, in I kóng, Lí kiám toaⁿ-sin chhut-goā tī Iā-lō·-sat-léng, iā m̄ chai kūn-jit tī hia só· keng-kè ê sū mah? ¹⁹I kā in kóng, Sím-mih sū ah? In kā I kóng, Chiū-sī Ná-sat-lék lāng Iā-so· ê sū; I sī sian-ti lāng, tī Siōng-tè kap cheng peh-siⁿ ê bīn-cheng só· kóng só· kiāⁿ ū koān-leng; ²⁰iā hiah ê chè-si-thâu kap lán ê sī-toā kè-sàng I khì tēng sí choē, tēng I tī sít-jī-kè. ²¹Nā-sī goán pēng-sò· teh òng-bāng I chiū-sī hit-ê beh siók-hoē Í-sek-liát ê. M̄ nā án-ni, koh chiaⁿ ê sū chiāⁿ í-keng saⁿ jít lah. ²²Koh goán tiong-kan kúi-nā ê hū-jîn-lāng hō· goán chin gōng-ngiáh; in-ūi in phah-phú-kng kàu bōng-nih; ²³bô khoàⁿ-kìⁿ I ê sin-si, chiū lâi kóng, in ū khoàⁿ-kìⁿ thiⁿ-sài chhut-hiān, kóng I koh-oáh lah. ²⁴Goán tiong-kan kúi-nā lāng kàu bōng-nih, kó-jiān khoàⁿ-kìⁿ chiàu hū-jîn-lāng só· kóng ê; chóng-sī bô khoàⁿ-kìⁿ I.

²⁵Iā-so· tui in kóng, Bū-ti ê lāng ah, sian-ti só· kóng it-chhè ê oē, lín ê sim cháiⁿ-iūⁿ hiah oh sìn ah! ²⁶Ki-tok siū chiaⁿ ê kan-khó·, lâi jip I ê êng-kng, kiám m̄ eng-kai mah? ²⁷Chiū tui Mô·se kap cheng sian-ti khí, kìⁿ-nā sèng-

keng tiong só· chí I ê, lóng kā in koé-bēng.

²⁸Chiong-kūn só· khì ê huiⁿ-siā, Iā-so· chhin-chhiūⁿ beh kiāⁿ khah hng. ²⁹Nng lāng kiong lâu I kóng, Chhiāⁿ kap goán toà; sí í-keng oàⁿ, jít beh lôh lah. I chiū jip-khì, beh kap in toà. ³⁰Saⁿ-kap chē toh ê sí, Iā-so· thēh piāⁿ chiok-siā, peh lâi hō· in. ³¹In ê bák-chiu khui, chiū jīn-tit I; liām-piⁿ bô koh khoàⁿ-kìⁿ. ³²In chiū saⁿ-kap kóng, Lō·-nih I kap lán kóng oē, khui-thiah sèng-keng ê sí, lán ê sim kiám bô jiát mah? ³³Chiū chek-si khí-sin, tò-khì Iā-lō·-sat-léng, tú-tiòh cháp-it ê hák-seng, kap tâng tī-teh ê lāng chū-chip teh kóng, ³⁴Chú kó-jiān koh-oáh, iā chhut-hiān hō· Se-būn khoàⁿ-kìⁿ. ³⁵In nng lāng iā kóng-khí tī lō·-nih só· tú-tiòh ê sū, kap tī peh piāⁿ ê sí in cháiⁿ-iūⁿ jīn-tit I.

³⁶In teh kóng chiaⁿ ê oē ê sí, Iā-so· pún-sin khiā tī in tiong-kan, kā in kóng, Goān lín pēng-an. ³⁷In gōng-ngiáh koh kiaⁿ, liáh-choē só· khoàⁿ-kìⁿ ê sī sìn. ³⁸I chiū kā in kóng, Lín siāⁿ-sū jū-loān, sim-lāi siⁿ-khí giâu-gi ah? ³⁹Tiòh khoàⁿ goá ê chhiú goá ê kha, chiū-sī goá pún-sin; bong goá, chiū chai; in-ūi sìn bô kut bô bah, chiàu lín khoàⁿ-kìⁿ goá lóng sī ū. ⁴⁰Kóng án-ni, chiū chiong chhiú kap kha hō· in khoàⁿ. ⁴¹Hák-seng ūi-tiòh hoaⁿ-hí ê iân-kò·, iáu-kú bô sìn, koh teh kî-koài, I kā in kóng, Lín tī chia ū sím-mih thang chiaⁿ bô? ⁴²In chiū chiong pek ê hī chit phìⁿ hō· I; ⁴³I thēh-khì, tng in ê bīn-cheng chiaⁿ i.

⁴⁴Koh tui in kóng, Chiaⁿ-ê chiū-sī goá iáu-kú kap lín tī-teh ê sí só· tui lín kóng ê oē, kóng kìⁿ-nā tī Mô·se ê lút-hoat, kap hiah ê sian-ti, í-kíp si-phian, só· kî-chài chí goá ê oē lóng tek-khak tiòh èng-giām. ⁴⁵Chiū khui in ê sim-khiàu, hō· in oē hiáu-ngō· hiah ê sèng-keng. ⁴⁶Koh kā in kóng, Ū án-ni kî-chài, Ki-tok tiòh

siū khó· tē saⁿ jít tùi sí-lâng tiong koh-oáh;
⁴⁷iā hoán-hoé kap sià-choē ê tō-lí beh tī I ê
miâ lâi thoân kàu bân pang, sī tùi lâ-lō·sat-
lêng khí. ⁴⁸Lín choè chia^h ê tãi-chì ê kan-
chèng. ⁴⁹Iā goá beh chhe goá ê Pē só· èng-ún
ê kàu tī lín; chóng-sī lín tiòh tiàm tī chit ê
siâⁿ, thèng-hāu tùi téng-bīn lōh-lâi ê koân-
lêng chhin-chhiūⁿ saⁿ kâ lín chhēng.

⁵⁰Chiū chhoā in chhut-khì kàu Pek-tāi-nī
ê tùi-bīn, kiáh-khí chhiú, kâ in chiok-hok.
⁵¹Chiok-hok ê sī, chiū lī-piát in, siū chih-chiap
chiūⁿ thiⁿ. ⁵²In chiū pài I; chiū tò-tng-khì lâ-
lō·sat-lêng, toā-toā hoaⁿ-hí: ⁵³siông-siông tī
tiān-lāi, o-ló Siōng-tè.